

652/2
1987

ISSN 0134 3459

საქართველოს
საბჭოთავო კავშირი

ქრონიკა

356



4

1987

ქოროსი

გ ა მ ტ რ ე მ ჯ ი რ ი ს ე ა

29-ე

წელი

ლიბერატორულ-მხატვრული და საზოგადოებრივ-პოლიტიკური შურონალი

საპარტიზოლოს მფირალთა კავშირისა და ახარის განყოფილების ორგანო

რა მშვენიერი ზღვა გვაქვს, აჭარა,
რა მომავალი, ძვირფასი ბედით...
ქალაქი — ჩვენი ქვეყნის ფანჯარა
დმოსავლეთით და დასავლეთით.

გ. ტაბიძე

4

1987

0360სი
0370სი



გ ა თ უ შ ი

შ ი ნ ა ბ რ ს ი

პოეზია, პროზა

ნიკოლა ვაპცაროვი — ლექსები (ბუ- ლგარულიდან თარგმნა ვახტანგ ახვლედიანმა)	3
ვოლტერ ჭანტურია — შეხვედრა ვენეციაში (მოთხრობა)	7
ნანა ღვინეფაძე — ლექსები	14
ლალი თოთაძე — ლექსები	17
ბორის მეტრეველი — ლექსები	20
იაშარ ქეშალი — ჩაქირჯალი ახმედ ეფე (რომანის ფრაგმენტები, თუ- რქულიდან თარგმნა იბრაიმ გო- რაძემ)	22

ჯეჯილი

ვაჟა კინწურაშვილი — ლექსები 28

რეცენზიის მაგიერ

ადექსანდრე სამსონია — „მონანიე-
ბა“ ბათუმში გადაიღეს 29

**ილია ჭავჭავაძის დაბადების
150 წლისთავისათვის**

- მალხაზ სიორიძე — „დიდ წარ-
სულს დიდი მომავალი ექნება“ 36
- შოთა ზაქარიაძე — საქართველოს
ყველა კუთხესთან 42

კვალი ნათელი

- რამაზ სურმანიძე — წერილები შა-
ვშეთიდან (გაგრძელება) 44
- იოსებ ბეჭირიშვილი — ხალხის სა-
ქმისათვის მებრძოლი 54
- ზურაბ კომახიძე — ყველაზე დიდი
ჯილდო 56
- ახელ სურგულაძე — პირველი სკო-
ლა ხუცუბანში 58

კრიტიკა და ბიბლიოგრაფია

- შოთა ქურიძე — შეიცან თავი შენი,
ანუ დათა თუთაშხია როგორც
ხასიათი 63

წერილები

- მიხეილ მახარაძე — ქართული რე-
ნესანსის საკითხები უახლეს გა-
მოკვლევებში 71
- ჯემალ ჯაყელი — სულიერი კულ-
ტურის სათავე (წერილი II) 80
- გუგული დიასამიძე — მარტივი ტო-
პონიკები 90
- გასულ ორ თვეში 94

**მთავარი რედაქტორი
ალექსანდრე სამსონია**

სარედაქციო კოლეგია:

აზიზ ახვლედიანი,
გიორგი ბაჩიანიძე,
ზურაბ გორგილაძე,
მამია ვარზანიძე,
(პასუხისმგებელი მდივანი),

შოთა ჯორიძე,
დავით თედორაძე,
გიორგი სალუშვაძე,
ჯემალ ქათამაძე,
ალექსანდრე ჩხანიძე,
ფრიდონ ხალვაში,
დავით ხახუტაიშვილი,
ჯემალ ჯაყელი.

რედაქციის მისამართი: ბათუმი,
ენგელის ქ. № 21. ტელ. 3-33-71.

გადაცა წარმოებას 12.6.87, ხელმოწე-
რილია დასაბეჭდად 2.7.87, საგამომ-
ცემლო თაბახი 4,8, შეკვეთის № 1715,
ემ 02058, ქალაქის ზომა 60X90/16,
ტირაჟი 5000.

საქართველოს სსრ გამომცემლობათა,
პოლიგრაფიისა და წიგნის ვაჭრობის სა-
ქმეთა სახელმწიფო კომიტეტის აჭარის
ასსრ პოლიგრაფიული საწარმოო გაერ-
თიანება, ბათუმი, ლუქსემბურგის, 20.

Государственный комитет Грузин-
ской ССР по делам издательств, по-
лиграфии и книжной торговли. По-
лиграфическое производственное
объединение Аджарской АССР,
Батуми, ул. Р. Люксембург, 20.

ნიკოლა ვაკცაროვი

ბოტევი

18466

ხრისტო ბოტევი — ბულგარეთის ეროვნული გმირი, პოეტი და პუბლიცისტი, 1875 წლის აჯანყების ერთ-ერთი ხელმძღვანელი — გმირულად დაეცა თურქებთან ბრძოლაში ვოლის მთაზე 1876 წლის 17 მაისს. ეს დღე გამოცხადებულია ბულგარეთის ეროვნული გლოვის დღედ

ერთხელ ოთახში დაღლილი სახით,
ხელებზე კოჟრებით, იერით მკაცრით,
(რომ იფიქრებდით, მყავსო ნანახი),
მეწვია ერთი მშრომელი კაცი.
შემოვიდა და კარებთან გაჩერდა,
ბერეტი მოიძრო მერე,
— პოეტო, — მომმართა, ხმა უკანკალებდა, —
პოეტო, ბოტევეზე წერეთ!
— ბოტევეზე? — ვკითხე და გავოცდი ძალიან,
სხვა სათქმელს ველოდი მისგან, —
დღეს და ხვალ, კეთილო, სულ არა მცალიან,
ზეგ მოდით, თუნდ დილით სისხამ...
თუმც არა, დილიდან ნუ მოხვალთ, ძამია,
ეს საქმე, ის საქმე, იცით...
(რა არი ცხოვრება, სულ ერთი ჩქამია),
ორშაბათს შემოდით, დღისით.
...ადარც ძილია და ადარც ღვიძილია,
რას ვეტყვი? ანკი რა მეთქმის?!
დრო ვარბის, დრო მიჰქრის, კვირაც მიილია,
არ მოდის წყეული ლექსი!

პეტ. სსრ კ. ბარქოსი
სახ. სახ. რესპუბ.
ბიბლიოთეკა

„არ მოდის წყეული!“ — ზედ „მარილიანიც“
დავურთე ჩვეული ეშხით.
გარეთ აგვისტოა, სდულს დარი მზიანი,
ლექსი კი... არ მოდის ლექსი!
ლოგინზე გულადმა ვავდივარ დაღლილი,
თვალეები — უაზროდ ჭერში.
„პოეტი არა ხარ ნაღდი და ნამდვილი!“ —
შორიდან ხითხითი მესმის...
კიდევ, ჰა, საათიც, და კარი იღება,
შემოდის ის ჯმუხი მუშა.
— რა ჰქენით, დაწერეთ? — ჯიქურ მეკითხება,
ჯიქურად, შემტევად, კუშტად.
— თქვენ ისა... — ვიბნევი, — ბოტევეზე მითხართ?
ვმუშაობ, გამოვა, ალბათ...
ეს შესავალია, აგერ მაქვს კითხვარიც, —
ვპასუხობ ურცხვად და ყალბად... —
რაო, წაგიკითხოთ? ბატონი ბრძანდებით.
იწყება პოემა ასე:
„აპრილი, ვარსკვლავთა კაშკაშა გუნდები
დაჰქრიან პირინის თავზე.
ამოდის ნელ-ნელა მთვარე გალეული,
ამოდის იღუმალ კრძალვით,
დაბურულ უღრანში ნადირი ეული...“
— გეყოფათ, პოეტო, კარგით!
ეს არის ბოტევეზე? სად არის ბოტევი! —
მოსულს ექუფრება მზერა,—
შე კაცო, ჩვენს ბედკრულ წარსულზე მოყევი,
მტერმა რომ გვჟუჟა და გვჟვერა.
მოყევი, კეთილო, სისხლიან პურზე,
ქარხნების მჭვარტლზე და კვამლზე,
მოყევი ბრძოლაზე, ღალატზე, შურზე,
დიდ წინაპართა კვალზე...
მამულის მონობის სიმღერაც ჩაურთე,
სიმღერა — ხალხის კენესა,
და ერთი მემკვიდრეც დევგმირად აკურთხე,
თავისუფლების ღმერთად.
სად გაგონილა ძიება დევგმირის
ხეობებში და მთაში,
სად რა ხანია ტურაც არ ჰყვირის
და არ ფრთხიალებს შაშვიც!

ნუთუ ვერ ხედავ, ნუთუ შენ ვძინავს,
რა უფლება გაქვს ძილის!
ბოტევი, პოეტო, ჩემს სისხლში ბრწყინავს.
ბოტევი ჩემში ჰყვირის?
მე ეს მინდოდა, შენ სხვა მოყევი,
თხზავ შორეულ მთის ზღაპრებს.
ერის სიცოცხლის ძარღვია ბოტევი,
ძალა — ბნელეთს რომ ამსხვრევს.
ვხედავ, პოეტო, მე შენში ვხედავ,
ბოტევი აღსდგა ისევ,
და დროშით ხელში ხალხს უძღვის მხნედა,
ახალ ბრძოლებში გვიწვევს!...

მტერი ტყეში შეფარულა.
გასროლა და... „ვაიმე!“
იმ დაწყვეტილ თოფის ლულას
გაეგება რაიმე?
მზეჭაბუკი ნელა კვდება,
სისხლი მისდის თქრიალით,
ტკივილი და ფიქრი ერთად
საწყალს სულს უტრიალებს:
„დედა... თავს მოიკლავს დედა,
გულისსწორი ცრემლს დაღვრის,
მერე სხვაზე გათხოვდება...
მეგობრები... არც კი ღირს!..
არა, განა სიკვდილს ვნადვლობ,
რალა დროსი მაგია.
უკუნია სულმთლად ახლო,
შორს კი... ბარიკადია...
მე მეგონა ბარიკადზე
დროშას ვაფრიალებდი...
აი, მოდის მტერზე მტერი
სისხლიანი ბრჭყალებით...“

ეკ, ოცნება არ ამიზდა,
რა მოკლე დღე მქონია.
ერთი ყლუბი წყალი მინდა,
შევსვა, მოვრჩე... მგონია...
ეს რა ბგერებს მოვჰკარ ყური,
ხმები მესმის წკრიალა...
სულ ახლო ჰქუხს ნაკადული!
ქალიშვილო, ფიალა!
გოგოვ, ღმერთმა ავაშენა,
ტკივილები გამიქრა.
რომ მოვრჩები, გიშრისთმებავ,
დედაჩემთან წაგიყ...ვან...“
გაყინულნი დგანან მთანი,
ტყე ირწევა, ცახცახებს,
დედასავით მოსთქვამს ქარი,
ეხეთქება წარაფებს...
მტერი ტყეში შეფარულა,
გასროლა და.. „ვაიმე!“
იმ დაწყვეტილ თოფის ლულას
გაეგება რაიმე?..

პირინის თავზე,
 ტყის კატრებზე
 შლივინობს ქარი,
 ქარი აშარი...
 წყეული ომი!..
 შვიდნი წავედით
 მოუსვლელ გზებით,
 დარჩა პირინი
 ძალიან შორით...
 აქ ღმუის ომი,
 აქ ღმუის ომი..
 ვფიქრობთ ყოველი
 გვერდიგვერდ მდგომი:
 „ვერ დავბრუნდებით,
 ვერ დავბრუნდებით,
 ვერ დავბრუნდებით,
 მგონი...“
 და გვაგონდება
 ჩვენი სოფელი,
 წყნარი საღამო,
 ტუჩები მწველი,
 ტუჩები სველი..
 ტყის უღრანებში
 ვიმალებოდით,
 ზოგჯერ ნადირის
 გვეძინა გვერდით,
 რომ არ გველოდნენ,

იქა ვჩნდებოდით,
 მიწას ღუშმანის
 გვამებით ვფენდით.
 წინაპართა სისხლს
 ბალახზე ვცნობდით,
 წინაპართა სისხლს
 ფოთლებზე ვცნობდით,
 წინაპართა სისხლს
 ვცნობდით ბუჩქებზე,
 ტყის ბილიკებზე
 წვეტიან ქვებზე,
 მშობელი მიწის
 იღუმალ ხმებზე.

თვალცრემლიანი
 ფოთლები წნორის,
 თვალცრემლიანი
 ღრუბლები შორი,
 ქარი, წვიმა თუ
 ნამქერის თქორი,
 ჩემი მამულის
 ჳმუნვა და სევდა
 წინაპართ სისხლის
 სიმღერას მღერდა.

წავედით ომში
 სექტემბრის ღამით,
 უკან დავბრუნდით
 შვიდიდან სამნი...

ბულგარულიდან თარგმნა **ვასტანგ ახვლედიანმა**



შესვლრა ვენეციაში

მეზღვაურებს ოდითგან არ უყვარდათ თარსი რიცხვი — ცამეტი და კვირის პირველი დღე — ორშაბათი, ორივეს უიღბლოდ თვლიდნენ და ამ დღეს ზღვაში გასვლას გაუბოდნენ, ხოლო თუ მაინც მოუწევდათ გამგზავრება, სერიოზულ სამუშაოს ხელს არ ჰკიდებდნენ.

პირადად ჩემთვის ცამეტი რიცხვიც და ორშაბათიც თითქმის ყოველთვის სიკეთისა და სიხარულის მომტანი იყო. ამჯერადაც გამიმართლა და მერე როგორ!

ცამეტ დეკემბერს გადმოცემული რადიოგრამით ტვირთის მიმღები სააგენტო იუწყებოდა, ვენეცია-მარგერას ნავსადგურში უნდა შეხვდიეთო. ასე რომ, ეკიპაჟის უმრავლესობა კვლავ მოინახულებდა ზღვაზე მოტივტივე მზეთუნახავ ვენეციას..

უსაზღვრო იყო ჩემი სიხარულიც. იმ ორმოცი წლის განმავლობაში, რაც მე ზღვა-ზღვა დავეხეტები, ორმოცი ქვეყნის ოთხმოცზე მეტი უცხო ნავსადგური მოვინახულე, მაგრამ წყალზე გაშენებული ქალაქის ნახვას ვერ ვეღირსე. და აი, ეს დღეც მოვიდა. ჩემს მეხსიერებაში უცებ გაცოცხლდა გაგონილი თუ წაკითხული ამ ძველთაძველ ქალაქზე. მე ვიქნები სტუმარი ქალაქისა, სადაც არ არის არავითარი ბორბლებიანი ტრანსპორტი, სადაც ცისფერ გზებზე ხალხი მგზავრობს არა მარტო უძველესი დროიდან შემონახული გონდოლებით, არამედ, უფრო მეტად, თანამედროვე და იაფფასიანი სწრაფმავალი გლისერებითა და პატარა კატარლებით, წყლის ტრამვაის რომ ეძახიან..

დეკემბრის ნესტიანი ამინდით შემოგვეგება ადრიატიკა. ჩრდილოეთით ორიათასხუთასწლიანი ქალაქი თვლემდა. ტანკერი „პოხედა ოქტიაბრია“ სრული სვლით მიდიოდა და ანაოჭებდა ზღვის მოსარკულ ზედაპირს, რომლის სიღრმეში უამრავი ვარსკვლავი ციმციმებდა. ღამის სიბნელეში დროგამოშვებით დელფინების ნახტომის ნამგლისებური ნაკვალევი ვერცხლისფრად გაიელვებდა ხოლმე. შტურმანების მთელი შემადგენლობა კაპიტან როსტომ ბერიძის მეთაურობით სანაოსნოს ხიდურზე გამოსულიყო. გემი სულ მალე მალაკო-მარგერას არხში შეცურდებოდა. გამოხდა ხანი და ჰორიზონტს მიღმა ათასობით ელექტრონათურის მოოქროვილ-მოცისფრო ნათება მოულოდნელად აიჭრა ცისკენ. კიდევ რამოდენიმე წუთიც და

ჩვენს თვალწინ ზღვიდან ამოტივტივდა ცეცხლის ნაკადებით, აბრიალებულა უზარმაზარი ხომალდი — ქალაქი ვენეცია.

— მე არაერთხელ მინახავს ეს ზღაპრული ქალაქი, რომელსაც „აღრიატიკის მარგალიტს“ ეძახიან, — თქვა კაპიტანმა ბერიძემ, — მაგრამ, იცით, იგი ყოველთვის ამოუცნობი სიახლით წარმომიდგება ხოლმე. ოღონდ, დასანანია, რომ ეს მშვენიერი ქმნილება, ჩვენი დიოსკურიის დარად, უახლოეს მომავალში შეიძლება წყლით დაიფაროს...

მესაჭემ კაპიტნის ბრძანებას დაუმორჩილა გემი. ვენეცია მარჯვნივ დარჩა. ჩვენ კი მალაკო-მარგერას არხით რაფინარიის აუზისაკენ განვაგრძეთ სვლა და მალე მივადექით გემთმისადგომ ირომოს, რომელიც ვიტორიო-ემანუელეს არხის ჩრდილო-აღმოსავლეთით, მარგერას ჭაობიან ადგილზეა აშენებული.

დილის ნათებასთან ერთად რძისფერი ნისლით გაიჟღინთა მიდამო. ჩვენ დრო არ გვქონდა გვეცადა, როდის გაიფანტებოდა ნისლი. გემიდან ავტობუსების გაჩერებისაკენ ავიღეთ გეზი. წინ მიგვიძლოდნენ აქ უკვე მრავალჯერ ნამყოფი მეზღვაურები. მათგან გავიგეთ, რომ ვენეციამდე ერთი მეორეს მიყოლებით სწრაფმავალი კომფორტული ავტობუსები დადიან და რამდენიმე წუთში მიგიყვანს ვენეციაშიო... ვის არ ნახავთ აქ, ყველა ჯურისა და ხნოვანების ქალებსა და კაცებს, უბრალოდ, ცნობისმოყვარეთ, დამსვენებლებს, ტურისტებს, ფერწერის შედეგებისა თუ მისის უნიკალური ნაწარმის, მხატვრული ჭურჭლებისა თუ ჭალების, ვრავირებული სარკეების, მინანქრიანი თასების, სასმელებისა და ლარნაკების ქორვაჭრებს, შეხვდებით ჩვენსაირ მეზღვაურებსაც, რომლებსაც არასდროს არ ჰყოფნით არც დრო და არც ფული, მაგრამ დიდი სურვილი აქვთ რაღაცა საინტერესო შეიძინონ. ამავე დროს ცდილობენ ცქერით მაინც მიეაღერსონ უძველესი დროის დირსშესანიშნავ ძეგლებს, რომლებიც ჩვენთან ისეა რეკლამირებული, რომ ნებისმიერ ახალგაზრდას შეუძლია დაგისვას, მაგალითად, ასეთი შეკითხვა: „თქვენ პირადად თუ გაიარეთ მოხატული „ოხვრის ხიდი“ და რითაა იგი სახელგანთქმული?“ შორეული ნაოსნობის მეზღვაურებისაგან კი მოელიან არა უბრალო, არამედ ამომწურავ პასუხს...

დღეს ბედი გვწყალობდა ნამდვილად: ნისლი თვალსა და ხელს შუა გაუჩინარდა, ჩვენც ავტობუსის გაჩერებასთან აღმოვჩნდით და მალე ლიბერტას ჯვბირის დაბეტონებულ გზატკეცილზე მივქროდით. ოთხკილომეტრიანი გზა თვალის დახამხამებაში აკვეცეთ და რომის მოედანზე ამოვყავით თავი. მივიხედ-მოვიხედეთ, გავშინაურდით. ჯგუფ-ჯგუფად იდგნენ ვენეციის ნავის მსურველები. ყოველ ჯგუფს თან ახლდა პროფესიონალი მეგზური. შევეხმიანეთ იქვე მყოფ ჯგუფებს:

— აქ რომელიმე „რაშენ“ ჯგუფი არ არის?

იმწამსვე გვიპასუხეს რუსულად.

— გამარჯობათ, მეგობრებო! აქეთ მობრძანდით, შემოგვიერთდით. —

გამოვეცხაურა გიდი — ახალგაზრდა ქალი, ბრწყინვალე რუსულით მოლაპარაკე, დაუყოვნებლივ შევეუერთდი „ჩვენებს“. გამოვეცხაურეთ.

— საბჭოთა მეზღვაურები ვართ — თეიმურაზი, ივანე და მე, ვიქტორი — გავაცანი ჩვენი ჯგუფი.

— მე ჟანა მქვია. ეს მეგობრები კი კიეველი ტურისტები არიან... აბა, მეგობრებო, ჩვენ უკვე შვიდნი ვართ, ანუ „შესანიშნავი შვიდეული“. ასე რომ, უფლება გვაქვს დავიწყით დათვალიერება. — თქვა ჟანამ და მარჯვენა ხელის მსუბუქი მოძრაობით მხრებამდე ჩამოფენილი ოქროსფერი თმები ზურგზე გადაიყარა.

ჟანას რომ შევხედე, მომეჩვენა, თითქოს იგი სადღაც მენახა. და რაც უფრო მეტს ვფიქრობდი ამის შესახებ, მით უფრო ვრწმუნდებოდი ვარაუდის სისწორეში. ნამდვილად მინახავს, მაგრამ როდის და სად? რატომღაც ძალიან ნაცნობად მომესმა მისი ხმის ხავერდისებრა ტემბრი. თუმცა, ხომ შეიძლება, მართლაც მომეჩვენა? ასეც ვფიქრობდი, მაგრამ აჩქებულ აზრს, რომ მე იგი მინახავს, თავი ვერ დავაღწიე. მაშ, კარგი, ვნახოთ, შემდეგ რა მოხდება. თუკი ჩვენ მართლაც შევხვედრივართ ერთმანეთს, იგი პირველი მოიგონებს და ალაპარაკდება, ვერ მოითმენს. რაც უნდა იყოს, ქალია... როგორ მინდოდა, ასე მომხდარიყო! მაგრამ თუკი ვერ მოიგონა და ეს ყველაფერი ილუზიაა? მაშინ რა? — ვუსაყვედურე ჩემს თავს. სჯობს, მოვესმინო ჟანას საუბარს, გადავწყვიტე მე და სმენად ვიქციე.

— ამრიგად, ვენეცია, როგორც დასახლება, არსებობს მეზუთე საუკუნიდან, რა თქმა უნდა, ჩვენს ერაჲდე, როგორც ქალაქი კი — ჩვენი წელთაღრიცხვის მეცხრე საუკუნიდან. ჩვენ მალე 2500 წლისთავი უნდა ვიზიშმით, მაგრამ ამაზე ჯერჯერობით არავინ ფიქრობს, — სინანულით თქვა ჟანამ, მერე კი გაბრაზებული კილოთი განავრძო, — ამჯერად მხოლოდ საკუთარი ჯიბის გასქელებაზე ფიქრობს ყველა. წარმოიდგინეთ, ზოგიერთმა ეაჭარმა მარმარილოს ფილებით მოგებული პროსპექტა ალუბლისფერი ნიხებით მოაფარდა, მალაზიაში რომ შეიტყუოს მყიდველი, თუმცა მე სათქმელს გადავუხვიე. რუსებისა არ იყოს, ეშმაკს წაუღია მაგათი თავი! მაპატიეთ, განვაგრძოთ... ჩვენი ქალაქი განფენილია 122 ბუნებრივ და ხელოვნურ კუნძულზე, რომლებიც ადრიატიკის ზღვის ლურჯ წყლებში მიმოფანტულა...

კვლავ ფიქრებმა გამიტაცეს. სათვალე მოვიხსენი და წვერში თითებ-კაჩრიღმა ხელახლა დავიწყე იმაზე ფიქრი, თუ სად და როდის მენახა ჟანა. იგი კი აღვზნებულად და დიდი პათოსით ლაპარაკობდა, ამავე დროს თითქოს ყოველ ჩვენთაგანს თვალეებში შესცქეროდა. როცა ჯერი ჩემზე დადგა და ჩვენი თვალეები ერთმანეთს გაუსწორდნენ, მომეჩვენა, რომ ჟანამ თითქოს რაღაცას ფეხი წამოსდო და წაიფორხილა, მან წამით შეწყვიტა საუბარი, თვალეები დაუპატარავდა, დიმილი თითქოს ტუჩებზე შეაშრა და მისი სახის იერი რაღაც მიმაღულ ვაკვთრებას გამოხატავდა. მა-

გრამ ეს ყოველივე ჩემი წარმოდგენა იყო, ჟანა კვლავ იოლად უტანებლად განაგრძობდა თხრობას.

— ქალაქში ოთხასზე მეტი დიდი და პატარა ხიდა. ახლა ჩვენ გადავალთ კუზიან პატარა ხიდს, რომელიც კუს ბაკანს მოჰკავს და არხ გრანდეს იმ სანაპიროზე აღმოვჩნდებით, სადაც დღესაც სუფევს გასულ საუკუნეთა მღუმარება. ჩვენი მიზანია ქალაქის უმთავრეს ღირსშესანიშნავ ადგილზე გასვლა, რომელსაც დი სან-მარკოს მოედანი ჰქვია. ვიდრე იქ მივალთ, მოგიყვებით ისეთ ამბებს, რომელთაც ვერც ერთ გზამკვლევში კერ წაიკითხავთ. წავიდეთ, მეგობრებო! — თქვა ჟანამ. მერე სხარტად მოტრიალდა. „კუს ბაკანის“ ქვას საფეხურებს ჩიტვივით გადაეველო და გრანდეს არხის სამხრეთ სანაპიროზე გაიჭრა.

ჟანას თვალს არ ვაცილებდი. მას მუქი ცისფერი კაბა ეცვა, ღია ცისფერი კოფტა მხრებზე მოეგდო. მომხიზვლელი გარეგნობა ჰქონდა, მაგრამ თავი უბრალოდ ეჭიარა. ლაპარაკობდა გასაგებად და დამაჯერებლად. ხელახლა ამეკვიატა აზრი, რომ მას ვიცნობ, მეცნობა მისი ჩაცმულობა, ტანადობა, მისი მანერა სიტყვებისა და ფრაზების ზუსტად გამოთქმისა. დროდადრო, როცა ჩვენი თვალები ერთმანეთს ხვდებოდნენ, შეგონა, რომ ჩვენ თითქოს ვგრძნობდით, თითქოს თვალებით ვუებნებოდით ერთმანეთს, რა საჭიროა რუბიკონის გადალახვა და სინამდვილის გამოაშკარავებაო... მაგრამ ეჭვი მაინც არ მეშვებოდა. ხომ შეიძლება ეს ყველაფერი ჩემი წარმოსახვის ნაყოფი იყოს, რადგან მინდა ძალიან დავიჯერო, თითქოს მე და ჟანა ოდესღაც და სადღაც შევხვედრივართ, რომ ჩვენ დიდი ხანია ვიცნობთ ერთმანეთს. ვეკითხებოდი ჩემს თავს: ბოლოს და ბოლოს, რისთვის მჭირდება ყოველივე ეს? რაღაც სულ ორი-სამი საათის შემდეგ აქ აღარ ვიქნები: ჩემი მეზღვაურობის ორმოცი წლის მანძილზე ამ ქალაქში პირველად ვარ და შესაძლებელია უკანასკნელადაც. ჰოდა, გონებაში აკვიატებული აზრი, რომ მე ჟანას ვიცნობ, გაქრება და დავიწყებას მიეცემა... იმ წამსვე სხვა ხმაც ჩამჩურჩულებდა ყურში, საჭიროა რაიმე ვიღონოთ და ეჭვი გავფანტოთო... გადავწყვიტე დავლაპარაკებოდი ჟანას, მაგრამ ვინ მომცა ამის საშუალება. იგი არავითარ საბაბს არ იძლეოდა მის ლაპარაკში სიტყვა ჩამერთო, ან სხვანაირი საუბარი წამომეწყო. იგი ხომ ჩვენი ვიდი იყო და ბრწყინვალედ ასრულებდა თავის პროფესიულ მოვალეობას, ყურები გამოგვიჭედა ვენეციური საიდუმლო ამბებით, რომელთაგან ზოგი საუკუნეების მიღმა მომხდარიყო და ზოგიც სულ ახლახან...

— მე თქვენ გიჩვენებთ ფრანცისკო პეტრარკას ბინას, დავანახვებთ დღეისათვის თითქმის მივიწყებულ გარიბალდის ძეგლს. დოჟების სასახლის მუზეუმში თქვენ ნახავთ ვენეციის რესპუბლიკის აყვავების დროინდელ საბრძოლო თუ ადამიანის საწამებელ იარაღებს. ნახავთ „ერთგულების სარტყლებს“, რომლებსაც ზღვისპირა ქვეყნების დასარბევად მიმავალი ქმრები ცოლებს უკეთებდნენ. ამ ქალაქში არის სახლები, სადაც ცხოვრო-

ბდნენ ბაირონი და ჰემინგუეი, გიჟვანებთ სასახლეებს ოტელისი და
ღეზდემონასი... — თქვა თუ არა ეს, ჟანამ უცებ შეწყვიტა თხრობა და
ჯიქურ გამისწორა თვალი. და აი, მომაგონდა, როდის და სად გავიცანი
ოვი. კინლამ ავეყირდი! მაგრამ ჟანას არაფრის ამოკითხვა არ შეეძლო
შავი სათვალეების მიღმა მიმალულ ჩემს აცრემლებულ თვალებში. დიახ,
ეს ქალი იყო სწორედ ის ჟანა, რომელსაც მე შევხვდი ზუსტად ცამეტი
წლის უკან მარსელში. დიახ, დიახ, ზუსტად ცამეტი წლის უკან! ჟანა ჩქა-
რა მოეგო გონს და კვლავ განაგრძო თხრობა.

— სამოციან წლებში დაიწყო ადრიატიკის ზღვის შემოტევა. 1966
წელს ზღვა ისე გადაირია, რომ სან-მარკოს მოედანიც დაფარა წყალმა.
ადრიატიკამ ჩვენ გვშობა და იგივე ადრიატიკა გვიჩაადებს სამუდამო
ადგილსამყოფელს თავის ჯურღმულებშიო“, ლაპარაკობენ ვენეციელები...

მოგზაურობა გრძელდება. უკვე გავიარეთ რიალტოს მარმარილოს ხი-
დი. ჩავუარეთ ცენტრალურ ფოსტასა და ქალაქის ბანკს. ჩვენს თვალწინ
წარსდგა ხუროთმოძღვრების თვალწარმტაცი ანსამბლი — ვენეციის
უკვდავების გვირგვინი: გოთიური და ბიზანტიური სტილით მოჩუქურთმე-
ბული ხუთგუმბათიანი ეკლესია — მდიდარი მზზიკით მოპირკეთებული
კედლებითა და საუკეთესო მარმარილოსაგან გამოთლილი რვაასი ბოძით.
წითელი აგურის შენობაში მომწყვდეული კამპანილე — სამრეკლო, ამხა-
ნად მუზეუმად გადაქცეული დოჟების სასახლე, რომლის აგებას შვიდასი
წელი მოანდომეს ქვის ოსტატებმა. ცამდე აღმართული საათის კოშკი,
რომლის სახურავზე ყოველ საათს, დაწყებული მეხუთე საუკუნიდან დღე-
მდე, ორი ბრინჯაოს ღმერთი უროებს სცემს უზარმაზარ ზარს.

— მიგობრებო, შეხედეთ აი, იმ მომხიბვლელ სანახაობას, — თქვა ჟა-
ნამ და სიხარულით აღსავსე ცისფერი თვალები მოედნის ცენტრისაკენ
ძიაპყრო.

ჩვენგან არც ისე შორს, მტრედების გუნდის შუაგულში, გოგონას
მკლავები გაეშალა და ოდნავ წახრილიყო, თითქოს აფრენას ლამობდა
ქათქათა მტრედებთან ერთად, რომლებიც მიჯრით დაფრენილიყვნენ ორი-
ვე მკლავზე და ერთიც გოგონას თავზე წამოსკუპებულიყო. სწორედ ამ
დროს, საიდანღაც, ყვირილი გაისმა რუსულად:

— დედა, მიყურე, სად ავედი!

ყველანი გაკრემდით და მალლა ავიხედეთ. ბრინჯაოს ღმერთების გვერ-
დით ბიჭუნა იდგა და სახემღიმიარი გვიქნევდა ხელებს.

— პოსეიდონ, შენ ხომ არ გადაირიე, შვილო, ახლავე ჩამოდი! — შეჰ-
კივლა ჟანამ და ამავე დროს ზარის გუგუნი გადმოეკლო მიდამოს. ზარის
ხმასთან ერთად ბიჭუნაც გაუჩინარდა კოშკურის სახურავიდან. ჟანა იდგა
მდუმარე, სახეზე ხელებაფარებული. მოედანი სამარისებურ სიჩუმეს მოე-
ცვა. მტრედებმაც შეწყვიტეს ღუღუნი, ღმერთები კი უროებს სცემდნენ,

განავრთობდნენ ჟამთა სვლის აღრიცხვას, რომლის შეჩერებაც არაავის არ
ძალუქს ამქვეყნად.

როგორც იქნა, დაბლა ჩამოსულ ბიჭუნას მოეკარით თვალი და შევხებით
ამოვისუნთქეთ. იმწამსვე გამოცოცხლდა მოედანი, ბავშვებმა ტანის ცემა
და ყვირილი მორთეს, მტრედების გუნდი ჰაერში აიჭრა და ბიჭუნას
ირგვლივ შეკრა კამარა. ჟანა პირველი მიიჭრა შეილთან.

— პოსეიდონ, როგორ შემაშინე, შვილო, ასე შეიძლება? — სიფვარუ-
ლით საყვედურობდა დედა.

ზმაგაკმენდილი ვიდექით და ვუსმენდით ჟანას აღსარებას. მან ძალიან
ძუნწად, სულ რამდენიმე სიტყვით გვამცნო, რომ დაიბადა საფრანგეთში,
მარსელის უნივერსიტეტის რუსული ენისა და ლიტერატურის ფაკულტე-
ტის დამთავრების შემდეგ ვენციელ მეთევზესთან ერთად დაიღო ბინა.
მერე ბედმა უმუხთლა, ქმარი მალე დაელუპა აზვირთებულ აღრიცხვაში.
დაებადა ვაჟი... დიდხანს ეძებდა სამუშაოს, მაგრამ ამაოდ. რეცხავდა, ქუ-
ჩებს ხვეტავდა, სადილი დაჰქონდა სახლებში... ბოლოს და ბოლოს, რო-
გორც იქნა, მოეწყო ვიდად.

— რატომ ელაპარაკებით შეილს რუსულად? — ჰკითხა ვიდაცამ.

— რუსული ენა, არ ვიცი, რატომ, ბავშვობიდან შემეყვარდა, ბიჭმა
კა მშობლიური იტალიურის გარდა, ფრანგულიც იცის.

— რატომ ეძახით შეილს პოსეიდონს? — დაინტერესდა თეიმურაზი.

— უნივერსიტეტში სწავლის დროს ჰოსპიტალში მიმიწვიეს თარჯიმ-
ნად. იქ ერთ თქვენებურ მეზღვაურს ჰკურნავდნენ, რომელსაც თვალები
დაეშავებინა გემზე. მოხდენილი ვაჟაკი იყო, შავი წვერ-ულვაშით, და
ჩვენმა ვოგონებმა მაშინვე პოსეიდონად მონათლეს. იგი კარგად ლაპარაკო-
ბდა რუსულად, თუმცა ქართველი იყო. იცით, ის პოსეიდონი ძალიან
მოჰგავდა აი, ამ პატივცემულ მეზღვაურს, ვიქტორს, — ჟანამ ჩემსკენ გა-
მოიხედა მორიდებული ღმილით და განაგრძო, — ისიც მინდა ვაღიარო,
რომ ის პოსეიდონი ლამის შემეყვარდა. მას თვალთახედვა დაუბრუნეს,
მაგრამ სახვევი არ მოუხსნიათ. ნანობდა, რომ ვერ მხედავდა. კარგი ხმა
გაქვსო, მე შენს ხმას სამუდამოდ დავიმახსოვრებო, მეუბნებოდა. როცა
რომელიმე სიტყვას არასწორად წარმოთქვამდი, გულიანად ხარხარებდა.
მერე იგი მოულოდნელად გაწერეს და იმავე დღეს გაამგზავრეს სამშობ-
ლოში. მე მაშინ გამოცდას ვაბარებდი. აეროპორტში რომ მივვარდი, მისი
თვითმფრინავი უკვე ჰაერში იყო. დამავკიანდა. — ჟანამ შეწყვიტა
თხრობა, რაღაცამ დააფიქრა. მერე ამოიოხრა და განაგრძო. — მაშინ გა-
დავწყვიტე, თუკი ვაჟი მეყოლებოდა, პოსეიდონს დავარქმევ-მეთქი. მგონი,
საკმარისია, არა? მე ხომ ყველაფერი გულანდილად ვითხარით... ახლა
კავაგრძელოთ ჩვენი ექსკურსია...

ჟანას აღსარებამ სასტიკად შემაცბუნა, ძლივს ვაკავებდი თავს, რო-
გორ მინდოდა მევირა: „ჟანა, ეს მე ვარ ის პოსეიდონი!“, მაგრამ ვერ

შეეძელი, რაღაც უცნობმა ძალამ შემაჩერა. ჟანა კვლავ განაგრძობდა საუბარს, ვითომ ყურს ვუგდებდი და ვითომ მივეყვებოდი. თავში ტრიალებდა კითხვები: „ვთქვა თუ არა სიმართლე? თუკი ვაღიარებ, რომ ის პოსეაღონი ვარ, რომელიც ჟანას ღამის შეუყვარდა და რომლის გულიანათვის შეიღს პოსეიდონი დაარქვა, როგორი იქნება მისი რეაქცია? ღირს კი გაიხსნას უკვე შეხორცებული სულიერი ჭრილობები?“ საბოლოოდ, როცა ავწონ-დავწონე, გადავწყვიტე არაფერი მეთქვა...

ქალაქის თითქმის ყველა ღირსშესანიშნაობას გავეცანი. ჟანა ისევ ყურადღებიანი იყო და საქმიან საუბარს განაგრძობდა.

— თქვენ ნახეთ, რას ჰგავს ჩვენი ბინები და სასახლეები, მათი კედლები გაშავებულია, ბათქაში ჩამოცვენილია. ვენეციის ცაში კი სმოგი ჰკიდია. ჭუჭყიანი ჰაერი და ტენიანობა — ორივეს ერთად ვენეციელებმა „მარმარილოს უბედურება“ რომ შეარქვეს, — უმოწყალოდ ღრღნის და აფუჭებს სკულპტურულ ნაგებობებს, ფრესკებსა და სურათებს — არქიტექტურისა და ხელოვნების განუმეორებელ ძეგლებს... ზღვა კი ისევ უტყვეს ვენეციას...

დადგა დრო გამოთხოვებისა, განშორება კი არ გვინდოდა. ჟანა სათითაოდ ხელს გვართმევდა და კეთილი სურვილებით გვემშვიდობებოდა.

— ნახვამდის!

— კვლავ გვესტუმრეთ!

— კეთილი მგზავრობა!

— თქვენ კი, ჩემო პოსეიდონ, უნდა გაკოცოთ, თქვენმა იერმა ხომ ჩემი ახალგაზრდობა გამიცოცხლა. — მითხრა ჟანამ, ორივე ხელი კისერზე მომხვია. ლოყა დამიკოცნა და სწრაფად გამშორდა.

დიდხანს ვიდექი ჩაფიქრებული და, ვინ იცის, მერამდენედ ვეკითხებოდი თავს:

— ნუთუ მიცნო?

აგვისტო, 1986, ინდოეთის ოკეანე.



ჩამონგრეულა კლარჯეთში ოშკი...

ექვთიმე თაყაიშვილის ხსოვნას

საქართველოში ბოლო 6 წელიწადში აღდგენილია 600-ზე მეტი ხუროთმოძღვრული ნაგებობა, მაგრამ რა ბედი უწერიათ შორეულ ქართულ მიწებზე მიტოვებულ ძეგლებს?

უკულმართული სიზმარი
 ვნახე,
 რა მეწყინება
 მზეო, გულმნათო?
 თითქოსდა მთვარე
 ჩამოვარდაო, —
 ჩამონგრეულხარ,
 ოშკის გუმბათო...
 თითქოსდა მკერდი
 შემომინგრის...
 ველარ მოგწვდება
 მარჯვენა ჩვენი.
 ოღონდ ესაა,
 რომ ჩვენს ფიქრებში
 იმ ძველებური მშვენებით
 რჩები...
 მაგრამ ხვალ და ზევ?
 მაგრამ ხვალ და ზევ?
 როცა სულ წავშლის
 ვერაგი უამი?

..ქართველი კაცის
 ცრემლად მიიღე
 წვიმად მოსული
 ციური ნამი...
 გატაცებული ძესავით
 გტირი,
 დამუნჯებულო,
 უმრევლ-უმნათო...
 ქართულ გალობას
 გადჩვეულო,
 ჩამონგრეულხარ,
 ოშკის გუმბათო...
 უკულმართული სიზმარი
 ვნახე,
 თვალიც თამაშობს,
 მზეო, გულმნათო...
 თითქოსდა მთვარე
 ჩამოვარდნილა,
 ჩამოქცეულხარ,
 ოშკის გუმბათო!..

ლაზურ კილოზი

მთვარესავით ვალეულა
სიყვარულის ხანა, —
გავაცილოთ სიმღერებით,
ოჰოიდა ნანა,
ოჰოიდა ნანა,

ვისთვის უკვე ზამთარია,
ვისთვის თრობის ხანა,
ოჰოიდა, ოჰოიდა,
ოჰოიდა ნანა!

ეთერივით უბით დამაქვს
ნაჩუქარი დანა, —
მომიოხეთ, მომიმღერეთ
ოჰოიდა ნანა,
ოჰოიდა ნანა!

შემობრუნდა ვაზაფხული,
სიყვარულიც თანა, —
ძველებურად შემოვძახეთ,
ოჰოიდა ნანა,
ოჰოიდა ნანა!

მთვარესავით ავსებულა
გოგო აღვისტანა,
მივეგებთ, მოვულზინოთ, —
ოჰოიდა ნანა,
ოჰოიდა ნანა!

ვისთვის მუდამ ზამთარია,
ვისთვის ტრფობის ხანა,
ოჰოიდა, ოჰოიდა,
ოჰოიდა ნანა!

ეთერივით გულში ჩამრჩა,
ნაჩუქარი დანა, —
მომიოხეთ, მომიმღერეთ,
ოჰოიდა ნანა,
ოჰოიდა ნანა!

როცა მოვკვდე, ცრემლის
ნაცვლად
მარგეთ იავენანა,

ოქვენებური, ძველებური
ოჰოიდა ნანა,
ოჰოიდა ნანა!
მოგონებამ მეწყერივით
გული დაიტანა, —
მომიოხეთ, მომიმღერეთ,
ოჰოიდა ნანა,
ოჰოიდა, ნანა!

ველვას მოთქმა

დედულო და მამულო,
წუხელ სიზმრად განახეთო, —
კოლხეთო და მწუხრეთო,
ტურფა საზამბახეთო...

რა პნელია ნუგეში
გარიყული ქალისთვის,
მიჩუქნია სიცოცხლე
მშობლიური ქარისთვის.

დამაბრუნოს ფაზისთან
სადაც იყო საწმისი,
სიყვარულის თილისმა,
სიყვარულის საწყისი...

ვერსად ვპოვე წამალი
ამერო და იმერო,
მშობლიურ კოლხეთო,
დაკარგულო იმედო..

დაკარგულო მთა-ველო,
სიზმარეთში განახეთო,
საჩინოვ და სავანე
ჩემო საზამბახეთო...

„ვეფხისტყაოსნის“ არაბული
თარგმანის გამომცემელს, სირია-
ში მცხოვრებ ბატონ ლევან სალა-
რადეს შევეკითხე — როგორ შეი-
ნარჩუნეთ-მეთქი ასეთი უზადო
ქართული, მიპასუხა:—ვევლა ქარ-
თულ ჟურნალ-გაზეთს და წიგნს
ხმამაღლა ვკითხულობო...

საქართველოში გამოფრენამდე
თქვენ ალბათ წუთებს და წამებს ითვლით;
და სამშობლოზე ტკივილს იფურცობთ
„ვეფხისტყაოსნის“ ხმამაღლა კითხვით!..
ვარსკვლავზე თურმე ასე გეწერათ. —
იყოთ არაბეთს და იყოთ ქართლშიც —
როგორც ვაშლივით გაჭრილი დარდი...
წამოგწოდეთ ყოველ ნატვრაზე
წამლად —

მშობლიურ მიწა-წყლის მადლი!
აქეთ გაქვთ გული, აქეთ გაქვთ თვალი,
გაქვთ აქეთ ნერვიც და ლიბო ძველი,
რა მშვენიერი სანახავია
გაზაფხულობით კოლხეთის ველი!..
კავკასიონის ქათქათა ქიმებს
ალბათ სიზმარშიც ხმამაღლა ითვლით
და სამშობლოზე ტკივილებს მაღავთ
„ვეფხისტყაოსნის“ გაბმული კითხვით!..





995 X/1



კვლავ მენატრები, მწიფდება უკვე
გვიანი ხილი პატარა ბაღში,
ზმანებასავით დამთავრდა უქმე,
ვზვლები ორშაბათს, ცხადსა და საშინს.

ცვივა მიწაზე ყვითელი პანტა,
გული აწყდება მთვლემარ საგულეს
და ორშაბათი, ტკივილის გარდა,
აღბათ, შენს ღიმილს ისევ მარგუნებს.

მზადა ვარ, აქაც ბოლომდე დავყო,
შენთან ყოფნით თუ ვერაფერს გარგებ,
შინდის მკვრივსა და შეთვალულ ნაყოფს
დავცქერი, როგორც რაფიფის ბაგეს.



ღელავს ზაფხული. დიდი ნუგეში
ამღერებს მინდვრებს და ხოდაბუნებს,
სიტყვა ტკბილი თუ სიტყვა უხეში,
ალარც კი ვიცი, რა მომაბრუნებს.

ახმაურდება ფოთლებში შაშვი,
აუყვავდება პატარა ფრთები,
როცა შენ კვლები, ვცოცხლდები მაშინ,
როცა ცოცხლდები, მე მაშინ ვკრები.

მიყრი კალთაში შეთვალულ მტევნებს
და სიზმრის ყველა ციხე-კოშკს მირყევ,
მაყრია უხვად ქვესკნელის მტვერი
და მწოვს ფუტკარი ტანიდან სიტყვებს.

საქ. ისრ. კ. მარჯოს
სახ. სახ. რესპუბ.
ბიბლიოთეკა

ნეტავ, ბოლომდე მიგრძნოს და შემსვას,
ჩამკეტოს სკაში ტკბილი და მწველი,
ფრთხილებს სულში პატარა ლექსი,
როგორც სათიბში შემკრთალი მწყერი.

არ ვეჯიბრები ქალებს გაძლებით,
არც უსახელო ხმით და ფესვებით,
როგორც მთიელი ბასრი ხანჯლებით,
შენს მკერდზე ვცეკვავ ჩემი ლექსებით.

თევზია ჩემი ზოდიაქო, შენი რა არის,
ვერძი თუ ლომი, რა შეგიკრთობს ღამის ზმანებას,
ნიშანი რა გაქვს, ზურმუხტი თუ ბედნავსი ლალი,
იქნებ გიშერი, თვალს რომ იკრავს და იბზარება.

სადაა შენი შორეული ბედის ვარსკვლავი,
იქნება ღმერთში დაიკარგა, ცა როცა იშვა,
დაგვხმარება ზოდიაქო, მთვარის აკვანზე
დაჰკიდებს თორმეტს უღამაზეს საოცარ ნიშანს.

გაჩუქებს იმედს — შენს თბილ ძვლებზე თავდაზრილ
მისანს,

რომ მუდამ ერთად ზეიმობდეთ, ერთად ომობდეთ,
რადგანაც უკვე ერთმანეთი ისე ვერ გვიყვარს,
როგორც გვიყვარდა და გვხიბლავდა წარღვნის
ბოლო დღეს.

ვინ არის ნეტავ, ძველებურად რომ არ ვეთმობით,
იქნებ ახლოა, ჩუმად გვეტრფის, იქნებ შორს არის,
დაგვეხმარება ზოდიაქო და გავერთობით
ვერძით, კირჩხიბით, სიყვარულით და მშვილდოსანით.

თევზია ჩემი ზოდიაქო, შენი რა არის,
ვერძი თუ ლომი, რა შეგიკრთობს ღამის ზმანებას,
ნიშანი რა გაქვს: ამეთვისტო, ქარვა თუ ლალი,
იქნებ გიშერი, თვალს რომ იკრავს და იბზარება.

არა მაქვს ბრალი, რომ არ ვარ მარტო,
სხვასთან ზიარი ძალით რომ ვიბრძვი
და გველი, უკვე რომ ვედარ მართობს,
ბოროტით მჯობნის და არა სიბრძნით.

ვერ შევხვდი მზეში მთვლემარე სულების,
სადაც არასდროს არ არის ბინდი,
არა მაქვს ბრალი, რომ ვერ ვისტუმრე,
ვერ მოგვერდენ და ვერ ავქვითინდი.

რა ვუყოთ, თუკი ვერ გავხვდი ღირსი
მქონდეს ცრემლისთვის ერთი კუნჭული,
რომ ჭორზე — ბეწვის უჩინარ ხიდზე,
ჩუმაღ გავდივარ თვალდასუჭული.

არა მაქვს ბრალი, თუ გრძნობა შემშლის
და იმედები ხანდახან მოვლენ,
რადგან სიკვდილის შუალედებში
მე სიცოცხლესაც ვუყურებ ხოლმე.



ე ზ რ

აჲ არის ჩემი ედემი,
კართან ღიღინით ვჩერდები,
მაგრამ არ მხვდება არავინ.
ეზოში არ ჩანს ურემი,
აღარ მცემს ქინძის სურნელი,
დადუმებული მარანი.

აქ მამა აღარ ფუსფუსებს,
ეზოს შრამელს და კუნჭულებს
ლოდივით აწევს ღუშილი.
დედა არ მორბის კიბეზე,
მაინც ვიგონებ მიზეზებს,
რომ ჩაკლა მოსვლის სურვილი.

ყრია უტარო თოხები,
არ მესმის — როდის მოხვედი?
ისმის ჭრიჭინი მწერების.

ქარი თარეშობს ავეია,
ეზოს და კედლებს აყრია
ჯანგის და ხავსის ფერები.
თავმონგრეულ ბუხარო,
თითქოს ომს გადემქუხაროს
და დაენგრიოს ბანები.
ვაიმე, ჩემო სოფელო,
გულზე ნაღვერდლის მომფენო,
საითკენ მიექანები!

და სევდა ლოდადქეული
გულში ფათურობს წყველი.
აქ გაჩნდა ჩვენი სახება,
მშობლები აქ იმარხება,
სადღა გავრბივართ შვილები?

უფროსი ძმა

მაგონდება — ძმებს პატარებს
სოფლად ბევრი საქმე გვექონდა
და შრომაში შინ და გარეთ
უფროსი ძმა მიგვიძლოდა.
მას სკოლაში ყმაწვილები
ექახოდნენ პირქუშ მეფეს.
აფასებდა რაჭა მთელი
იმ ღირსეულ მასწავლებელს.
ის სიშმაგით ფოცხვერს ჰგავდა,
ვერ იტანდა ჯდომას მშვიდად,
ხან ბარავდა, ხან თიბავდა,

ხან საფიცრე ხეებს ჭრიდა.
და მატებდა სოფელს ელფერს,
სახლშიც გავდა პირქუშ მეფეს —
აკეთებდა უღლებს, ურმებს,
კარადებს და ყურძნის წნეხებს.
განცხრომისთვის დრო არ
ჰქონდა,
არ ნატრობდა რბილ სკამ-ლოვიანს
და ერთ კაცში ბობოქრობდა
ღურგალიც და პედაგოგიც.
ვზარმაცობდით — გვიყვიროდა,

ვერსალობით — გვილიძოდა,
ტყე-ღრუში და ჭირში, ლხინში
უფროსი ძმა მიგვიძლოდა.
ააშენა დიდი სახლი —
მაღალი და მიმზიდველი,
თვითონ იყო კალატოზი,
დურგალიც და ინჟინერიც.
თვალს რომ მოჰკრავ ლამაზ
სახლ-კარს,

სკებით დამშვენებულ ბაღნარს,
იგრძნობ, უყვარს პატრონს
ვაჟაკს
მაღლიანი შრომით დაღლა.
სამოცდათორმეტი წლის ხდება,
ძმებს შორიდან გვაკვირდება,
როცა საქმე გართულდება,
ისევ იგი მიგვიძღვება.

მიდიოდა

გახსოვს? — მზე რომ ჩაიწურა ტყიან მთებში,
დღის ფერები ფოთლებივით ძირს ცვიოდა
და ყუბანი, გათქვეფილი ბინდის ფერში
დუღუნებდა, მძიმედ სადღაც მიდიოდა.
ეუცქეროდით პარკს, მუსიკით განალაღებს,
ერთი გოგო რა ლამაზად გვილიძოდა,
სავსე მთვარემ გადახედა ლამაზ ბაღებს,
იჩქაროდა, ისიც სადღაც მიდიოდა.

უცქეროდი ბაღნარებში ჩაფლულ სახლებს,
მოგაგონდა ალბათ შენი თბილი ოდა
და ჩერქეზულ ღამეს წარმტაცს,

თავბრუდამხვევს,

ცეცხლი წვაავდა და კვამლივით მიდიოდა.
მოგყვებოდა ორი მგზავრი თანატოლი,
ღამის ტეხას, დროის ფლანგვას ვინ ჩიოდა.
სიჭაბუკე, სიყვარულით ანათროლი,
მაჭარივით დუღდა, სადღაც მიდიოდა.
ვხედავდით ცას ნაკვერჩხლებით მოფენილსა,
ტროფობის ცეცხლი ბიჭებს გულში

გვიღვიოდა.

ვით დინება ჩანისლული მდინარისა,
გალურსული ჟამი მდორედ მიდიოდა.



ჩაქირჯალი ახმედ ეფე

რომანის ურავმენტაჰი

ხასან ჩაუში ძალალი და ჯანიაი კაცი იყო, შავგრემანი, გრძელი უღვაშები შვენოდა. ხუთი ცხენოსანი ჟანდარმით სწრაფად შეიჭრა სოფელ აიასურათში. ცხენები ოფლის ქაფში ცურავდნენ, ოფლისაგან კისერზე მოშავო ფერი დასდებოდათ. ფეხები ტალახში დასვროდათ. ხასან ჩაუში თავის ცხენოსნებთან ერთად ახმედ ეფეს ეზოში შეიჭრა. ცხენების ფეხის ხმა რომ გაიგონა, ახმედ ეფე გარეთ გამოვიდა. ხასან ჩაუშის დანახვისთანავე სახეზე ღიმილმა გადაჰკრა. მას დიდი ხანია იცნობდა და თანაც ძალიან უყვარდა. გაბედული კაცი იყო ხასანი. ახმედის ყაჩაღობის დროს ყოველ ძალას ხმარობდა მის დასაჭერად. ხასან ჩაუშისაგან ახმედს ბევრი ხიფათი გადახდა, მაგრამ მთიდან ბარში ჩამოსვლის შემდეგ ერთგული მეგობრები გახდნენ. მართალია, ხალხი ამბობდა, „ოსმალების ნდობა არ შეიძლება“. ახმედ ეფემაც იცოდა ეს, მაგრამ მაინც ძმებზეთ იყვნენ. რაც ახმედ ეფე მთიდან ჩამოვიდა, მის მერე რამდენჯერ ყაჩაღების საქმენელად ერთად წასულან. ბევრი გაჭირვება გადაეტანათ, მეგობრები იყვნენ და ერთმანეთს ხელს უწყობდნენ.

ახლა კი ჟანდარმები ახმედის ეზოში შემოჭრილიყვნენ.

— ასეთი რა შეგემთხვა, ხასან ჩაუშ? — ჰკითხა მასპინძელმა, — ჩამოქვეითდი, ერთი, ჩამოქვეითდი!

— გაჭირვებაში ვარ, ეფე, — უთხრა ნაყაჩაღარს და სწრაფად ჩამოქვეითდა ცხენიდან.

— გაჭირვებაში ვართ! — გაიმეორეს ჟანდარმებმა.

— რა მოხდა? შენ ასე აღელვებული არასოდეს მინახიხარ.

ჩაუშს სახეზე ყვეთელი ფერი დასდებოდა. ხელებიც უკანკალებდა. მთვრალივით დადიოდა. სახლში შევიდნენ და დასხდნენ. ხასან ჩაუშს მხრებიც გაოფლიანებოდა. ოთახში ბავშვის ხმა მოისმა. ხასან ჩაუშს სახე გაუნათდა. ოთახში შემოსული ბავშვი ჩაუშს ხელზე ეამბორა. ხასანმა ჯიბიდან ერთი მეჯიდიე ამოიღო და ხელში ჩაუღო. ბავშვმა არ აიღო.

— ჩაუშ, — უთხრა ახმედმა, — ვხედავ, მემედის დანახვაზე სახე გაკიბრწყინდა. ჩემი მემედი კარგი ვაჟკაცი უნდა დაღვეს.

— ფული არ გამომართვა, მაგრამ მაინც მიყვარს.

— მემედ, — უთხრა შვილს ახმედმა, — გამოართვი ფული. შენი ბი-
ბაა, უცხო არ არის!

ბავშვმა ფული მაინც არ აიღო. ჩაუშმა გვერდით მოისვა, თავზე ხე-
ლი გადაუსვა. ყოველთვის ასე ექცეოდა.

ცხენები თავლაში რომ დააბეს, ჟანდარმებიც მათთან შევიდნენ. მკლა-
ვებზე ხურჯინები ჰქონდათ წამოკიდებული. ერთმა ჟანდარმმა ჩაუშის
ხურჯინი მოიტანა და დადო. ჩაუშმა ხურჯინი ნელ-ნელა გახსნა და ბავ-
შვის ერთი ფოთინი და ერთიც კრაველის ხუჭუჭა ბოხობი ამოიღო. ბო-
ხობი ბავშვს თავზე მოარგო, ფოთინიც ჩააცვა, გამოაწყო და მერე სიცი-
ლით შეათვალიერა.

— ფაშა უნდა გამოვიდეს მემედი, როგორ მოუხდა!.. დიახ, ფაშა უნდა
გამოვიდეს, ღმერთი იყოს მისი მფარველი!

მემედს ყოველთვის რაღაცას მოუტანდა, ჩაუში მემედის თვალში გუ-
ლაღზე გულადი ვაჟკაცი იყო.

ხურჯინის მეორე თვალიდანაც საჩუქრები ამოალაგა. ერთ მხარეს
დადო. ამ დროს გოგონა შემოვიდა, საჩუქრები აიღო და წავიდა.

ჩაუში რომ ესტუმრებოდა მამამისს, მემედი ყოველთვის გვერდით
მიუჯდებოდა და დიდი ინტერესით ისმენდა მათსაუბარს. მარტო ჩაუშთან
კი არა, ვინც უნდა მოსულიყო მათ სახლში, მემედი ასმენდა საუბარს და
შუალამემდე არ დაწვებოდა.

— თქვი ბარელამ, ძმაო, რა გადაგზღენია თავს? ძალიან დამადარდია-
ნე, — თქვა ახმედ ეფემ.

ჩაუში ისევ მოუსვენრად იყო, ადგილზე ვერ ჩერდებოდა.

— ჩემო ეფევ... — დაიწყო და გაჩერდა.

ახმედი თვალბში შესცივინებდა.

— ასეთი რამ ჯერ თავს არ გადამზღენია. მე რაც ჩაუშობა მიბოძეს
და ამ საქმეს ჩაუვდექი, ასეთი რამ არ მომსვლია ჩემდა სამარცხვინოდ.

— მაინც რა მოხდა ასეთი?

— დილით დავადექი გზას. ჩემი მიზანი იყო, თქვენთან მოვსულიყავი
და ჩემი ძმა ახმედი მენახა. ერთი საათის გზა რომ გამოვიარეთ, წინიდან
დიდი სროლა აგვიტყვეს. ძაღლობა ღმერთს, მიზანში ვერ ამოგვიდეს.
უკან გამოვბრუნდით უვნებლად და გამოვიქცეთ. მგონია, ბერძენ ყაჩაღთა
რანში უნდა იყოს. იმათ ვერ გავეკიდეთ. შენთან იმიტირ მოვედით, ვიფიქ-
რე, ეფეს თანხლებით იმ ყაჩაღებს რაღაცას მოუხერხებ-მეთქი. ასე კი
გადავწყვიტე, მაგრამ გაქცევამ მაინც ცუდად იმოქმედა ჩემზე. საკუთარი
თავის შემრცხვა, ხასან, ესაა შენი ვაჟკაცობა, ესაა შენი გამბედაობა-მეთ-
ქი? გულზე ლოღვივით დამაწვა ეს დარდი. ახლა უკანვე დავბრუნდები,
ვიფიქრობ, შორს არ იქნებიან წასული და ჩემს ვაჟკაცობასაც ვანახებ.
მათ!

ეფემ გაიცინა.

— ამდენს ნუ იღარღებ, ახლავე საქმეს მიუხედავთ, ჯერ დაისვენე, საჭმელი მიირთვი.

— არა, საჭმელი ყელში არ ჩამივა, ჩემო ეფევ. გული დარდით მიკვდება!

— ერთი ლუკმა, ერთი ლუკმა... ბავშვებო, ჩაუშს საჩქაროდ საჭმელი გაუმზადეთ!

საჭმელი შემოიტანეს, ჩაუშმა ხელი არ ახლო. ეფეს თხოვნაზე სულ ერთსა და იმავეს იმეორებდა, გული დარდით მიკვდებაო.

ჟანდარმებმა ორიოდ ლუკმა მიატეხეს და ეფეც წამოღვა.

— მართალი ხარ, ძმაო, ახლავე დავედევნოთ, — თქვა და იარაღი შეიხსა. იმ წუთშივე გზას დაადგნენ, ეფე და ხასან ჩაუში წინ, ჟანდარმები — უკან. ქარივით გაქროლდნენ სოფლიდან, ცხენებს არ ინდობდნენ, სწრაფად მიაჭენებდნენ. ოფლში იწურებოდნენ ცხენები, საბერველივით ისუნთქავდნენ ჰაერს.

მზე ხელ-ნელა ჩადიოდა. ჩრდილები გაგრძელებულიყო... ერთ ღელეს მიადგნენ. შეჩერდნენ თუ არა, ექვსი თოფი ერთდროულად გავარდა. ახმედ ეფე ცხენიდან ჩამოვარდა. ახლოდან ნასროლი სამი ტყვია მოხვედროდა თავში. წყლის პირას, საკუთარ სისხლში მოთხვრილი, უსულოდ გამხლართულიყო.

ხასან ჩაუშს ახმედის გვამისათვის არც კი მიუხედავს, ცხენის ჭკნებით ოდემიშისაკენ გასწია...

ახმედ ეფეს სიკვდილის ამბავი მუორე დღესვე, სადილობისას, შეიტყვეს სოფელში. მისი ცოლი ხატიჯე ტირილითა და თმების გლეჯით ფეხშიშველი გზას დაადგა და სისხლში ამოსვრილ გვამს მივარდა:

— არ გითხარი, ჩემო ეფევ! არ გითხარი, ოსმალთზე არ ინდობა-მეთქი, არ გითხარი?!

ეფეს გვამი ასწიეს და სოფელში წაიღეს.

ამის შემდეგ ხატიჯეს არ გაუხარია. ყოველდღე თმებს იწეწდა და მეუღლის ვერაგულად სიკვდილს დასტიროდა. მემედა თანდათან იზრდებოდა. რაც მამამისი ღალატით მოკლეს, შურისძიების გრძნობით იზრდებოდა. ყურში მუდამ დედის ნაღვლიანი ხმა ესმოდა — „არ გითხარი, ჩემო ეფევ? არ გითხარი ოსმალთს მეგობრობა არ შეიძლება? რა ხრიკებით გიგდეს ხელთ, ჩემო ეფევ? ვერაგის ხელით მოკლულ, ჩემო ეფევ!“

მემედს დაწყებითი სკოლა დაემთავრებინა, ორი წელიც ქალაქ ოდემისში მედრესეში იყო და შემდეგ სწავლას თავი დაანება.

* * *

ჰაჯი-ყაჩაღი ერთი პატარა, შავტუხა, შეუხედავი ბებერი კაცი იყო, — ახმედ ეფეს ახლო მეგობარი, მისი ხელშემწყობი. ხასან ჩაუშისაგან ახმედ ეფეს ღალატით სიკვდილის შემდეგ მემედს უპატრონა, უმამობა არ აგრ-

მნობინა. ისინი, ვინც ახმედ ეფეს გულადობასა და ვაჟკაცობას არ იციან
ყებდნენ და პირზე ეკერათ მისი სახელი, ხატიჯე და ჰაჯი-ყაჩალი იყვნენ...
ჰაჯი სულ ახმედ ეფეს სიკვდილზე მღეროდა ლექსებს.

მემედმა სასწავლებელი რომ მიატოვა, ჰაჯიმ იგი თავისთან იხმო და
მუხლებზე დააჩოქა.

— შეილო, — უთხრა, — არ დაგავიწყდეს, რომ შენ ჩაქირჯალი ახმედ
ეფეს შვილი ხარ. მისი გული თუკი გამოგვვა, ყველა ჩაქირჯალს სჯობ-
ნინარ. სადაც ტბა არის, იქ წყალს რა გამოილევს, გულად ვაჟკაცს საქმეს
რა გამოილევს... ხომ ხედავ, შენი დროც დადგა...

მერე ერთი ცხენი და ერთი მაუზური აჩუქა. მემედმა ხელები დაუკო-
ცნა.

— იცოცხლე, ბიძია, იცოცხლე. რამდენიმე წელია უმამობა არ მაგრ-
მნობინე. ...მამაჩემი ცოცხალი რომ ყოფილიყო, ალბათ ასევე მომრთავდა.

— კი, შეილო, ასე იზამდა, ნათქვამია, მგლის ლეკვი მგელი დადგე-
პაო.

მემედი ცხენს მოახტა, მაუზური მხარზე მოიგდო. ცხენიც ლამაზი
იყო, თეთრი, მაუზურიც სულ ახალი. მემედმა ცხენი ოდემიშის მთებისაკენ
გააჭვნა. საღამომდე აჭვნა. ახლო ველზე ერთადერთი ნაძვის ხე იდგა და
იმ ხეს ხუთი ტყვია დაახალა ზედიზედ. თოფს მოეფერა, მოესიყვარულა,
მერე დაფიქრდა:

— მამაჩემი ნემსის ყუნწში აძვრენდა თურმე ტყვიას. მე ამხელა ხეს
ძლივს მოვარტყი. როგორ ისვრიან ასე ზუსტად, ნეტავი?

თოფს მოიძარჯვებდა და მიზანში აიღებდა ჩიტს, ტელეფონის ბოძზე
რომ იჯდა, ასე ვარჯიშობდა. აქედან კიდევ ცხენის ჭენებით სახლში და-
ბრუნდა. ეზოში რომ მივიდა, დედა გარეთ დახვდა. გაეღიმა შეილს, ყე-
ლზე მოიხვია, მერე დედამ ცხენს შემოუარა და უთხრა — კეთილად მოგე-
ხმაროს შეილო. ფეხჩქარია?

— ქარივით სწრაფია, დედა!

ხატიჯემ თოფი გამოართვა და შეათვალიერა.

— შეეჩვიე? ისროლე?

— ვისროლე, დედა. ერთ ხეს ვესროლე. ხუთივე მოვარტყი. ძალიან
კარგი თოფია. უკეთესი რომ არ იქნება!..

ხატიჯეს გაეღიმა. მერე თვალები აემღვრა და მოწყენილი სახე მი-
იღო.

— მამაშენი ჰაერში ჩიტს, მიწაზე კი ჭიანჭველას მოარტყამდა ტყვი-
ას. მამაშენის სადაფით მოჭედელი თოფი იმ ურჯულო ხასან ჩაუშთანაა...
გაფრენილ ჩიტს თვალში მოარტყამდა იმ თოფით-მეთქი, შეილო, მამაშენი
ისეთი კაცი იყო. მამაშენის თოფი, მისი სისხლი და ჯიგარი, ხუ-
თი წურუთი რომ არ ღირს, ისეთი კაცის ხელშია...

მემედმა ცხენი თავლაში დააბა და სახლში შევიდნენ. დღეა უფროსი
განაგრძობდა.

— მამაშენი იმ მთების არწივი იყო, ჟანდარმთა რაზმი თუ გაივლიდა და მის სახელს, პირს უკუიქცევდა და გაბრუნდებოდა, ოსმალები ცახცახებდნენ მისი შიშით, ასეა, შვილო, მემედ... მამაშენი არაბულ ცხენზე იჯდა... უნაგირი და მისი მოწყობილობა ვერცხლით იყო მოკაზმული. მზიან დღეში მამაშენი სადმე რომ გაივლიდა, მისი ცხენის მორთულობა ელავდა მთელს მინდორში. როცა ასე მორთული ცხენი გამოჩნდებოდა, სოფლები ჩვენთან ჩამოირბუნდნენ და შემატყობინებდნენ, ხატიჯე, ეფე მოდიხო! ოღემის ველი გაბრწყინდებოდა იმის მოსვლით, მამაშენი მთიდან სახლში რომ ჩამოდიოდა, სოფლები ზეიმსა და ქორწილებს მართავდნენ, ეფე მოვიდაო! ღარიბ ქალიშვილს მზითვს გაუწყობდა, ჭაბუკებს ბაშლილის ფულს გადაუხდიდა. ავადმყოფებს ექიმისა და წამლის ფულს მისცემდა, გაჭირვებულს — პურის ფულს. მამაშენი აი ასეთი ეფე იყო, ჩემო მემედ. ჩემო ეფევ, ვეტყვოდი, ოსმალო კაცს ნუ ენდობი-მეთქი, მაგრამ ის ყველას ენდობოდა. სუფთა გულის კაცი იყო. ოსმალომ როგორი არააკცობა გამოიყენა ბოლოს, ხომ ნახეთ, უპირთა ოსმალო!

მერე ატირდა, კიდევ ატირდა. დიდხანს გულმოჯერებით ტიროდა. — მკაცრია ოსმალო, — თქვა.

მეორე დღეს ხუთი ცხენოსანი მოვიდა. ხუთივე ცხენს თამბაქო ეკიდა. ყაჩაღებიდან ერთ-ერთმა თქვა:

— მემედ, ყაჩაღმა ჰაჯიმ შენთან გამოგვაგზავნა, ეს თამბაქო ერთად უნდა წავიღოთ აიდანამდე.

მემედი მათ ელოდებოდა. მზად იყო და ცხენს მოახტა.

დედამ მიაძახა:

— ბედნიერი მგზავრობა გქონდეს, შვილო, ღმერთმა ყისმათი გიმრავლოს და მტრებს თვალები დაევისოს. მამაშენიც ასეთი იყო!..

სიბნელეში თვალს მაეფარნენ.

გზები მცველებით იყო სავსე, ამ ბოლო ხანებში ისე იცავდნენ ყველა გასავალს, ჩიტსაც გაუჭირდებოდა გაფრენა.

თამბაქო მთავრობას უნდა ჩაებარებინა, ხელზე გაყიდვა აკრძალული იყო.

გადამყიდველებიდან ერთი დელი ოსმანი იყო.

— გზები ძალიან სახიფათოა, სულ მთებში უნდა ვიაროთ, ძნელაა, ნაგრამ მთებში მაინც უშიშარია. — თქვა მან.

მემედი არ დაეთანხმა.

— მინდვრებიდან, მთავარი გზით წასვლა უფრო უშიშარი უნდა იყოს. დელი ოსმანს ძალიან გაუკვირდა.

— მთავარი გზა დაკავებულია, ჩიტიც ვერ გაფრინდება...

— არა, — თქვა მემედმა, — ყაჩაღები ყოველთვის მთებში დადიან,

ამიტომ მთავარ გზებს აღარ იცავენ. თავისუფალია. ერთი-ორი მცველი რომც იყოს, იმათ მოუუვლით.

— არ შეიძლება იმ გზით წასვლა, — გაჯიუტდა დელი ოსმანი. სხვა ყანალებიც ალაპარაკდნენ.

— ოსმან-აღა, ბავშვი მართალს ამბობს, მთებში გასავალი ადგილები უფრო სახიფათოა. ყოველი ქვის ძირას შეიძლება მცველი იყოს ჩასაფრებული. გადამყიდველებს ფეხდაფეხ მისდევენ მცველები და მათი დაზნებარე ჟანდარმებიც სულ მთებში დადიან... ბავშვი მართალია, მთავარი გზა უფრო უხიფათოა.

დელი ოსმანი განრისხდა, მთების გავლით უნდა წავიდეთ, ჩემი სიტყვა სიტყვაა.

ჰაჯი მუსტაფაც წინააღმდეგი იყო მთებიდან წასვლისა, მაგრამ ახალგაზრდებს მაინც ოსმანი არჩია.

— ოსმან-აღა რასაც იტყვის, არ გადათქვამს, მისი სიტყვა უნდა შესრულდეს. მართალი ხარ, მაგრამ ნუ აყვები... ჩემი სახელი ჰაჯი მუსტაფაა, მამაშენი ჩემი კარგი მეგობარი იყო. ძმებივით ვიყავით, რა კაცი იყო ეფე! რა დრო გვიტარებია! ის რომ მოკვდა, ხელები მომეკევა... .

შუალამე გადასული იყო, ქარაფიან აღმართზე რომ აცოცდნენ. ერთი ღელე გაიარეს და დაღმართში დაეშვნენ. უცბად იმ ღელეში სროლა აუტეხეს. ერთი მოკლული ძირს დავარდა.

ჰაჯი მუსტაფა მემელთან მივარდა.

— გადახტი, ქვას ამოეფარე, — უთხრა და თვითონაც გადახტა, — ხიფათში ჩავვარდით, შუაგულ ცეცხლში მოვექეცით.

სროლა რომ დაიწყეს, მემელს თითქოსდა უხაროდა.

— ჰაჯი ბიძია, ბოლოს და ბოლოს, რა უნდა ექნათ? — ეკითხებოდა... ბოლო კი უიმედო იყო. გათენდებოდა და ყველას დაიჭერდნენ, ანდა დახოცავდნენ.

— გაქცევა შეგიძლია? — ჰკითხა ჰაჯიმ, ახალგაზრდა ხარ და მარჯვე იქნები.

— დიახ, შემიძლია!

— ახლა ოსმანთან მიჩოჩდი, უთხარი, რომ იმ სამხრეთ ბაღებისაკენ ყველამ ერთდროულად სროლა ატეხოს. მერე თვითონაც წავიდნენ იქითკენ. ჩვენ აქედან სროლა განვაგრძოთ. სამშვიდობოზე გასვლამდე დავიცავთ მათ.

— კარგი, ასე ვიზამ.

— აბა, თავი გამოიჩინე, ახმედ ეფეს შვილი ხარ!..

გზისაკენ ერთბაშად სროლა ატეხეს, შემდეგ ცხენებს მოახტნენ და იმ კლდეების უკნიდან, ღელის გასწვრივ დაეშვნენ ქვევით. მემელი და ჰაჯი ადგილზე დარჩნენ...

თურქულიდან თარგმნა იზრაიმ გორაძემ.

ვაჟა კინწურაშვილი

ნორჩი მუღვაური

მასწავლებელი

ო, როგორ მიყვარს ზღვა და
ო, როგორ მიყვარს გემი,
კაპიტნის ხიდზე დგომა
ოცნება არის ჩემი.

კიდეკ — ქვეყნების ხილვა,
ჩაღხთა მრავალთა ცნობა,
სიკეთით სავსე გული
მეგობრობა და ძმობა.

მშვიდობა — დედამიწას,
აი, დევიზი ჩვენი,
პლანეტას გაუმრავლდეს
მშვიდობიანი დღენი.

მიყვარს ცისფერი გზები,
აფრა — გაშლილი კენტად,
მაგრამ ყველაზე უფრო
სამშობლო მიყვარს მეტად!

სამომავლო ხნულში თესავ
შენ სიმართლის სპეტაკ
მარცვლებს,
რა დაფარავს სიხარულით
მოზღვავებულ გულში განცდებს!

სინათლისა და სიკეთის
სიყვარული წილად იდე,
მობიბინე ჯეჯილს შეტრფი,
სათნობა განადიდე.

და ნორჩების ჟრიამული
ყურს ჩაგესმის ნაირ ხმებად,
მათი სწავლა, მათი გარჯა
ბოგფენია გულზე შვებად.

შენი მრწამსი ასეთია:
კაფე ნარი, თესე ია,
პატარებს გზა გაუნათე
გულში ცეცხლი თუ გინთია.



ალექსანდრე საგსონია

«მონანიება» ბათუმში გადაიღეს

რასაკვირველია, იმ ქართულ ფილმზეა ლაპარაკი, ტრიუმფით რომ მოიარა ჩვენი ქვეყნის ეკრანი და ასევე ტრიუმფით რომ გაუყვა უცხოეთის გზებს.

ისიც რასაკვირველია, ამ წერილის ავტორი არც „მონანიების“ სცენარის შექმნაში მონაწილეობდა და არც მთავარი როლი უთამაშია ფილმში, მთავარი კიარა, არც ეპიზოდური, და ამ მიზეზის გამო, მისი გვარი არათუ ტიტრებშია გამოტოვებული, არამედ არც „და სხვებში“ იგულისხმება.

ბედი, უფრო სწორად, ნიჭი უნდა ყველაფერს, მაგრამ ასეთი პესიმისტური განცხადების მიუხედავად, ამ წერილის ავტორი მაინც ბედნიერი კაცია, რადგან „მონანიება“ ძირითადად მის მშობლიურ ქალაქში — ბათუმში გადაიღეს და თვითონაც უშუალო მხილველია, შეიძლება ითქვას, მონაწილეა ამ პროცესისა.

ბედნიერია, რადგან ასე ახლოს გაიცნო გადამღები ჯგუფი — თანამოაზრეთა შესანიშნავი კოლექტივა, და უპირველესად, რასაკვირველია პატონი თენგიზ აბულაძე, რომელმაც მისი თანაქალაქელი და თანასკოლელი ავთანდილ მახარაძე, ხმამაღლა ნათქვამად თუ არ ჩამოთვლით, მსოფლიო კინოვარსკვლავად აქცია („აქცია“ ალბათ ზუსტად ვერ გამოხატავს სათქმელს. „მონანიებამდევ“ ცნობილი იყო რუსთაველის სახელობის თეატრის წამყვანი მსახიობის ავთო მახარაძის ნიჭიერება. სხვა როლებზე რომ არაფერი ვთქვათ, მოსკოვის სამხატვრო თეატრის სცენაზე ჯაყო ითამაშა! რუსულად!). ყველაფერი სწორია, მაგრამ დამეთანხმებით, ვარლამი და აბელი მაინც განსაკუთრებული სახეებია.

კიდევ ერთი ბათუმელი არ უნდა დაგვავიწყდეს. ოპერატორ სოსო შენგელიაზე მოგახსენებთ, მაგრამ მასზე ადრე ფილმის პატარა მსახიობები, ნატა ონიგავა და დათო ქემხაძე უნდა გავიხსენოთ, ასე შესანიშნავად რომ განასახიერეს თავიანთი როლები (დიახ, როლები!). ისინიც ხომ ბათუმელები არიან! ეპიზოდებშიც ხომ ბევრი ბათუმელი მონაწილეობდა — პროფესიონალი მსახიობები თუ უბრალო მოყვარულები, და, რაც მთავარია, ყველაფერი (თითქმის ყველაფერი) ჩვენს მზიან-წვიმიან ბათუმში ხდება,

რასაკვირველია, ქალაქის დაუსახელებლად, მაგრამ სპამ თუ არა, ჩვენ, ბათუმელებმა ხომ ვიცით, ის ქუჩები, სახლები და ის ეკლესია, სადაც ამდენი ტრაგედია თამაშდება, ბათუმისაა. მართალია, სურათში ვერ ნახავთ ლურჯ ზღვასა და მზეზე გარუჯულ დამსვენებლებს (ვის ეცალა მაშინ დასასვენებლად), მაგრამ მაინც ყველაფერი ჩვენებურია, ჩვენი სატკივარი და წუხილია, თუმცა რატომ მართო ჩვენი? — იგი ყველას დარდი და ტრემლია. და ზოგიერთების რიტორიკულ შეკითხვაზე — საჭირო იყო კი ყველაფერი ამის ჩვენება? — მხოლოდ ერთი პასუხი გვექნება სათქმელი: დიახ, საჭირო იყო! არც თუ ისე შორეული წარსულის გახსენება იმისთვის გეჭირდება, რომ იგი მომავალში აღარ განმეორდეს, ჩვენ უნდა შეგვეძლოს სიმართლისათვის თვალის გასწორება, რაგინდ მწარე არ უნდა იყოს ეს სიმართლე, ჩვენ უნდა მოვინანიოთ ჩვენი ცოდვები (უცოდველებს შეუძლიათ მშვიდად იძინონ), რომ მომავალში ვერასოდეს ვეღარ იბოვინონ „ხალხის ბედნიერებისათვის მებრძოლმა“ ვარლამისთანა ადამიანებმა.

ყოველივე ზემოთქმულის შემდეგ პატივცემული მკითხველი, ალბათ, ჩემს კანონიერ ბათუმურ სიამაყეს პროვინციულ თავმოწონებად აღარ ჩამითვლის და ამ სტრიქონების ავტორის გულწრფელობაშიც ეჭვს აღარ შეიტანს. აბა, თავად განსაჯეთ — რამდენი კარგი თუ ცუდი ფილმი გადაუღიათ აქამდე ბათუმში, მაგრამ არასოდეს თავი არ გამომიდვია. „მონანიების“ შემდეგ კი, ჩემის ღრმა რწმენით, ღუმილის უფლება არ მქონდა. სწორედ ამიტომ ვაცხადებ ყველას გასაგონად: დიახ, „მონანიება“ ბათუმში გადაიდეს!

გადაღებამდე კი ბევრი რამ მოხდა — საგულისხმო და ყურადსაღები. სათქმელს შვიდი წლის წინანდელი ამბით დავიწყებ.

1980 წლის ნოემბერი იდგა — ისეთი თბილი და მზიანი დღეები, აჭარაში რომ იცის შემოდგომის მიწურულში, სიმონ ჩიქოვანს რომ შესანიშნავი ლექსების ციკლი დააწერინა. ბათუმი თბილისის დღეებზე ჩამოსულ სტუმრებს მასპინძლობდა — ირაკლი აბაშიძესა და რობერტ სტურუას, რეზო ჩხეიძესა და ზურაბ ანჯაფარიძეს... ყველას ვერ ჩამოთვლი.

როგორ ფიქრობთ, თენგიზ აბულაძე დააკლდებოდა ამ ზემოს?

ჰოდა, ბათუმიდან ხელვაჩაურის რაიონს რომ ვეწვიეთ, ზღაპრულმა ამინდმა მანქანიდან გამოგვიტყუა და თბილის-ბათუმის გაერთიანებული დელეგაციის უმრავლესობა ფეხით გაუყვა სარფიდან გონიოსაკენ მიმავალ გზას (იქ, უძველესი ციხის ნანგრევებში, ახალი შეხვედრა გველოდა).

როგორც ასეთ სიტუაციაში იტყვიან ხოლმე, ბატონი თენგიზი და მე შემთხვევით ერთმანეთის გვერდით აღმოვჩნდით, თუმცა, სულო ცოდვილო, შემთხვევითი არაფერი ყოფილა, ძალიანაც მინდოდა მასთან საუბარი, რადგან ახლო მომავალში შესაძლოა ცდუნებას ავეოლოდი და კინოსცენარი დამეწერა (სხვები ხომ წერდნენ!). ასეთი პატივმოყვარული სურვილის მი-

უნებლად, ღმერთი, რჯული, საკუთარ შემოქმედებაზე არაფერს მტკიცებს. სალაპარაკო ისედაც ბევრი გვექონდა: დიდებული ბუნება და არანაკლებ დიდებული ამინდი, სარფელთა სტუმართმოყვარეობა და, რასაკვირველია, ფეხბურთი! (თბილისის „დინამო“ ნოდარ ახალკაცის ხელმძღვანელობით ევროპის თასის დასალაშქრავად ემზადებოდა). ბოლოს მაინც კინოზე ჩამოვარდა საუბარი. თენგიზ აბულაძეს „ვედრება“ უკვე გადაღებული ჰქონდა, მაგრამ აღიარებამდე მაშინ ძალიან შორი და ეკლიანი გზა იყო, მწარე სინამდვილეს ვერსად გაექცეოდი. ასეთ შესანიშნავ სურათს მხოლოდ შესამე კატეგორია მიანიჭეს და მისი რეჟისორი „პრინციპული“ კრიტიკის ქარცეცხლში გაატარეს. მე პირადად, თუკი ამას რაიმე მნიშვნელობა ჰქონდა, „ვედრებაზე“ სრულიად საწინააღმდეგო აზრისა ვახლდით და ჩემი მთაბეჭდილება ბატონ თენგიზს დაწვრილებით მოვახსენე.

ყურადღებით მოძისმინა და მითხრა. სხვათა შორის, ბათუმიდან ვახეთის ამონაჭერი გამომიგზავნეს, სადაც „ვედრება“ დადებითადაა შეფასებული და ვერ წარმოიდგენ, როგორ გამახარა ამ წერილმაო... საქუხაროდ, ავტორი ხელს არ აწერდაო, — დასძინა ბოლოს.

იმ სიტყვების შემდეგ ჩემი სიზარულიც უნდა გენახათ. დასამალავი რა იყო და მეც ამაყად განვაცხადე, მე ვახლავართ იმ წერილის ავტორი-მეთქი. ერთი სიტყვით, ჩავაწყვე მომავალი სცენარის საქმე, მაგრამ ბატონმა თენგიზმა მომავალში მაინც სხვა რამ გადაიღო.

„აღსარების“ შემდეგ, ცხადია, საუბარი უფრო მეგობრულ და გულ-თბილ ატმოსფეროში გავრძელდა. თენგიზ აბულაძემ სამომავლო გეგმები გამანდო, დიდი ხნის ოცნება უნდა ავისრულოო, და ამ ნაოცნებარი ფილმის რამდენიმე ეპიზოდი მომიყვა. როცა დაამთავრა, არ დაგიმალავთ და, გაოცებულმა შევხედე — ასეთი სურათის გადაღებას როგორ აპირებთ-მეთქი? — ვაპირებო! — ღიმილით დამიქნია თავი, — ისეთ კაცს გავაცანი სცენარის ქარგა, რომ მის დასტურს ჩემთვის ძალზე დიდი მნიშვნელობა აქვსო.

„ნეტარ არიან მორწმუნენი-მეთქი“, — გავიფიქრე გულში, მაგრამ ხმამაღლა ამის თქმას როგორ ვაგებდავდი.

ნუ დაგავიწყდებათ, 1980 წლის მიწურული იდგა. კარდაქმნამდე და საჯაროობამდე ჯერ კიდევ საკმაო მანძილი გვექონდა გასაკვლელი, „ქართული ფილმი“ კი თენგიზ აბულაძის „მონანიების“ გადასაღებად იწყებდა სამზადისს.

ეს „მოსამზადებელი პერიოდი“ კარგა ხანს გავრძელდა. ყოველ შემთხვევაში, მე პირადად ხელი უკვე ჩაქნეული მქონდა, მაგრამ გაზაფხულის ერთ მშვენიერ დღეს ბათუმს კინოსტუდიის გადამღები ჯგუფი ესტუმრა. არა, თენგიზ აბულაძე არ ახლდა ამ ჯგუფს. „წინასწარი სამუშაოების“ დასაზუსტებლად ნანა ჯანელიძე გამოგზავნა — „მონანიების“ სცენარის თანაავტორი, რეჟისორი და მუსიკალური გამფორმებელი. მოგვიან-

ბით ბატონი თენგიზიც გვეწვია და მასთან ერთად, ვინ იცის, მათთვის რამდენი ქუჩა დავიარეთ, რამდენი სახლი დავათვალიერეთ. დამდგმელი რეჟისორს ყველაფერი აინტერესებდა — შენობის ინტერიერი, ძველებური ავეჯი, ჭალები, ბუხარი, გახუნებული ფოტოსურათებიც კი.

ბათუმელები ყველგან გულღიად გვხვდებოდნენ. ერთ ეზოში დაერდომილმა მოხუცმა ქალმა შეგვჩივლა, წამალი ვერ ვიშოვეო, გვარიც არ უთქვამს, მგონი, ანა პეტროვნა ვარო, ასე გავვეცნო. მაშინვე ჯანმრთელობის დაცვის სამინისტროში მივიდა ანა პეტროვნას წამლისთვის ბატონი თენგიზი და უშოვა კიდევაც.

პირველი კადრები ძველი ბათუმის უბანში გადაიღეს, რესტორან „გემოსთან“, სადაც ხომალდის ფორმის უცნაური სახლი დგას. სხვათა შორის ადრე ამ სახლით ელდარ შენგელაია დაინტერესდა. თუ გახსოვთ, „არაჩვეულებრივ გამოფენაში“ დოღო აბაშიძე რომ გამოდის აივანზე და ვარჯიშობს, სწორედ ის შენობაა. ახლა ეს აივანი ვარლამ არავიძის ტრიბუნად იქცა, საიდანაც მამა და მარჩენალი თანაქალაქელებს სიფხიზლისაკენ მოუწოდებდა. აივანს უკან კი ვეებერთელა ყვავი ჩამომჯდარიყო.

„მასაში“ გადასაღებად თავმოყრილ ხალხთან ერთად („გემოს“ დირექტორ გივი ჩხარტიშვილსაც იღებდნენ) სუნთქვაშეკრული შევეცქეროდი ავთანდილ მახარაძეს და ისეთი შეგრძნება მქონდა, თითქოს მის პენსიულაზე არეკლილი მზის სხივი მეც თვალს მიბრმავეებდა.

— ნახავ როგორ სახეებს შექმნის ჩვენი ავთო. — მითხრა შესვენებაზე ბატონმა თენგიზმა.

— სახეს-მეთქი. — ვცთომ შევუსწორე მე.

— სწორედ რომ სახეებს, — გაიმეორა დამდგმელმა რეჟისორმა, — ვარლამის შვილის როლსაც იგი თამაშობს.

ისე თქვენ ყველაფერი კარგად აგიხდათ, როგორც თენგიზ აბულაძის სიტყვები ახდა! ხომ დიდებული სახეა ვარლამი, მაგრამ მე, პირადად, აბული მიმაჩნია უფრო რთულ როლად, რომელშიც გამოჩნდა ავთანდილ მახარაძის ჭეშმარიტი ნიჭი, გარდასახვის შესანიშნავი უნარი. ამის დასტურად მარტო მონანიების ეპიზოდიც კმარა.

ახლა ბავშვობის წლები უნდა გავიხსენო.

მახარაძეების ოჯახი ჩემს მეზობლად ცხოვრობდა. ავთანდილის მამა ვანიჩქა ბიძია ბათუმის თეატრის წამყვანი მსახიობი იყო. რომელ წარმოდგენაშიც კი თამაშობდა, არათუ ბილეთს, „კონტრამარკასაც“ ვერ იშოვიდით... სრულიად ახალგაზრდა დაიღუპა საავტომობილო კატასტროფაში... მთელი ქალაქი მიაცილებდა მის ცხედარს.

ახლა თვით ავთანდილ მახარაძეს მოვუსმინოთ:

„ოცდახუთი წლის ასაკში დაღუპული მსახიობის შვილს, არა მგონია, სხვა პროფესიაზე ოცნების უფლება ჰქონოდა; ყველა ახლობელი რაღაც

უჭერდა მხარს ჩემს არჩევანს. ამიტომ, ჩემს პირველ როლად სამედიცინო ინსტიტუტის აბიტურიენტის როლში გამოვსვლა, ეს საკუთარი სურვილის წინააღმდეგ ხდებოდა, მისაღებ კომისიას ჩემი ახლო ნათესავი ედგა სათავეში და უშიშობლი რაც არ უნდა დამეწერა, დადებით წიშანს მივიღებდი. რამდენიმე საათის „ოფლის ღვრის“ შემდეგ კომისიას სრულიად სუფთა ფურცელი ჩავაბარე“ ... ;

ახლა, ცხადაა, ძნელია იმის თქმა, როგორი ექიმა გამოვიდოდა ავთანდილ მახარაძე, მამის პროფესიას რომ არ გააჭყლოდა, მაგრამ თუ როგორი მსახიობი გამოვიდა იგი, — ამის შეფასება დღეს ყველას შეუძლია, განსაკუთრებით „მონანიების“ შემდეგ, კანის ფესტივალის შემდეგაც, სადაც ყოველდღიურად უცხოეთის მრავალი ქვეყნის პრესის, ტელევიზიისა და რადიოს კორესპონდენტები თხოვნენ ქართულ მსახიობს ინტერვიუს. ერთ დღეს თურმე 14(!) ინტერვიუს გაცემა მოასწრო... კანის თითქმის ყველა ქუჩაზე გამოფენილი სარეკლამო პორტრეტებიდან ვარლამის „ფზი-ზელი თვალი“ მიაცილებდა გამვლელ-გამომვლელს. კანშივე ავთანდილ მახარაძეს ფრანგულ-იუგოსლავურ ერთობლივ ფილმში მთავარი როლის შესრულება შესთავაზეს... დაახლოებით ისეთი ანბავი მოხდა, ენაკვიმატი გურულები რომ იტყვიან, საკუთარ კანში ვერ დაეტიათ.

ახლა, ხუმრობა იქით იყოს და, მოვლენებს წინ ნუ გავუსწრებთ, დროებით უკან დავიხიოთ.

მაშასადამე, „მონანიების“ პირველი კადრები გადაიღეს და ოპერატორი გია გერსამია იყო. შემდეგ მისი საქმე ნიჭიერმა ბათუმელმა კაცმა, შეიძლება ასე ითქვას, თვითნასწავლმა ოპერატორმა სოსო შენგელიამ გააგრძელა.

არ დამავიწყდება თენგიზ აბულაძის სიტყვები:
— არ ვიცი, საბოლოოდ, როგორი ფილმი გამომივა (ძალიანაც კარგად იცოდა!) მაგრამ ერთი რამის თქმა თამამად შემიძლია: სოსო შენგელის სახით მე ჭეშმარიტი ხელოვანი ვიპოვე.

მკითხველს უნდა შევახსენოთ, რომ წყლით სავსე სარდაფებში დევნის სცენა სწორედ სოსო შენგელიას გადაღებულია, მგონი, ერთი ეპიზოდიც კმარა დაძღველი რეჟისორის შეფასება რომ ვირწმუნოთ.

სახლი-ხომალდის გადაღების შემდეგ ჯგუფმა კათოლიკურ ეკლესიაში გადაინაცვლა.

ამ ეკლესიაზე ცოტა ვრცლად შინდა ვილაპარაკო. ერთ-ერთი ცენტრალური გაზეთის კორესპონდენტის შეკითხვაზე, ეკლესიის ეპიზოდი მთავონილი ხომ არ არისო, თუნგიზ აბულაძემ უპასუხა, ჩვენ არაფერი მოგვიგონებია, ყველაფერი ნამდვილად მოხდა ბათუმშიო.

გახსოვთ ალბათ, არც თუ ისე დიდი ხნის წინათ ბათუმის კათოლიკური ეკლესიის კედლები მართლაც გაშოტებეს და შიგ ძაღალი ძაბვის ელექტროგენერატორები დაამონტაჟეს. ამის თაობაზე ქალაქის ინტელიგენ-

ნციამ ხმა აიმაღლა, „საბჭოთა აჭარაში“ გამოვედით კოლექტიური წესით (მისი ორგანიზატორი ვაზეთის მაშინდელი კულტურის განყოფილების გაშვე ავთანდილ დიასამიძე იყო). შემდეგ „ლიტერატურული საქართველოს“ ფურცლებზე ჩვენს წერილს ბატონმა კონსტანტინე გამსახურდაძემაც დაუჭირა მხარი, მაგრამ ჩვენი პროტესტი დარჩა ხმად მღაღადებლისა უდაბნოსა შინა (აქვე მინდა კმაყოფილებით დავუმატო, რომ წელს მოხერხდა „უპატრონო ეკლესიაში“ შეხიზნულთა გამოსახლება და სულ მალე აქ შესანიშნავი კულტურული ცენტრი იქნება, ახშიანდება გერმანიის დემოკრატიულ რესპუბლიკაში სპეციალურად ბათუმისათვის დამზადებული ორდანი).

თავი თუ არ შეგაწყინეთ, მინდა „მორების ძეხვის“ ეპიზოდი გავიხსენო, გორკის ქუჩის ბოლოში მდებარე სამშენებლო საწყობში რომ იღებდნენ. უზარმაზარ ამწეზე ასულ თენგიზ აბულაძესა და სოსო შენგელიას ვინ იცის, მერამდენედ გადაჰქონდათ ფირზე ეს შესანიშნავი ეპიზოდი. ქეთილო აბულაძე და ნატა ოჩიგავა ძალზე ზუსტად ასრულებდნენ რეჟისორის მითითებას, მაგრამ ბატონი თენგიზი მაინც გაიძახოდა: „კიდევ ერთხელ!“ „კიდევ ერთხელ!“.

ყველაზე დიდხანს გადამღებმა ჯგუფმა კიროვის ქუჩის დასაწყისში, კვლევითი ინსტიტუტის ქათქათა შენობაში დაიდვა ბინა (ხომ გახსოვთ, ფილმში იგი ვარლამ არავიძის სახლად იქცა). მხარდამჭერი და ხელისშემწყობი თენგიზ აბულაძეს არასოდეს აკლდა, მაგრამ იმ ეპიზოდის გადაღებისას ბათუმელებმა მაინც განსაკუთრებული ერთსულოვნება გამოიჩინეს. მასხოვს, საქალაქო საბჭოს ადმინისტრაციის თათბირის დამთავრების შემდეგ თითქმის ყველანი წამოვედით მასიურ სცენაში მონაწილეობის მიხედვად. სხვებთან ერთად მეც გადამიდეს, ალბათ ჩემი ბედი რომ გაერია, ის ეპიზოდი მთლიანად ამოჭრეს. სიტყვამ მოიტანა და იმასაც დაუმატებ, საერთოდ ფილმის ბევრი ეპიზოდი რეჟისორისაგან დამოუკიდებელი მიზეზების გამო ხელახლა დარჩა გადასაღები. მაინც არ შეცვლილა სურათის ხელწერა, მგონი პირიქით, უფრო სრულყოფილი გახდა. თენგიზ აბულაძემ თავისი ჩანაფიქრი ზუსტად განახორციელა.

ჩემი ეპიზოდი კი მაინც ამოჭრეს, ისევე, როგორც გივი ჩხარტიშვილის ნათამაშევი ეპიზოდები. რას იხამ — ხელოვნება მსხვერპლს მოითხოვს!... ეს მსხვერპლი რომ არა, რა სატრაბახო შექნებოდა დღეს „მონანიებაში“ მოხვედრილ კაცს. ისიც ვიცი, ერთმა მსახიობმა (საბჭოთა კავშირის სახალხო არტისტი გახლდათ) რეჟისორს წერილი გაუგზავნა, ვაჭყობ, ფილმში ჩემი როლი არ აღმოჩნდება, მაგრამ მაინც ისე მინდა „მონანიებაში“ თამაში, რომ მზად ვარ მასიურ სცენაში სტატისტიკად დავეკე...

და, აი, ბოლო ეპიზოდის გადაღების დროც დადგა. ქალაქის საავადმყოფოს ეზოში ბაბუასა და შვილიშვილის შეხვედრის სცენა აღბეჭდა

მაღსაზ სიორიძე

«დიდ წარსულს დიდი მოგავალი ექნება»

თუნდ დროთა ბრუნვას ერი განეყოს, დაერღვიოს, მაგრამ მაინც რღვეულთა შორის იღუმალი შემსჭვალება, იღუმალი მიმწიდველობა იმოდენად სუფევს, რომ სამყოფია ხოლმე ერთი რაიმე შემთხვევა, რათა იფეთქოს, იქექოს დაძინებულმა ისტორიამ და ერთსულობამ, ერთგულობამ თავისი ძლიერი ფრთა გაშალოს.

ილია ჭავჭავაძე

აჭარა ძველთაგანვე საქართველოს განუყოფელი ნაწილია და მისი წარსული ორგანულად არის დაკავშირებული ქართველი ერის ისტორიასთან. მართალია, XVI საუკუნეში თურქეთმა მიიტაცა აჭარა და სამხრეთ საქართველოს სხვა მნიშვნელოვანი ტერიტორიები, მაგრამ სამხრეთ-დასავლეთ საქართველოს მოსახლეობა არ შეურიგდა ოსმალთა ბატონობას და გამუდმებით იბრძოდა მის დასამხობად. ბუნებრივია, ქართველი ხალხიც დახმარების ხელს უწყვიდა „ოსმალის საქართველოში“ მცხოვრებ ქმებს, მაგრამ პოლიტიკურ ერთეულებად დაქუცმაცებულ და დასუსტებულ საქართველოს სათანადო ძალა არ გააჩნდა.

ცნობილია, რომ გეორგიევსკის ტრაქტატით (1783 წ.) რუსეთმა ივალდებულა საგარეო მტრების (სპარსეთი, ოსმალეთი) მიერ მინატაციები საქართველოს ისტორიული მიწაწყლის განთავისუფლება. ნაზგასმულია, რომ აღმოსავლეთ შავი ზღვისპირეთიდან თურქეთის განდევნით დიდად იყო დაინტერესებული მეფის რუსეთიც. მისთვის განსაკუთრებული მნიშვნელობა ენიჭებოდა ბათუმის, როგორც უპირატესი სამხედრო-სტრატეგიული და ეკონომიკური საზღვაო პუნქტის, დაუფლებას. ამიტომაც რუსეთთან საქართველოს შეერთებისთანავე ბათუმის ოსმალთაგან გამოხსნა მეფის მთავრობის გადაუღებელი ამოცანა გახდა. 1806-1812 წწ. რუსეთ-თურქეთის ომის დროს რუსეთის სარდლობამ პირველად სცადა ბათუმის განთავისუფლება, მაგრამ წარუმატებლად. ამ მიმართებით ასევე უშედეგო გამოდგა 1828-1829 წწ. და 1853-1856 წწ. ომებიც.

XIX საუკუნის 70-იანი წლების მეორე ნახევარში რუსეთ-თურქეთის შორის ურთიერთობა კვლავ გამწვავდა. კონფლიქტი დასრულდა 1877-1878 წლების ომით, რომლითაც ქართველ ხალხს კვლავ მიეცა საშუალება ებრძოლა თურქეთის მიერ მინატაციები ტერიტორიების დაბრუნებისა და თანამოქმედთა განთავისუფლებისათვის.

სტატიაში „ოსმალის საქართველო“, რომელიც 1877 წლის 28 აპრილს დაიბეჭდა ყოველკვირეულ „ივერიაში“ ილია წერდა: „სარწმუნოების სხვადასხვაობა ჩვენ არ გვაშინებს. ქართველმა თვისის სარწმუნოებისათვის ჯვარცმულმა იცის პატივი სხვის სარწმუნოებისაც. ამიტომაც ჩვენს ისტორიაში არ არის მაგალითი, რომ ქართველს სურგებიყოს ოდესმე სხვისა სარწმუნოების დაჩაგვრა და დევნა...“

არ გვაშინებს მეთქი ჩვენ ის გარემოება, რომ ჩვენს ძმებს, ოსმალს საქართველო-
ში ცხოვრებათა, დღეს მაჰმადიანის სარწმუნოება უჭირავთ. ოღონდ მოვიდეს კვლავ ის
ბედნიერი დღე, რომ ჩვენ ერთმანეთს კიდევ შევეუერთდეთ, ერთმანეთი ვიმშობ, და
ქართველი, ჩვენდა სასიქადულოდ, კვლავ დაუმტკიცებს ქვეყანასა, რომ იგი არ ერჩის
ადამიანის სინდისს და დიდის ხნის განშორებულს ძმას ძმურადვე შეითვისებს... და თუ
ამისთვის საჭიროა, რომ სიხარულის ცრემლის უწინარეს ჯერ ჩვენი სისხლი დაიღვაროს,
ნუთუ ქართველი უკუ-დრკება და თავს არ შესწირავს მას, რისთვისაც ორიათასი წელი-
წალი თავი უწირავთ ჩვენთა დიდებულთა მამა-პაპათა...“

1877-1878 წლების რუსეთ-თურქეთის ომი რუსეთის გამარჯვებით დამთავრდა. სან-
სტეფანოში ხელმოწერილი საზავო ხელშეკრულებით რუსეთმა კავკასიაში მიიღო ბათუ-
მის, არტანუჯის და ყარსის ოლქები, მაგრამ რუსეთის წარმატებით შემფოთებული ევრო-
პის სახელმწიფოების უშუალო ჩარევით სან-სტეფანოს ხელშეკრულება დროებითი
აღმოჩნდა. დადგინდა, რომ იგი ძალაში შევიდოდა ევროპის სახელმწიფოთა კონგრესზე
გადასინჯვის შემდეგ. კონგრესმა მუშაობა დაიწყო ბერლინში 1878 წლის 13 ივნისს. იგი
თავიდანვე დაძაბულად წარიმართა. მიუხედავად იმისა, რომ რუსეთი ბერლინის კონგ-
რესზე იზოლირებული აღმოჩნდა, მან მაინც შეძლო ბათუმის საკითხის თავის სასარგებ-
ლოდ გადაწყვეტა, მაგრამ იგი აიძულეს ბათუმი „პორტო-ფრანკოდ“ ე. ი. თავისუფალ
საავტრო ქალაქად გამოეცხადებინათ. 1878 წლის 25 აგვისტოს რუსეთ-საქართველოს
ჯარი ბათუმში შევიდა.

შემოერთების დღიდან ქართველი ხალხის წინაშე ცხოვრებამ დღის წესრიგში დაა-
ყენა საკითხი — ებრძოლათ აჭარის ახლად აღორძინებისათვის. ამ მამულიშვილური საქ-
მის განხორციელებას სათავეში ჩაუდგა ეროვნულ-განმათავისუფლებელი ბრძოლის მედ-
როზე ილია ჭავჭავაძე.

საქართველოს ისტორიული მიწა-წყლის დაბრუნებას დიდი ინტერესით შეეგება
მთელი ქართველი საზოგადოება და ქართული პრესა. ი. ჭავჭავაძე აფასებდა რა ბერ-
ლინის კონგრესის გადაწყვეტილებათა მნიშვნელობას საქართველოსათვის, ჟურნალ „ივე-
რიაში“ (№ 1, 1879 წ.) წერდა ბერლინის ხელშეკრულებამ ჩვენ ერთი დიდი სიკეთე
შეგვიძინა... ჩვენი ძმები, ჩვენი სისხლ-ხორცი, ჩვენთან ერთად „მებრძოლი შავის ბედი-
სა“, ჩვენი გამორების ბუდე, ჩვენი უწინდელის განათლებისა და სწავლის აკვანი, ჩვენი
ძველი საქართველო — დღეს ჩვენ შემოგვიერთდა და თუ კარგად მოექცევიან ვის ხელ-
თაც აწ იმათი ბედია, ჩვენთან იქნება კიდევ სამუდამოდ“. იქვე ილია სვამს კითხვას:
„რა გავგვიხსნის გზას მაგ კავშირის გაბმისათვის?“ და თვითონვე პასუხობს: „ამისათვის
ერთი უმბარი სახსარია სწავლა, ცოდნა და მეცნიერება. აი, წამწყმედელი ყოვლის უთან-
ხმოებისა, დამადგინებელი ყოვლის ერთობისა, ამამაღლებელი ადამიანისა“.

„დიდი ხნის განშორებული ძმების“ სულიერი შეკავშირებისათვის განათლების გავ-
რცელების დიდ როლზე როდესაც მიუთითებდა, ილია ითვალისწინებდა იმ გარემოება-
საც, რომ ახლადდაბრუნებული „ოსმალის საქართველოს“ მკვიდრნი სარწმუნოებით
მაჰმადიანები იყვნენ და ერთგვარ გაფრთხილებას აძლევდა საზოგადოებას და თვით მეფის
მთავრობას პედაგოგიური კადრების შერჩევის საქმეში, მიანიშნებდა, რომ იგი მოვალეა
„ახლად შემოერთებულს ქვეყანაში“ თავისი ხარკით გახსნან სკოლები და იქ დირექტო-
რებად მიწვეულ იქნენ ქართული ენის კარგად მცოდნენი.

რუსეთ-თურქეთის 1877-1878 წლების ომმა აჭარა მნიშვნელოვნად დააზარალა. „ყო-
ველი მხრიდან ისმის, — წერდა ი. ჭავჭავაძე, — რომ ჩვენი მოძმენი — აჭარლები და
ქობულეთლები ძალიან ცუდს მდგომარეობაში არიან და ნუგეშსაც ჯერ აქამომდე არსა-
იდამ მოელოან. წარსულმა ომებმა თუმცა ყველას მიაყენა აუცილებელი ზარალი, მაგ-
რამ აჭარა და ქობულეთი ყველაზე მომეტებულად დისაჯა“.

ომმა განსაკუთრებით დააზარალა ქობულეთის მხარე. ეს გასაგებიცაა, იმიტომ, რომ მიმდინარეობდა საომარი ოპერაციები, რამაც მუხაცხეტი, ხუცუბანი, ლილა და სხვა სოფელი საფრთხით გააჩანავა. კინტრიძის უბნის 20 სოფლიდან 9 სულ გაქრა. ამის თარბაზე „ივერია“-ში (№ 2, 1879 წ.) ილია წერდა: „ნამეტნავად კინტრიძის მხარა თურმე საშინელს ყოფაში და გაჭირვებაში“, ეს იმიტაც კარგად მტკიცდება, განაგრძობს ილია, „რომ ამისთანა ამბების გამოცხადება მთავრობას ყოველთვის ეძნელება და ემძიმება ხოლმე. სჩანს მართლა დიდი უბედურება უნდა ტრიალებდეს კინტრიძის მხარაში, რომ მთავრობა იძულებულ იქნა ეგ უბედურება ყველასათვის ეუწყებინა“.

აჭარის მოსახლეობა ისეთ რთულ პირობებში აღმოჩნდა, რომ მეფის მოხელეებიც კი იძულებულნი შეიქნენ სათანადო ზომები მიეღოთ. კავკასიის მეფისნაცვალმა შუამდგომლობით მიმართა სამხედრო მინისტრს, რათა მოსახლეობისათვის სესხის სახით მიეცათ 20 ათასი მანეთი. მოთხოვნა სპეციალურად განიხილა სახელმწიფო საბჭომ და დაამტკიცა კიდევ. მაგრამ ეს იყო მცირეოდენი დახმარება, რომელიც ხალხის მდგომარეობას ბევრად ვერ აუმჯობესებდა. ამის გამო ილია ჭავჭავაძე წერდა: „მთავრობა მიშველება კიდევ გაჭირვებულ ხალხს, მაგრამაო იგი შეველა საკმარისი არ არისო“. იქვე ილიამ მოუწოდა ქართველობას გულზე ხელი არ დაეკრიფათ და ძმებს გასაჭირში მიშველებოდნენ. არ არის საკმარისი, წერდა ილია, ცარიელის გულისტკივილით ცქერა, თუ „როგორ თრთის და იკრუნჩხება შიშველი ბავშვი სიცივისაგან, როგორ უკვდება იგი კალთაში შიმშილისაგან ძუძუ გამშრალს დედას, როგორ ტყის ნადირივით დაძრწის ღონემიხდილი დამშუელი მამა, იმედდნათქმული, რომ რითიმე მიეშველოს შიმშილისაგან სულთმობრძავს ოჯახსა“.

აბა ეხლა წარმოიდგინეთ ეს ჯოჯოხეთი რამდენად გაძლიერებული უნდა იყოს იმ კაცის გულში, რომელიც მაგ ყოფაშია ჩავარდნილი და გვერდით ხედავს თავის ძმას, რომელსაც შეველა ცოტად თუ ბევრად შეუძლიან და არ შევლის. ქართველობავე ნუ იქმ მაგ სამარცხვინო საქმეს... ხელი გაუწოდე შენს ძმებსა და დებსა, რომელნიც დღემდის შენთვის დაკარგულნი იყვნენ და რომელნიც დღეს შენთანვე მოვიდნენ! შევეწვივნეთ, რითაც შეგვიძლიან, ფულით, საქმლით, საცმლით, ხორავით!...

აბა ქართველობავე, ეხლა შენ იცი, როგორ დაანახვებ თავს შენს ახლად შემოერთებულს ძმებსა! ეხლა შენ იცი როგორ დაუმტკიცებ ჭკეყანას მამა-პაპათა ანდერძს: „ძმა ძმისთვისა და შვიი დღისთვისაო!“ ეხლა გამოჩნდება ეს ანდერძი შენთვის ცარიელი სიტყვაა თუ სასვე საქმე! ეხლა გამოჩნდება შენ მარტო დღევანდელს დღეზედ ხარ მიბმული, თუ ხვალისთვისაც მსწუხ და ჰფიქრობ!“ („ივერია“, № 2, 1879 წ., გვ. 123-125).

ქართველმა ხალხმა ერთგულემა „ახლად შემოერთებულ ძმებს“ საქმით დაუმტკიცა. ილიას ამ მოწოდებებიდან რამდენიმე დღეში შეავაროვეს 3 ათასი მანეთი და ს. მესხის ხელით გაუგზავნეს აჭარის მოსახლეობას. აქედან მოკიდებული, ს. მესხმა პრაქტიკულად უხელმძღვანელა ამ საქმეს. მან აჭარაში მრავალჯერ ჩამოიტანა შეგროვილი ფული, სურსათი და ტანსაცმელი.

თვითმპყრობელობის გამოიშველური პოლიტიკით შექმნილ მდგომარეობას მარჯვედ იყენებდნენ თურქეთის აგენტები, რომლებიც მრავლად მოედნენ ადელეგებულ ხალხს. ისინი უშიშროების მიზნით ხალხს მოუწოდებდნენ წასულიყვნენ ოსმალეთში, სადაც კარგ ცხოვრებას პირდებოდნენ. აჭარის მოსახლეობის ერთი ნაწილი ემსხვერპლა ამ პროვოკაციას და გასახლება დაიწყო, რაც ისტორიაში მუჰაჯირობის სახელით შევიდა („მუჰაჯირობა“ არაბული წარმოშობის სიტყვაა და სამშობლოდან ნება-სურვილით წასვლას, გაღასახლებას ნიშნავს).

მუჰაჯირობის მიზეზს მარტო რელიგიური ფანატიზმით ვერ ახსნიან. ის განაპირობა იმ მძიმე ეკონომიკურმა მდგომარეობამ და რთულმა შინაპოლიტიკურმა ვითარებამ, რაც

ამ მხარეში შეიქმნა თურქთა ბატონობის უკანასკნელ და ცარიზმის მმართველობის დამყარების პირველ წლებში.

XIX საუკუნის მეორე ნახევარში, ოსმალეთის იმპერიის სამხედრო-ფეოდალური სისტემის კრიზისის გაღრმავებასთან დაკავშირებით, გაძლიერდა ოსმალთა მიერ დაპყრობილი ხალხების ექსპლოატაცია. 1876 წელს მოსახლეობას ძალად წაართვეს ორი წლის გადასახადი ერთად. ომის დროს კი ხალხის მდგომარეობა კიდევ უფრო გართულდა. განსაკუთრებით იქ, სადაც საომარი ოპერაციები მიმდინარეობდა, მთელი რიგი სოფლები აღიგავნენ პირისაგან მიწისა. ამას დაერთო ისიც, რომ რუსეთის მმართველობის დამყარების პირველი ორი წელი მეტად მოუსახლეიანი იყო. რიგ ადგილებში გავრცელდა ეპიდემია, გაიზარდა სიკვდილიანობა.

ხალხის მდგომარეობას ართულებდა ბათუმზე პორტო-ფრანკოს რეჟიმიც. აჭარის მშრომელი მოსახლეობა ბათუმისაგან მოწყვეტილი აღმოჩნდა, რადგან ბათუმიდან გატანილ ყოველგვარ საქონელზე პოლიციური ჩხრეკა დააწესეს. ყველა გზაჯვარედინზე საბაჟოები ჩამოაყალიბეს და გამველ-გამომველს პირადი საჭიროების უმნიშვნელო ნივთების გატანაც კი აუკრძალეს. საბაჟოების დაწესებით მოსახლეობას ესპობოდა საშუალება ბაზარზე გაეყიდა თავისი შრომის პროდუქტი და იქ მათთვის აუცილებელი ნივთები შეეძინათ. ბათუმის ოლქის მოსახლეობა სწრაფად დაადგა ეკონომიკური დაქვეითების გზას.

პორტო-ფრანკო ფრიად საზარალო იყო ავრეთვე ქვეყნის ეკონომიკური განვითარებისათვისაც. კავკასიის სამოქალაქო საქმეთა მთავარმარაგებლის თავად დონდუკოვ-კორსაკოვის მიერ იმპერატორისადმი წარდგენილ მოხსენებაში ვკითხულობთ: „ბათუმის პორტო-ფრანკო წარმოადგენს ქალაქის შემდგომი ზრდის, მასში საქარხნო მრეწველობის განვითარების მთავარ მუხრუჭს“.

1886 წლის 23 ივლისს იმპერატორ ალექსანდრე III ბრძანებულებით ბათუმის პორტო-ფრანკომ არსებობა შეწყვიტა. ამ მოვლენას დიდი სიხარულით შეეგება ქართველი საზოგადოებრიობა. ილია ჭავჭავაძე სტატიაში „ბათუმის პორტო-ფრანკოს გაუქმება“ (იხ. „ივერია“, № 140, 1886) აფასებდა რა პორტო-ფრანკოს რეაქციულ არსს სახელმწიფოსა და ბათუმის ოლქის მცხოვრებთათვის, წერდა: „თუ საწეში შივიღებთ იმ გაჭირვებასა და შეწუხებას, რაც მის გამო ხალხს ედგა, ვგოხებ, საბუთი გექონდეს სიხარულით მიეგებთოთ მაგ პორტო-ფრანკოს გაუქმებას. რომელიც მარტო სახელი იყო და არა სახრავი ქვეყნისათვის. თვითონ ბათუმმა იქნება მაგით ცოტად თუ ბევრად იხეირა, მაგრამ ეგ ხეირი საზოგადოების კისრიდამ იყო ამოღებულნი“.

გარდა ზემოაღნიშნული მიზეზებისა, ვითარებას ართულებდა მიწათმფლობელობის საკითხის მოუწესრიგებლობაც. სპეციალურმა კომისიამ, რომელსაც დ. ბაქრაძე ხელმძღვანელობდა, ბევრი ყალბი საბუთი აღმოაჩინა. ასეთ საბუთებს თურქები განსაკუთრებით უხვად არიგებდნენ ბერლინის კონგრესის შემდეგ. ხალხს კი ამ საბუთის გარეშე უფლება არ ჰქონდა მიწა გაეყიდა, ან იჯარით გაეცა. ამის თაობაზე დ. კლდიაშვილი წერს: „ბევრი ყალბი ნაყიდობა კეთდებოდა მუხაჯირების სახელით, ბევრ უპატრონო ადგილს ახალი და უცხო პატრონი უჩნდებოდა. ბევრს აცდენდნენ ფულის შეტყუებით და ეშმაკურად ხელიდან აცლიდნენ სამოსახლოს. საოცარი თარეში იყო მიწების შესაძენად“ (დ. კლდიაშვილი, მოთხრობები, პიესები, თბ., 1947, გვ. 693).

მასიური უკმაყოფილება გამოიწვია კამერალურმა აღწერამ, რომელიც თურქეთის აგენტების შთავონებით ხალხმა მიიღო, როგორც ახალი გადასახადების გაწერისა და ჯარში გაწვევის ღონისძიება.

მუხაჯირებზე დიდი გავლენა ჰქონდათ ადგილობრივ გაბატონებულ კლასებს. მათი უმეტესობა ხალხს გადასახლებისაკენ მოუწოდებდა. ბევრების ასეთ მოქმედებას ეკონომი-

კური საფუძველი ჰქონდა. ძველად ისინი სულთნის სამსახურში იყვნენ და სათანადო
ჯამაგირსაც ღებულობდნენ. რუსეთის ქვეშევრდომობის ქვეშ კი ბევრმა ჩამოაცილეს
საქმეს და მათი ადგილი რუსმა ჩინოვნიკებმა დაიკავეს. ამით ისინი ამ დამატებით შე-
მოსავლის გარეშე დარჩნენ, რამაც მათი უკმაყოფილება გამოიწვია.

ყოველივე ზემოაღნიშნულს ზედ დაერთო ბათუმის ოლქში სამუშაოდ ჩამოსული
მეფის მოხელეების მექრთამეობა და ათასგვარი უკანონობა, რამაც ძალზე გაამწვავა
მდგომარეობა. ი. ჭავჭავაძესაც მუჰაჯირობის ერთ-ერთ მთავარ მიზეზად მიაჩნდა ის, რომ
„ახლად შემოერთებულ ქვეყანას კალიასავით მიესია თურმე ყველა კალიაზედ უფრო
მსუნავი, უფრო ხარბი და გაუმაძღარი წვრილი ჩინოვნიკობა... საცა გამოვლებული სამსა-
ხურიდან კაცი იყო თურმე, საცა გამოუსადეგი, უხეარო, თავზედ ხელაღებული იყო, იმ
ახალ ქვეყნებში მოხელეობა მიიღო. აბა რა კეთილს დააყრიან ხალხს? აბა რა მხრით
ღაანახებენ ისინი რუსის მთავრობას, რუსის მმართველობასა? არავის ეუკვირა არა აქვს, რომ
თუ ეს სამარცხვინო საქმე მოხდა და აჭარა გადასახლდა, ბრალი იმათ უნდა დავდოთ,
ვინც მოხელეთაგანი აქამდინ მიიყვანს საქმეს“ („ივერია“, № 2, 1879, გვ. 127).

როგორც ზემოთ უკვე აღვნიშნეთ, მოწინავე ქართველმა ინტელიგენციამ ილია ჭავ-
ჭავაძის ხელმძღვანელობით მთავარ ამოცანად დაისახა ქრისტიან და მაჰმადიან ქართვე-
ლებს შორის სულიერი კავშირის განმტკიცება. ორი ძმის შემეკავშირებელ საშუალებად
კი ილიას მიაჩნდა სკოლა, მშობლიურ ენაზე სწავლება. ამ მიზნით 1879 წლის აპრილის
„შინაურ მიმოხილვაში“ ის შემდეგი სიტყვებით მიმართავდა საზოგადოების მოწინავე
წარწლას: „აჭარა და ქობულეთი თუმცა თითქმის ერთი წელია შემოგვიერთდნენ, მაგრამ
იმათ ნამდვილ შემოერთებაზედ კი ჯერ არა გვიზრუნია რა... რაღაც საცოდავი ორასი
თუშანი თუ შეეკრიბეთ, თორემ სხვაფერად ჯერ ზრუნვა არა გამოგვიჩენია რა.

ესხა უნდა გავუმართოთ ხელი ამ ახლად დაარსებულ საზოგადოებას („წერა-კითხ-
ვის გამავრცელებელი საზოგადოება“ — მ. ს.) და ვალათ დავსდეთ, რომ აჭარაში და
ქობულეთში რაც შეიძლება მომეტებული შკოლები დამართოს. ეს შკოლები სხვა ყო-
ველს საშუალებაზედ მეტათ სულითა და გულით შემოგვიერთებენ აჭარისა და ქობულეთ-
ისსა და ისევ ისე ძმურს სიყვარულს ჩამოვადებენ ჩვენში, როგორც უწინ, იმათ
ოსმალის ხელში ჩაგარდნის დრომდე ყოფილა“ („ივერია“, № 4, 1879 წ., გვ. 155).
ასეთი იყო ის ყურადღება, რასაც ი. ჭავჭავაძე უთმობდა აჭარაში ქართული სკოლის
გახსნას, მის ერთვულ მნიშვნელობას.

ბათუმში პირველი ქართული სკოლის გახსნის სამზადისს ქართველთა შორის წერა-
კითხვის გამავრცელებელი საზოგადოება შეუდგა 1880 წლიდან, 1881 წლის 23 მარტს
ილია ჭავჭავაძის თაოსნობით ბათუმში გაიხსნა პირველი ქართული სკოლა (დღეს მის
ადგილას ბათუმის შ. რუსთაველის სახ. № 2 ქართული საშუალო სკოლა). ამ ღირსსახ-
სოვარი მოვლენის შესახებ აღფრთოვანებით იუწყებოდა იმდროინდელი ქართული პრესა.

ილია ჭავჭავაძე სისტემატურად ისმენდა ბათუმის ქართული სკოლის მუშაობის ან-
გარიშს, ხოლო საქირო შემთხვევაში ჩამოდიოდა ბათუმში და პირადად ამოწმებდა სკო-
ლის საქმიანობას. ბათუმის ქართულ სკოლაში მუშაობას ილია უდიდეს პასუხსაგებ ამო-
ცანად თვლიდა. ის ცდილობდა სკოლაში გამოეგზავნა უნარიანი, გამოცდილი და მცო-
დნე მასწავლებლები, რომლებიც მთელი თავიანთი შეგნებით იზრდებოდნენ ახლად შე-
მოერთებული ძმების სწავლა-აღზრდისათვის. 1891 წელს ბათუმის ქართული სკოლის
ახლადღანიშნულ გამგეს მიხეილ შარაშიძეს ილია ჭავჭავაძე არიგებდა: „ჩემი პირადი
სურვილი და განკარგულება იყო, რომ შენ ასეთ პასუხსაგებ ადგილზე გამეგზავნე. იმე-
დია ვაამართლებ ჩემს ნდობას... გახსოვდეთ, რომ ქართველი მუსლიმანები, ჩვენი ძმები,
მეტად ნიჭიერი, დინჯი, დაკვირვებული და ზრდილობიანი ხალხია... იხმარე ყოველი ღო-
ნე, რომ მათი სიყვარული დაიმსახურო“ (იხ. გვ. „საბჭოთა აჭარა“, № 182, 1957 წ.).


1883 წელს ბათუმი რკინიგზით თბილისს შეუერთდა, რამაც ხელი შეუწყო მოწინავე ქართველი ინტელიგენციის აჭარაში გადმოსახლებას. იმავე 80-იანი წლებიდან, ბათუმში სწრაფად დაიწყო სამრეწველო განვითარების გზას. მეფის ხელისუფლებამ ჩაუღრმობა გახდა, მცხოვრებთა რიცხვის ზრდის გამო, ქალაქში დაეწესებინა თვითმმართველობა, მაგრამ ეს ორგანო თავიდანვე ხელში ჩაუვარდათ მეფის მოხელეებს და სხვადასხვა ჯუ-რის კოლონიზატორებს, რომლებიც სასტიკად ავიწროებდნენ ადგილობრივ მოსახლე-ობას. შექმნილმა მდგომარეობამ განსაკუთრებით დააფიქრა ილია ჭავჭავაძე და გადაწყვიტა ბათუმში შექმნა მოწინავე ინტელიგენციის ერთგვარი ბირთვი, რომელიც დაუ-ლაღვად იბრძოდებდა ამ კუთხის კეთილდღეობისათვის. ილია ჭავჭავაძის მითითებით ბათუმში სამუშაოდ გამოეშურნენ ცნობილი საზოგადო მოღვაწეები — გრ. ვოლსკი, ლ. ასათიანი, ი. მესხი და სხვ.

ამასთან ერთად ი. ჭავჭავაძემ მოამზადა ბათუმის თვითმმართველობის არჩევნებში პროგრესული მოღვაწეების გამარჯვება. ის იბრძოდა იმისათვის, რომ თვითმმართვე-ლობას ჩამოშორებოდნენ მხოლოდ საკუთარი ინტერესებისათვის მოქმედი პირები. დ. კლდიაშვილის ცნობით, 1895 წელს არჩევნების ჩასატარებლად ილია სპეციალურად ჩასულა ბათუმში. „საარჩევნო დარბაზში თვალსაჩინო ადგილას სავარძელზე მოთავსე-ბული იყო და არჩევნების მსვლელობას უყურებდა განგებ ამ შემთხვევისათვის ჩამოყ-ვანილი ტფილისიდან ილია ჭავჭავაძე“ (დ. კლდიაშვილი, მოთხრობები, პიესები, გვ. 696). პროგრესულმა ქართველებმა ილიას თაოსნობით მართლაც გაიმარჯვეს არჩევნებში და ქალაქის თავად არჩეული იქნა ცნობილი საზოგადო მოღვაწე ლ. ასათიანი.

სოფრომ მაგლობლიშვილი იგონებს: „ილიას ერთი ნაკლი ჰქონდა: შინ მჯდომი იყო, გასვლა და მოვლა საქართველოს კუთხეებისა არ უყვარდა“ (ს. მაგლობლიშვილი, მო-გონებანი, თბ., 1938, გვ. 168). აჭარა ამ მხრივ გამოჩაყვინდა წარმომადგენდა. ილია ჭავ-ჭავაძე ხშირად ჩამოდიოდა ბათუმში და ადგილობრივი ინტელიგენციის წარმომადგენ-ლებთან ერთად გვეგვანდა ეროვნული და კულტურული განვითარების პერსპექტივებს. ზინად ილია ჩერდებოდა გრ. ვოლსკისთან (უმწიფარიძე). 1881 წლის მარტში პირველად სწორედ აქ შეხვდა და გაიცნო ილიამ პატრიოტი ქართველი მაჰმადიანი გულო კაიკაცი-შვილი. მათ შორის გაიმართა გულთბილი საუბარი, რომელიც ეხებოდა აჭარის წარსულს და მის მომავალს.

ყოველი სტუმრობისას ილია მიდიოდა ბათუმის საკრებულოში, სადაც კვირათბით თავს იყრიდნენ აჭარაში მომუშავე ინტელიგენციის მოწინავე წარმომადგენლები. ილია ბათუმელ თავკაცებს შეკრებაზე ყოველთვის აძლევდა სათანადო მითითებას და მოქმე-დების მტკიცე და ნათელ გეგმას უსახავდა. ილიას ნათქვამს კი ქართველებისათვის კა-ნონის ძალა ჰქონდა.

„დიდ წარსულს დიდი მომავალი ექნებაო“, — ბრძანებდა ერის მედროზე. მას ღრმად სწამდა აჭარის მომავალი და მისი რწმენა კიდევაც გაძარდდა.



ილია ჭავჭავაძეს ახლო მეგობრული ურთიერთობა ჰქონდა საქართველოს ყველა კუთხესთან, მათ შორის გურიასთან. აქ მის ბევრი ნაცნობი ჰყავდა.

ოფიციალური ცნობებით და გადმოცემებით ირკვევა ძწიგნობარისა და მოლექსის ატატო ბებურიშვილის მეგობრული ურთიერთობა ერის დიდ მოამაგესთან.

ატატო ექვთიმე თაყაიშვილის მშობლიური სოფლის ღიბაურის მკვიდრი და მისი თანამედროვე იყო. მის სახელთან დაკავშირებულია ბევრი საქველმოქმედო და საზოგადოებრივი საქმე. იგი იყო თეატრალური მოღვაწე და სახალხო პოეტი. სოფლის სკოლის დამთავრების შემდეგ გატაცებით ეწაფება მხატვრულ ლიტერატურას და თვითგანათლებით იმალღებს ცოდნის ჰორიზონტს. ეუფლება მუსიკალურ ხელოვნებას, წერს ლექსებს, მონაწილეობს სცენისმოყვარულთა თვითმოქმედ წრეებში. მისი ექსპრომტად წარმოთქმული თუ ფანდურზე ამეტყველებული ლექსები აღტაცებას იწვევდა მსმენელში.

იმ დროს ქალის სცენაზე გამოსვლა საზოგადოებაში არც თუ ისე მიღებული ვახლდათ და ატატო ბებურიშვილის გაბედული ნაბიჯი ამ მხრივ დიდი მოვლენა იყო, რასაც მხურვალედ გამოეხმაურა მაშინდელი პრესა, მათ შორის ილიას „ივერიაც“.

ატატოს ხშირად იწვევდნენ მწერლებთან და საზოგადო მოღვაწეებთან შეხვედრებზე და იქ წარმოთქმული ლექსებით თუ ხალხურ საკრავებზე დამღერებით დიდ სიყვარულს და პატივისცემას იმსახურებდა.

გაზეთი „დროება“ 1874 წლის მე-20 ნომერში გვაუწყებს, რომ იმავე წლის 18 აპრილს ქუთაისში შეხვედრა მოუწყვეს ილია ჭავჭავაძეს. თეატრი ხალხით ყოფილა გაჰყვდილი, ილიას გამოჩენას მხურვალე ოვაციით და ტამისცემით შეხვედრიან, რაც დიდხანს არ დამცხრალა. მღუმარედ იჯდა ერისკაცი სავარძელში და მღელვარებას ვერ ფარავდა, როცა სცენაზე ეროვნულ ტანსაცმელში მორთული ქართველი მანდილოსანი ატატო ბებურიშვილი გამოსულა და მგზნებარედ წარმოუთქვამს ილიას შესამკობი ლექსები, თან შესაშური დიაპაზონით შეუსრულებია სცენები ხალხის ცხოვრებიდან, დიდი პოეტი ძლიერ მოხიზლულა, ჩვეული სიღარბაისლით წამომდგარა და შუბლზე ამბორით გამოუხატავს მისდამი პატივისცემა.

აუცილებლად დაფანების ღირსია ატატო ბებურიშვილის დამსახურება გურიაში თეატრალური დასის ჩამოყალიბებასა და საქველმოქმედო ღონისძიებების მოწყობაში. სწორედ დასში ეზიარენ თეატრალურ ხელოვნებას: მარო ნაკაშიძე, ვახილ თევდგირიძე, აველინა წუწუნავა, ოლდა ხურციძე, მიხეილ თუმანიშვილი, ნიკოლოზ ბებურიშვილი, ალექსი წუწუნავა, ვასო ურუშაძე, ლილია მეგრელიძე, სამსონ ხურციძე, ვასო აბაშიძე, აქესიტი მეგრელიძე, ვიქტორ ნინიძე, ცეცილია წუწუნავა, გერმანე გოგიტიძე და სხვები, ამ თეატრალური დასის ნაყოფიერ მოღვაწეობას დიდ შეფასებას აძლევდა მაშინდელი პრესა.

1888 წლის 5 დეკემბერს დასმა წარმოადგინა ა. ცაგარელის კომედია „ხანუმა“. ხანუმას როლს ატატო ბებურიშვილი ასრულებდა. ამის შესახებ ილია თავის „ივერიაში“ წერდა: „აქ წარმოდგენების გამართვა იშვიათი ამბავია, ახლა კი შემდგარა პატარა ჯგუფი სცენის მოყვარულთა, რომელთაც მიზნად აქვს მართოს წარმოდგენები საქველმოქმედო აზრით“.


ისტორიიდან ცნობილია, რომ ხშირად საქველმოქმედო ღონისძიებების განხორციელებას მრავალ სამომავლო საქმეს უკავშირებდნენ, რის საუკეთესო მაგალითს გვიჩვენებდნენ ილია ჭავჭავაძე, აკაკი წერეთელი, იაკობ გოგებაშვილი, ნიკო ნიკოლაძე, ექვთიმე თაყაიშვილი და სხვა მამულიშვილები.



1881 წელს დიდი ილიას თაოსნობით ბათუმში დაარსდა პირველი ქართული სკოლა, რომელსაც ატატომ გაიგო, ილია ჭავჭავაძე დაესწრებოდა სკოლის განსნას, შემდეგ ილიამ აჭარის მცხოვრებლებს მხურვალედ მიულოცა პირველი ქართული სკოლის განსნა და ყოველგვარი დახმარებაც აღუთქვა. ამ საზეიმო ცერემონიის ლამაზი აკორდი იყო ატატო ბებურიშვილის გამოსვლა. მან მკაფიოდ წარმოადგინა დიდი ილიას ცხოვრება და მოღვაწეობა, ის წვლილი, რომელიც ერის დიდ მოამაგეს მიუძღვის ოსმალთა სამასწლიანი ბატონობისაგან განთავისუფლებული აჭარის კულტურულ აღორძინებაში.

დიდი ილია ატატო ბებურიშვილს შემდეგშიც არაერთხელ შეხვედრია და მათი მეგობრობა წიწამურის ტრაგიკულ აღსასრულამდე გრძელდებოდა, რაც ღრმად განიცადა უკვე მოხუცმა ქართველმა მანდილოსანმა — ატატო ბებურიშვილმა. მან ვერ შეძლო დიდი პოეტის დაკრძალვის ცერემონიალში მონაწილეობის მიღება, მაგრამ თავისი ხმა შეუერთა ერის გლოვას.

შოთა ზაქარიაძე



რამაზ სურგანიძე

წერილები შავშუთიდან

ბ შ მ ბ ი

ამ მხარის მცხოვრებთა მდგომარეობას ართულებდა უგზოობა. ხალხს იმთავითვე რატომღაც სჯეროდა, რომ გზა უბედურების მომტანი იქნებოდა. კარგ გზას ბევრი ჩინოვნიკი და ამკლები მოჰყვებოდა. ასეთი იყო მათი რწმენა და არც თუ უსაფუძვლო.


ძირითადი ტრანსპორტი ცხენი იყო, მაგრამ იმ გზებზე ცხენითაც ჭირდა გავლა. ვაჭრები აჭარლების ცხენებს ჭირობდნენ. ბათუმიდან ახალციხემდე ერთი ფუთის გადატანაში აბაზიდან ექვს შაურამდე უხდიდნენ. არც თუ იშვიათი იყო შემთხვევა, ცუდ გზებზე ცხენის გადაჩხვისა. იკარგებოდა ცხენიც და ტვირთიც. პატრონი ორი გროშის ადების ნაცვლად განადგურებული და დავალიანებული ბრუნდებოდა სახლში.

ღრმ თავისი მოითხოვა და დაიწყო ბათუმი-ახალციხის გზის მშენებლობა. გზების გაყვანის ერთ-ერთი ინიციატორი იყო აჭარის მაშინდელი მმართველი შერიფ ხიმშიაშვილი. აჭარის განთავისუფლებიდან 10 წლის შემდეგ ამ გზაზე პირველად გაუვლიათ ეტლებს, რასაც მოსახლეობის დიდი აღტაცება გამოუწვევია.

ამ მოვლენას აღფრთოვანებით ეხმაურება ი. ჯაიანიც. იგი წერდა: „აჭარლებს აუსრულდათ ამდენი ხნის გულის წადილი; ბათუმიდან ახალციხემდის იწყინებმა დაიწყეს ეტლებით სიარული. დღეს ამ გზებზე მოესმათ აჭარლებს ეტლზე გამობმული წარების ხმა და ამ ამბავმა ყველა ფეხზე დააყენა, ქალი და კაცი. ვინც კი ამ გზებზე სახლობენ, სულ ამაზე ლაპარაკობენ. დიდის ამბითა და აღტაცებით შესცქეროდნენ ქალები და ბაღნები ამ უნახავს სანახავს. მართლაც და სასიხარულო ამბავია, არავინ არ იყო ისეთს სატანჯველს მიცემული უგზოობის გამო, როგორც ეს ზემო აჭარა. აქამდის ერთს დღის სავლელი გზა ოთხი-ხუთი დღე უნდა ევლოთ და ერთი ათად მეტი ხარჯი უჭდებოდათ. უფრო მომეტებულს გაჭირებაში იყვნენ ისინი, ვინც ბათუმიდან ახალციხემდის ეზიდებოდა ახალციხის ვაჭრების საქონელს“.

გზის გაკეთების შემდეგ ზოგ აჭარელს ფურგონებიც შეუქმნია. ცხადია, მგზავრობის დროს შემცირებულია და საფასურსაც მეტს იღებდნენ — ფუთში ორი აბაზიდან 10 შაურამდე.

1893 წლის პირველ ნახევარში გზატკეცილი ართვინამდე გაუყვანიათ. ი. ჯაიანის ერთ წერილში დიდი ოპტიმიზმი გამოსჭვავის კარგი დარების გამო, რომელიც კარგ მოსავლასაც ჰპირდებოდა მოსახლეობას, აგრეთვე ბათუმ-ართვინის გზის გაყვანის გამო. იგი წერდა: „გზა ისე გაგვიწმინდეს და გაგვიფაქიზეს, რომ სულ ლაპლაპი გააქვს... ოთხ-



ცხენ შემბული ეტლები ბრაგა-ბრუგით დარხინობენ თავისუფლად. ამ გზის გაყვანას ი. ჭაიანი მიაწერს ბევრი მაღალი თანამდებობის პირის სტუმრობას. აქ ჩამოსულან კერძო პუბის მეთაური თავადი ივანე გვიის ძე ამილახვარი და ქუთაისის სამხედრო გუბერნატორი ა. ე. გროსმანი, ხოლო პეტერბურგიდან — გზების მინისტრისაგან დანიშნული საგანგებო საქმეთა მინდობილობის მოხელე. მაგრამ სიხარული ნაადრევი გამოდგა. შემდგომში, როგორც სჩანს, გზების მოვლა მიივიწყეს და გავლაც კი ქირდა, განსაკუთრებით ცუდი ამინდების დროს. ატლახებულ გზებზე სიარული უჭირდათ ადამიანებსაც და ცხენებსაც. ფოსტის ეკიპაჟს ორჯერ უფრო მეტი დრო სჭირდებოდა ბათუმიდან ბორჩხაში ჩასვლამდე. თავის გულისტკივილს გზების ცუდ მდგომარეობაზე ი. ჭაიანი ასე გამოხატავდა: „ამ ბოლო დროს მთლად ბოლო მოეღო ამის კეთილდღეობას. სხვა დროს აქ ზამთრობით ჩამოწვავებულ ქვა-მიწას მაინც გაწმენდ-გასუფთავებდნენ, დღეს კი ამის თავ-შემატკივარი და ქურბის მგდებელი ჯერჯერობით არ გამოგვიჩნდა ვინმე მაღლიანი“. ამის მთავარ მიზეზად ი. ჭაიანს სამართლიანად მიაჩნია გზების იჯარადართა თაღლითობა და მუშა ხალხის ყვლივა. მათი უმეტესი ნაწილი ოსმალეთიდან იყვნენ. ისინი ხალხს ამუშავებდნენ. ფულებს ჩაიჭიბავდნენ და ოსმალეთში გადაიკარგებოდნენ. „აქაური ფუხარა კი ხანამშრალი უყურებდა იჯარადარს, როდის ამოვა და ფულებს მოგვიტანსო... ამისთანა იჯარადრების წყალობით ბევრი ქალ-ბაღანა დარჩა ატირებული, მაგრამ საჩივრის გამოძიების შემდეგ ის გამოდიოდა, რომ ინჟინერიც მართალი იყო და იჯარადარიც, ასე, რომ ბოლოს მართო საწყალი ხალხი რჩებოდა დამნაშავე და დაზიანებული“.

ი. ჭაიანს ასეთი ძალმომრეობის თავიდან ასაცილებლად საჭიროდ მიაჩნდა, გზის მოიჯარადრებად ადგილობრივი ხალხი, უფრო სანდო და საიმედო, მისივე ნელმწიფის ქვეშევრდომთა აყვანა, ამით გზაც გაკეთდებოდა და ხალხს არ დასჭირდებოდა მისი გამძარცვავე იჯარადრის ძებნა ოსმალეთში.

მდგომარეობა რთულდებოდა დიდთოვლობის დროს. მოიჯარადრეთაგან დაშინებული გლეხობა არ გამოდიოდა გზის გასაწმენდად, ზოგან ნაშქერით ჩახერვილ გზას ასაქცევიც არ ჰქონდა და ფეხით შემოვლაც შეუძლებელი იყო. ფაქტიურად მთელი ხეობა მოწყვეტილი იყო გარე სამყაროს. თვეობით ფოსტას ვერ ღებულობდნენ. კავშირის ერთადერთ საშუალებად ნავი რჩებოდა, მაგრამ ჭოროხის ადიდების გამო, სშირად ნაოსნობაც წყდებოდა. დიდთოვლობით გამოწვეულმა შიმშილმა შეაწუხა ჯარისკაცებიც, რის გამო სარდლობა იძულებული გახდა მთელი ნაწილები მოეხსნა და ქალაქში გადმოეხროლა.

ბალაკანების გადმოსახლება

90-იან წლებში მთავრობას განუზრახავს ჭოროხის ხეობაში მალაკნების გადმოსახლება, რასაც მოსახლეობის უკმაყოფილება გამოუწვევია. ი. ჭაიანს სწორად ესმის ახლად განთავისუფლებული მოსახლეობის განწყობილება, იცის, რომ მათში არ არის ჩამქრალი ეროვნული გრძნობები, მშობელი მიწის სიყვარული და საჭიროდ თვლის ყოველმხრივ შეუწყოს ხელი ამ პროცესებს. ამიტომ მას სხვა რწმენისა და ადათ-ჩვევების მქონე ხალხის ჩამოსახლება, მკვიდრი მოსახლეობის შევიწროების ხარჯზე, მიზანშეუწონლად მიაჩნდა. ამის თაობაზე მას სპეციალურად უსაუბრია კიდევ მალაკნების წარმომადგენლებთან, საიდანაც ირკვევა, რომ ისინიც ძალზე გამომწვევად იქცეოდნენ. სურდათ მუქთად ჩეგდოთ ნაყოფიერი მამულები და მკვიდრი მოსახლეობა გაეძევებინათ.

შეწუხებულ მოსახლეობას ქუთაისის გუბერნატორისათვის თხოვნაც მიუერთმევია, მაგრამ პასუხი ვერ მიუღიათ, რაზეც დიდ შიშს გამოთქვამდა ი. ჭაიანი; მისი აზრით, მო-

სალოდნელი იყო სისხლისმღვრელი შეტაკება ადგილობრივ მოსახლეობასა და მალაკენებს შორის, ანდა მოსახლეობის მშობლიური ადგილებიდან აყრა და უცხო მხარეში გადასახლება, რაც მეტად არასასურველ შედეგებს გამოიწვევდა. „თუ მართლაც მალაკენებს აუსრულებათ წადილი, — წერდა ი. ჯაიანი, — მაშინ მურღულის ხეობაში ერთ მუსულმანს ვერ იშოვით წამლად. ერთ მშვენიერ დამეს ყველა გადაიბარგება ოსმალეთში და იქიდან ისეთ დღეს დააყენებენ, რომ ვასაქცევი გზაც ვერ იპოვოს. აბა ვინ მოუთმენს იმას, რომ მამულ-დედუღიდან ხელი დააბანინოს ვინმემ და ოსმალეთში შიმშილის კერძი გაზახდოს ამდენ ფუხარების ქალბაღანა!“

როგორც ჩანს, გუბერნატორმა არ შეიწყნარა ხალხის თხოვნა და რამდენიმე დღის შემდეგ ოლქის უფროსი მ. ი. ერისთავი და ართვინის უზნის უფროსი ი. კ. აბაშიძე გაგზავნა მურღულის ხეობაში. გადაწყვეტილი იყო ორი სოფელი დაეცალათ მალაკენებისათვის, ხოლო მოსახლეობა სხვა სოფლებში გადაეყვანათ, მაგრამ ერთმა შემთხვევამ შეაჩერა ამ გადაწყვეტილების აღსრულება. სტუმრები სოფელ არხავეში მემედლასთან გაჩერებულან და მეორე დღეს აპირებდნენ იმ სოფელში ჩასვლას. მასპინძელს ღირსეულად მიუღია საპატიო სტუმრები. კარგი ვახშამიც გაუმართავს და მოუსვენებია. დამე მისეველ ერისთავს ქვემო სართულში ჩასვლა დაუპირებია, მაგრამ კიბის საფეხური ჩატყლოდა და ექვსი არშინის სიმაღლიდან ჩამოვარდნილა. სტუმარს მრავალი დაუეცილოდა მიუღია და მისი ადგილიდან დაძვრაც არ შეიძლებოდა. როგორც ჩანს, ამის გამო მალაკენებს გადმოსახლების საკითხი იმჟერად აღარ გადაწყვეტილა.

ი. ჯაიანის 1893 წლის 19 აგვისტოს წერილით კი ირკვევა, რომ ამავე საკითხთან დაკავშირებით მურღულის ხეობაში ჩასულა ბათუმის ტყეთა ზედამხედველი ა. აბაშიძე, რომელსაც ტყეები და მიწები უნდა გაენაწილებინა ადგილობრივ მცხოვრებლებსა და მალაკენებს შორის. სამწუხაროდ, მომდევნო წერილებში არა ჩანს, ბოლოს და ბოლოს, მალაკენები ჩამოსახლეს თუ არა.


ავანაკობა-მკვლელობანი

ერთ-ერთ დიდ სოციალურ უბედურებად ი. ჯაიანს მიაჩნია მკვლელობათა ძალზე გავრცელებული შემთხვევები. ადგილობრივ ადმინისტრაციას ასეთი შემთხვევები ჩვეულებრივ ამბად მიაჩნდა და უყურადღებოდ ტოვებდა.

მკვლელობა ხშირად ხდებოდა გაძარცვის მიზნით, იგი ავანაკობისა და ყაჩაღობის მუდმივი თანამგზავრი იყო. ეს უბედურება ერთნაირად იყო გავრცელებული როგორც აჭარაში, შავშეთსა და მთელს ჭოროხის ხეობაში, ასევე ქვაბლიანის ხეობაშიც; ი. ჯაიანს აღწერილი აქვს, როგორ დაიკარგა ერთი ოქრომჭედელი იმის გამო, რომ მასთან ძვირფასი თვლები ეგულებოდათ. ამის შესახებ მისთვის უამბნია ოქრომჭედლის ამხანაგს: — „თუშეა ფულეები არა ჰქონდა, მაგრამ ძვირფას ქვებს კი ატარებდა თანაო. როგორც აღმასი, აგრეთვე იაგუნდი და ფირუზი იქნებოდა ორას-სამასის მანეთისაო. ეტყობა იმ საცოდავს ამ ძვირფასმა ქვებმა მოუღო ბოლო, რადგან შეამჩნევდა ვინმე და მერე რაღას დაზოგავდა ავაჯი“.

ი. ჯაიანი ხშირად ეხება გაძარცვის სხვა შემაძრწუნებელ შემთხვევებს, მკვლელობის გამომწვევ საბაბსა და მიზეზს. ძირითადი მანაც აქაური ადათ-წესების და სინდის-ნაშუ. სის დაცვა იყო. ავტორს ერთი ასეთი შემთხვევაც აქვს აღწერილი: სოფელ ხების მცხოვრებ ქალის მანდლოს შეხვო კაცი, ქალის ნათესავმა კი იქვე ხანჭლით სასიკვდილოდ დასჭრა სინდისის შემბლაღავი.

ი. ჯაიანს აღწერილი აქვს აგრეთვე, თუ როგორ მოჰკლეს არტანუჯელმა ცოლ-ქმარმა მათთან მისული სტუმარი იმის გამო, რომ მასთან ბევრი ფული ეგულებოდათ. ი. ჯაიანი



ტრადიციულად განთქმულ სტუმართმოყვარე მასპინძელთა ასეთ საშინელ ქცევას მათი უციღდურესი სიღარიბით ხსნის: „მეტად ღარიბნი ყოფილან. გაუბედნიათ ასეთი საშინელი საქმე და მით დაუგმიათ აქაური ადათი და მტკიცე ჩვეულება სტუმართმოყვარეობისა“.. როგორც ჩანს, დამნაშავენი სწორედ ამ ჩვეულებამ და სინდისმა შეაწუხა და საქმე თვით-მკვლელობით დამთავრებულა. ტუსალები არტანუჯიდან ბათუმში ბადრაგით წამოუყვანიათ. ბორჩხას ქვემოთ, სოფელ კელასურთან, თოკით შებოჭილ ცოლს ბორკილდადებული ქმრისათვის ხელი უკრავს. ქოროხში გადაუჩენია, თვითონაც გადაყოლია და ორივენი დაღუპულან.

ი. ჭაიანი აღწერს სოფელ დამპალას მუხთარის (მამასახლისის), 75 წლის გენჯალა ბოლქვაძის მკვლელობას, რასაც იმით ხსნის, რომ მოკლულს ოსმალთა ხელისუფლების დროს, ახალგაზრდობაში, ბევრი ავკაცობა ჰქონდა ჩადენილი, მისი მტრები ოსმალეთში გადასახლებულან, მაგრამ 15-20 წლის შემდეგ იქიდანაც მოწვედნენ და სისხლი აიღესო.

მკვლელები ხშირად ქოროხის ხეობაში სამუშაოდ ჩამოსულები იყვნენ. ისინი ყოველგვარ ავკაცობას ჩადიოდნენ და შემდეგ თავიანთ ქვეყანაში გარბოდნენ ისე, რომ შემდეგ ვეღარავინ მიაგნებდა მათ კვალს. ასეთი მოხეტიალენი ხშირად გარკვეულ გასამრჯელოს ფასადაც ხელყოფდნენ ადამიანის სიცოცხლეს.

არც თუ იშვიათად ადამიანის სიცოცხლე ადგილობრივ მოხედვითა უმხგავსო საქციელს ეწირებოდა. 1895 წლის 2 ნოემბერს ავჯაკებს მოუკლავთ ორმოცდაათი წლის ფილიპე ომიანიძე (ყაჩინოელი), მისი მთელი ქონება გაუტაცნიათ და ოსმალეთში გადასულან.

მ უ ჰ ა ჯ ი რ ე ბ ი

ი. ჭაიანს სწორად ესმის ახლადგანთავისუფლებული სოფლებიდან მოსახლეობის აყრა-გადასახლების მიზეზები. მცირე გაღიზიანებაც კმაროდა, რომ თავგაბანდულ ხალხს მიეტოვებინა სახლ-კარი ისე, რომ არც კი იკითხავდა, სად, ვისთან, რისი იმედით მიდიოდა. ერთი ასეთი დიდი გჭუფი, 40 ოჯახამდე, ივანე ჭაიანსაც შეხვედრია კახაბერში: „...რადგან იმათში ზოგიერთი ნაცნობი გამოდგა ჩემი, დამიწყეს თვალცრემლიანებმა ლოცვა და გამოთხოვება. მართალი მოგახსენოთ, იმათმა ტირილმა მეც თვალში ცრემლი მომგვარა... მე ვკითხე რად მიხვალთ ოსმალეთში-მეთქი. იმათ მიპასუხეს: რა ვქნათ, ბატონო, იქიდან ხსიმიები მოვიდნენ და გვიქეს იქ ყოფნაო, სოჯა-მოღებმაც გვირჩიეს და ჩვენც მივადითო“. ნათლად ჩანს, რომ ხალხი თითო-ორიოდა „ხსიმიის“ ანკესზე ეგებოდა. ძირითადი მაინც სოჯა-მოღების აგოტაცია და ადგილობრივი მოსახლეობის მიმართ ხელისუფლების ცუდი დამოკიდებულება იყო.

ამ „ნაქებ-ნადიდებ“ ადგილებიდან მუშაპირები კვლავ უკან ბრუნდებოდნენ შიმშილით და სიღარიბით ილაჩაგაწყვეტილნი: „...დღე არ იქნება, რომ იქიდან მომსვლელი ხუთი-ექვსი კაცი არ მოადგეს აქაურ მცხოვრებს კარზე პურის, სიმინდის, კაკლის და ლობიოს სათხოვნელად. იმათ ნახევარს, ვინც კი აქედან წასულა, არც სახლი მოეპოვება, და არც მიწა-წყალი, რომ იმუშაოს და ქალ-ბაღანა გამოკვებოს... ბევრს უნდა თურმე, სამშობლოში, აჭარაში დაბრუნება, მაგრამ ვინ გამოუშვებს, ან არა და იმ სიშორიდან როგორ წამოიყვანოს შიშველი ქალ-ბაღანა“.

ოსმალეთიდან ჩამოსული ზოგი „მათხოვარი“ მოდიოდა სპეციალური მისიით, აღთქმული ქვეყნის ქება-დიდებათვის, რათა რაც შეიძლება მეტი ოჯახი აეყარათ და წაეყვანათ. ჭამე-მედრესებშიც სოჯა-მოღები ძირითადად ოსმალეთიდან მოსულები იყვნენ და წარმოსადგენია, თავისი ქადაგებით როგორ უბნევდნენ ზგა-კვალს მოსახლეობას. ი. ჭაიანი ამაზეც ამახვილებს ყურადღებას: „...თქვენ რაც გინდათ ეჩიჩინოთ, აბა რას



დაიჭერებს თქვენს ლაპარაკს, ხოჯის ჩაგონების შემდეგ ესეც კი უნდა ვთქვათ: „ოხ, რა უნდა მოხდეს, რომელიც უნდა მოხდეს, რომელიც უნდა მოხდეს“.

მუშაჯირობის სერიოზულ მიზეზად ი. ჯაიანს ტყის მცველობის შემოღება და სამხედრო ბეგარა მიაჩნია. მართალია, ადგილობრივი მეტყველებები ხალხს ეუბნებოდნენ, ტყით ძველებურად ისარგებლებო, მაგრამ, როგორც სჩანს, ახალმა ხელისუფლებამ ზოგან, კერძოდ, არდაგანის ოლქში, შემოიღო ტყის გადასახადი. ამით ისარგებლეს მუშაჯირობის მქადაგებლებმა და ართვინის ოლქშიც დაიწყეს მოსახლეობის ჩაგონება: „არდაგანის ოლქში ერთ ჭვირთს ნეკერს ვერ მოსჭრის ფუხარა, სანამ სახელმწიფო ხარჯს არ გადაიხდისო და თქვენც ამითანა დღე დაგადგებათ ხვალ და შეგაო“.

რაც შეეხება სამხედრო ბეგარას, ჯარში გაწვევის ნაცვლად შემოუღიათ ფულადი გადასახადი. ხალხს გაწვევა ერჩია, მაგრამ არ იწვევდნენ და არც ამის საჭიროება იყო — გადასახადს კი მაინც ახდევინებდნენ. ესეც მუშაჯირობას უწყობდა ხელს. ცარიზმის ხელისუფლებას არაფრად მიაჩნდა მოსახლეობის აყრა-გადასახლება, ზოგჯერ ამ არასასიამოვნო პროცესს ხელსაც კი უწყობდა.

როგორც აღვნიშნეთ, მუშაჯირობა ნაწილი, დიდი მორალური და მატერიალური ზარალის ფასად, უკან ბრუნდებოდა, ზოგი კი სარჩოს საძებრად ჩამოდიოდა. იზმითიდან ჩამოსულ ერთ ასეთ კაცს საგანგებოდ ესაუბრა ი. ჯაიანი, გამოკითხა იქაური ამბები. იზმითში უფრო მდიდრად არიან ვიდრე ღარიბადო, უთქვამს მას, მაგრამ აშკარად ცრუობდა, რადგანაც თვითონვე აგროვებდა ბორჩხაში ჭირნახულს. მოსაუბრის ერთადერთ სსიამოვნო თვისებად ი. ჯაიანს ის მიაჩნდა, რომ ეს იზმითელი წმინდა ქართული ენით ლაპარაკობდა. ი. ჯაიანს უკითხავს, რატომ ჰქვია თქვენს ქალაქს გაიურ-იზმითიო. იმას უპასუხნია: აქედან გადასული ყველა მუშაჯირი მშობლიურ ქართულზე ლაპარაკობს, ამიტომ შეარქვეს ქალაქს გაიურ-იზმითიო: „აქედან ადვილად მიხვდებით, — წერდა ი. ჯაიანი, — საწყალი ხალხი რა საცოდობაშია ჩავარდნილი, ამ ადამიანების გადამკიდე, რომელნიც იქ ურჩევნ გადასახლებას, სადაც თითქმის ნახევარი შიმშილით იხოცება და ამაღ გარდა ყოველს ნაბიჯზე გაიურებს ეძახიან“.

დღემდე გამოქვეყნებულ ლიტერატურაში მუშაჯირობის პერიოდში გადასახლებულთა რიცხობრივ შემადგენლობაში ძალზე განსხვავებულ მონაცემებს ვხვდებით. ჩვენ არ შევუდგებით ამ მონაცემების მოშველიებას, მაგრამ ის, რაც ი. ჯაიანს აქვს მოტანილი და ერთადერთ სოფელს — ბორჩხას ეხება, ყველაზე სარწმუნოდ უნდა მივიჩნიოთ და განვსაზღვროთ ის დიდი მასშტაბი, რაც მუშაჯირობამ მიიღო ქოროხის ხეობაში. მისი დაკვირვებით, ოსმალთა მფლობელობის დროს ამ სოფელში 137 კომლი ყოფილა, რაც 1894 წლისათვის 22-მდე შემცირებულა, დანარჩენი ოსმალეთში გადასახლებულა. ბორჩხის 4 ხეობაში (მურღული, დევსკელი, ჩხალი, კელასკური) 500 კომლამდე კიდევ ყოფილა დარჩენილი. მუშაჯირობის დაწყებამდე ამ ხეობებში მისი ვარაუდით, ალბათ, 2000 კომლამდე იქნებოდა.

სასაზღვრო ინციდენტები, კონტრაბანდა, საბაჟო

ომის დამთავრებისთანავე, როცა უკვე დადგინდა რუსეთ-თურქეთის საზღვრები, მოსახლეობის ერთ-ერთ პრობლემას წარმოადგენდა საზღვრის გადაღმა დარჩენილ ნათესავებთან თავისუფალი მისვლა-მოსვლა. მდგომარეობას აძნელებდა ის, რომ ლაზისტანის კორდონზე მხოლოდ 2 ადგილას იყო ნებადართული გადასვლა: ხოფასთან და ორჯოხში. მათ შორის მანძილი 100 ვერსს შეადგენდა, რაც იმ დროისათვის ორი დღის სავალი იყო. ი. ჯაიანი სამართლიანად მოითხოვდა, რომ საზღვრის გასწვრივ სულ ცოტა ხუთ



პუნქტში მანც უოფილიყო გადასვლა-გადმოსვლა, რადგანაც ნათესავები და კოლეგები ერთმანეთში მიმოდიოდნენ საოჯახო შრომაში დასასმარებლად, ავადმყოფის მოსახსნულენბლად, გარდაცვლილის დასატირებლად, ქორწილში და ა. შ. მისი აზრით, თუ ეს მოსტრხდებოდა, აღმინისტრაცია ამით მოსპობდა „გადაპარვა-გადმოპარვას უჩაღი-ვით“.

სხვათა შორის, გადაპარვა-გადმოპარვას ადგილი ჰქონია სხვა მიზნითაც. ი. ჭაიანთ აღწერს კონტრაბანდისტების უადმოსვლას, რასაც მათ და საზღვრის დამცველებს შორის ორმხრივი სროლაც მოჰყოლია. საზღვრის დამრღვევებს ბრძოლა წაგებულად ჩაუთვლიათ. აკრძალული „ევროპული საქონელი“ ცხენებიდან ჩამოუყრიათ და ვაქცეულან. ამ საქმეში კაპიტან ფ. მიქელაძეს ადგილობრივი ბიჭებიც დასმარებია. საყურადღებოა, რომ ასეთ დარღვევებში კონტრაბანდისტებს ხელს უწყობდნენ საბაჟოს მოხელეები.

საბაჟოებში სხვა უწყესრიგობაც უოფილა. გათავისუფლებიდან ერთი წლის შემდეგ ბორჩხაში დაარსებულა ფოსტა-ტელეგრაფის განყოფილება, მაგრამ უბრალო წიფის გასაგზავნად აუცილებელი იყო საბაჟოს ბეჭედი. საბაჟოები კი არსებობდა მხოლოდ ბათუმსა და ორჯონში, რომლებიც ბორჩხიდან 40-55 კმ-ით იყო დაშორებული. ამ გზაზე მიმოსვლაში ადამიანი 2-3 დღეს ჰჰარგავდა და სანამ საბაჟოს მიაღწევდა, მას კიდევ ათასგვარი ხარჯი სჭირდებოდა. ი. ჭაიანს ეს ბარიერები სამართლიანად მიაჩნია პორტოფრანკოს დანაშრევად. ამავე დროს იგი დადებითად მოიხსენიებს ფოსტა-ტელეგრაფის მაშინდელი უფროსის ა. ვასაძის დამსახურებას, რომლის მეოხებით ამანათები საბაჟოს ბეჭდის გარეშე იგზავნებოდა. ადგილობრივი მოსახლეობის აღელვებას იწვევდა საზღვრის ხაზებზე პლასტუნების მოქმედება. ისინი ავიწროებდნენ მცხოვრებლებს და მცირე მიზეზი ხშირად სერიოზულ ინციდენტში გადაიზრდებოდა ხოლმე. 1895 წლის ბოლოს პლასტუნები ჭარისკაცებით შეუკვლიათ, რასაც მოსახლეობა სიხარულით შეხვედრია. თუმცა ამ ცვლილებას სხვა უხერხულობა მოჰყვა. ჭარისკაცების რიცხვი გაორმაგდა, მოიმატა საკონტროლო პუნქტებმაც. უწინ თუ ასეთი პუნქტი ორი იყო, ახლა ოთხი პუნქტი დაუწესებიათ: ართვინში, ბორჩხაში, მარაღიდა და კაპანდიღში. ყველა პუნქტზე სინჯავდნენ მენავებებსა და მგზავრებს, რაც ძალიან დიდ დროს მოითხოვდა. ხშირად მგზავრებს დამისთევაც უხდებოდათ. ამიტომ ი. ჭაიანი ადგილობრივ ხელისუფლებას გაუეთის საშუალებით სთავაზობდა უფრო გამართლებულ წესს: ნავი და მგზავრი გასინჯულიყო ართვინშივე ნავის დატვირთვისას, მენავეს მისცემოდა საბუთი, რომ ნავი და მგზავრები შემოწმებულნი არიან და დანარჩენ პუნქტებზე აღარ იქნებოდა საჭირო მათი შეწუხება.

**ქართული სკოლის საპირიება
მოსახლეობის ჯანმრთელობის მდგომარეობა**

1895 წელს „ივერიაში“ გამოქვეყნებულ ერთ-ერთ ხელმოუწერელ წერილში, რომელიც ჩვენს აზრით ი. ჭაიანს ეკუთვნის, დიდი გულისტკივილია გამოთქმული იმის გამო, რომ საქართველოს თითქმის ყველა კუთხეში გაიხსნა სკოლები, ხოლო ქოროხის ხეობა კვლავ სკოლის გარეშეა დარჩენილი. ავტორის თქმით, აქაურ ქართველობას სკოლის გახსნაც და შენახვაც შეუძლია. მაგრამ, სამწუხაროდ, ხალხმა ჭერ კიდევ არ იცის მისი მნიშვნელობა და ამ შეუგნებლობას კიდევ უფრო ადვილებენ რელიგიის მსახურნი.

ი. ჭაიანი გაკვირვებას გამოხატავს მაღალი ფენის წარმომადგენლების, ადა-ბეგების მიმართ, რომლებიც ღარიბთა ყველა საქმეს მართავენ, მაგრამ სკოლების გახსნენლად არავითარ მეცადინეობას არ იჩენენ. მით უმეტეს, რომ მათ კარგად აქვთ შეგნებული

სკოლების გახსნისა და წერა-კითხვის გავრცელების მნიშვნელობა. ავტორს სამართლიანად მიაჩნია, რომ მდიდრებმა მაგალითი უნდა უჩვენონ მღაბიო ხალხს და ჩააგონონ „ამ ფრიალ კეთილის საქმის“ საქიროება. ამის შემდეგ დარბილ თავის წვლილს არ და-
ზოგავს ამ სასარგებლო საქმისათვის.

ი. ჭაიანი კმაყოფილებით იგონებს ახმედ ხალვაშს, რომელმაც პირადი ინიციატივით გახსნა სკოლა: იგი წერს: „ჩვენ ერთხელ გვქონია სკოლა. ეს სკოლა ახმედ ეფენდის გახსნა თავისი ხარჯით და ჭეროვანი ნაოფიც მოქონდა სკოლას, მაგრამ გარდაცვალ-
პატივცემული ახმედ ეფენდი და სკოლამაც შესწყვიტა თავისი არსებობა“. სხვათა შო-
რის, ი. ჭაიანის ეს ცნობა ჭეჭერობით ერთადერთია, რომელშიც ნათლად გამოსჭვივის სწავლა-განათლებისადმი ახმედ ხალვაშის დიდი ზრუნვა.

ი. ჭაიანის განმანათლებელ საქმიანობას, სხვათა შორის, ენება ზ. ჭიქინაძე. 1894 წლის 7 ივნისს თავის მოხსენებაში წერა-კითხვის გამავრცელებელი საზოგადოების გამ-
გეობისადმი — აქარაში სკოლების გახსნისა და ქართული წიგნების გავრცელების შესა-
ხებ—იგი შემდეგს წერს: „ზეგნის დაბა ხულოდან ითხოვს რამდენიმე ცალ „დედაენას“
იქაური სამმართველოს მოხელე ემილ რობაქიძე, რომელიც ქართველ ძაძაღიანთ შვი-
ლებს ქართულ ანბანს ასწავლის. ასევე ქართულ ანბანს ასწავლის ბორჩხაში ივანე ჭაიანი,
ხუთიოდე საბავშვო წიგნიც იმისთვის იქნება საქირო.

ხსენებული პირები თავის დროს საზოგადოებას წერილსაც მოსწერენ და მადლობას
გადაუხდებიან.

ზ. ჭიქინაძე“ (სახისტორიო მოამბე № თბილისი, 1978, გვ. 88. 89).

* * *

საოცრად ღრმა დაკვირვებას იჩენს ი. ჭაიანი საშიში დაავადებების მიმართ, ზოგი
მთავანის გავრცელებას იგი სამართლიანად უკავშირებს ამინდის ცვლილებას, დიდ სიცი-
ხეებს, სიცივეს, კვებისა და ყოფა-ცხოვრების პირობებს და ა. შ. მისი განსაკუთრებულ-
ლი შეშფოთება გამოუწვევია ქოლერას, რომლის შემოტანას ამ მხარეში ყუბანელი ჭა-
რისკაცების მოსვლას უკავშირებს. დაავადება განსაკუთრებით მამაკაცებში გავრცელე-
ბულა: „თქვენს მტერს იმისთანა ბელა მკითხველო, როგორიც ამათში დაატრიალა ხო-
ლერამა, დღეში რამდენისამე კაცის სიკვდილის მოწმე ვიყავით სოფლებში თუ ბათუმ-
ართვინის გზაზედ, ვინც კი იმათის ბარგის ამოტანა მენაგენი იყენენ ბათომიდგან
ართვინს, სოფ. კატაფხის მცხოვრებნი, მათ შორის ხუთი კაცი, სამი დღის განმავლობაში
გამოასალმა სენმა ამ ღუნისა“.

მოსახლეობა დაავადების გავრცელებას ართვინის ყურძენსა და მჭადს მიაწერდა.
ი. ჭაიანი ამ მცდარი აზრის წინააღმდეგაც გამოდის: „შარშანდღამდის არ ჰხოცავდა აქა-
ურებს ართვინის ნაქები ყურძენი და მჭადი და რაღა მაშინ დაწოცა, ან არა და ცხელის
წყლით მოწელილ და გახურებულ კეცზე გამომცხვარ მჭადსაც გადაურჩა ბაცილები?“ —
სამართლიანად შენიშნავდა იგი.

თამბაქოს ამ ერთადერთი ყველაზე შემოსავლიანი დარგის საწინააღმდეგოდ ართვი-
ნში ჭარის ასეულის უფროსს გაუფრცველებია ხმა, თითქოს მისი სუნის გამო ჭარისკაცებს
სურდო ექნებათო და აუკრძალავს სამხედრო ნაწილების ახლომანკლო თამბაქოს დარგ-
ვა. ამ საკითხზე მოსახლეობამ თხოვნით მიმართა იქ ჩამოსულ კორპუსის მეთაურს.
ი. ამილახვარს, მას ექიმიც ახლდა, რომელსაც დაუდასტურებია, რომ მართალია, თამ-
ბაქოს მოწვევა მავნეა, მაგრამ მისი სუნი რომ სურდოს იწვევდეს, ეს არცერთ წიგნში
არ წამიკითხიაო. ამის შემდეგ უფროსს მიუცია თამბაქოს დარგვის ნება.

ქოლერის ეპიდემია ჭერ არც კი იყო ჩამქრალი, რომ ჭოროხის ხეობაში ინფლუ-
ენცია გაჩენილა, რომელიც უმეტესად მოხუცებულებსა და ბავშვებს დაერია. ამ დრო-

ისათვის მთელს ხეობაში არ ყოფილა არცერთი ექიმი და ფერშალი, მოსახლეობამ არც კი იცოდა, თუ არსებობდნენ ასეთი მშველენი, ამიტომ, ჩვეულებრივად ხოჯა-მოლებს იწვევდნენ, რომლებიც ძირითადად ოსმალითიდან იყვნენ გადმოსული. ცხადაა, მათი ლოცვა-კურთხევით ავადმყოფი ვერ მოიკეთებდა, მაგრამ „მკურნალი“ საფასურს მაინც აიღებდა. თუ ბუნება უშველის და მორჩა, „მოლა კარგ ფასს იღებს და ხმაც იმისთანა ექნება სოფელში, რომ თუ ვინმეს თავი ასტივდა, მოლას ხელის გულწედ დაისმენ და ისე სასობით დაჰყავთ ერთის ავადმყოფიდან მეორესთან, სოფლიდან სოფელში... წარმოიდგინეთ მერე თეთრჩაღმიანი და პატარა წვერა თუ ვინმე გადმოვიდა აქეთ ოს-მალოდგან, ჩვენთვის ყველა ხოჯა და ეფენდი სდება... ავი და კარგი იმათ ხელშია და როგორც იმათი სურვილი და ნებაა, ისე წადმა-უკუღმა ატრიალებენ ფუხრის ზედ-იღბალს“.

ი ჭაიანი შემდგომშიც კვლავ და კვლავ მიუთითებდა მოსახლეობის უნდობლობას ექიმებისა და ფერშლების მიმართ. ამას თავისი საფუძველიც ჰქონდა. 1899 წლის ზამთარში ყვავილის ასაცირვლად ფერშლები ამოსულან. თითო ზავშვის აცრაზე თითო აბაზს ახდევინებდნენ, მაგრამ ეს ვაი-მკურნალები ისე გაიტაცა ფულმა, რომ როცა ყვავილის მასალა შემოაკლდათ, ბავშვებს ტყუილად ფხაჭნიდნენ და აბაზს მაინც იჯიბავდნენ. ასეთ პირობებში არცაა გასაკვირი, რომ ჭოროხის ხეობის მოსახლეობას მასიურად მოედო ყვავილი და ყელჭირვება: „ღვესკელის ხეობაში სამი სამამასახლისოა და ოჯახს ვერ იპოვით იმისთანას, სადაც 1-3 ბაღანა არ დაჰკლებოდეს ყვავილით თუ კისერით-ო“, გულის-ტიკვილით დასძენდა ი. ჭაიანი და მოითხოვდა მუხთარისაგან, რომ ასეთი დაავადების გამოჩენისთანავე დაუყოვნებლივ ეცნობებინათ ადგილობრივი ხელისუფლებისათვის საექიმო დახმარებაზე.

ქალთა საკითხი


ი. ჭაიანის თვალს არ გამოპარვია ისიც, რომ ხვნა-თესვა და ჭირნახულის მოყვანა ქალების საქმედ ითვლებოდა. ქალის როლი ჭოროხის ხეობაში ძალზე დიდი იყო.

ამასთან ერთად ი. ჭაიანი აღნიშნავს ქალის უფლებობას. მისდამი ბატონკაცურ დამოკიდებულებას. ამას ხელს უწყობდა მამაკაცთა გარე სამუშაოები და საშოვარზე შორს წასვლა. თუმცა ავტორი ამ მოვლენას სამართლიანად მიაწერს ზოგი მამაკაცის სიზარმაცეს, ყვანახებსა და აზარტულ თამაშებში დროის კარგვას.

ქალი ოჯახში ყველაფერი იყო: ყანა-ბოსტნის მომვლელიც, პირუტყვის შემენახველიც, ქმარ-შვილის დამპურებელიც, შვილების მშობელიც და აღმზრდელიც. თუ სახლში არავინ ჰყავდა, აკვანიც ყანაში მიქონდა. ი. ჭაიანი ასეთ საინტერესო შემთხვევას აგვიწერს: „ბევრგან შეხვდებით, რომ აკვანი ხეზეც აქვს ჩამოკიდებული, არაფერმა უკბინოს ბაღანასაო და თვითონ კი იქვე ახლოს მუშაობს, რომ თუ ვინცობაა ბავშვი ატირდეს, თავის დროზე მიაწოდოს ძუძუ“.

ავტორი უურადღებას ამხვილებდა პოლიგამიაზეც და თვლიდა, რომ ჭოროხის ხეობაში ორცილიანობა იშვიათია და იმ შემთხვევაშია შესაძლო, თუ ქალი ძალზე მოხუცი, საწყარი ან უშვილოაო. ი. ჭაიანი ამ მდგომარეობას ქალთა ხშირ დაავადებასაც მიაწერს. ავადმყოფი დედაცაი თვითონვე თხოვდა ქმარს, რომ მეორე ცოლი მოეყვანა, რათა სახლ-კარი და მინდორ-ბოსტანი, სტუმარი და მოსულ-წასული უყურადღებოდ არ დარჩენილიყო. თუმცა, როგორც იგი შენიშნავს, „ძალიან იშვიათია, რომ მეორე ცოლმა სახლს მშვიდობიანობა და ბედნიერება მოუტანოს — პირიქით, სახლ-კარსაც აურდაუ-რევს და ოჯახშიც სიძულვილს ჩამოაგდებსო“.

ყოველივე ზემოთქმულთან ერთად, მამაკაცი იყო ქალის დამცველი, ნამდვილი რაი-



ნდი, ადამ-წესების შემნახველი. ი. ჯაიანი აღწერს ერთ ასეთ შემთხვევას, როცა მარადიდის უფროსის შენობის წინ სოფელ ხეხას მცხოვრებმა დასქრა თავისივე მეზობელი იმის გამო, რომ ამ უკანასკნელმა გასათხოვარ ქალს მანდილი მოხადა. ეს კი იმას ნიშნავდა, რომ ამ ქალს სხვა ცოლად აღარ შეირთავდა.

ერთ წერილში ი. ჯაიანი აღნიშნავს, რომ ბორჩხელებს ქორწილი იაფი უჭედებათო და ამით ხსნის, რომ ოჯახებში ზოგიერთებს ოქროებიც კი გააჩნიათო, რადგან ხარკები ცოტა მოსდითო“. როგორც მისი მომდევნო წერილით ვგებულობთ, ცოლის შერთვა არცთუ ისე იაფი ჯდება. ივანე ჯაიანს დეტალურად აქვს აღწერილი ხარკები, რაც ქალიშვილის გამგზავრებასთან და რძლის მოყვანასთან არის დაკავშირებული. უფრო მძიმე მდგომარეობაში ვარდებოდა რძლის მომყვანი, რადგანაც სასიძოს მხრივ ხარკები 15-20 ცხრამანეთიან ლირას აღწევდა. სწორედ ამ ხარკებს ერიდებოდნენ ბიჭები და ხშირად საცოლეს იტაცებდნენ, რასაც ბევრჯერ ახლდა მკვლელობა და სისხლისღვრა. ზოგჯერ ერთი ქალის მოტაცებას 2-3 და მეტი კაცის სიცოცხლე შეუწირავს.

როგორც ვხედავთ, ქალის მოტაცებას ი. ჯაიანი ძირითადად ხარკების თავიდან აცილებას მიაწერს, რაც, რა თქმა უნდა, სწორი არ არის. ქალის მოტაცება მრავალი სხვა საბაბითაც იყო გამოწვეული.

1894 წლის სექტემბერში ი. ჯაიანი მ. და პ. მახარაძეებს დაუპატიუბიათ სოფელ ბახვიში რელიგიურ დღესასწაულებზე. სტუმარი დეტალურად აღწერს ამ დღეს, გარდა ამისა, ეხება ქალთა შრომას და აღარებს გურუული და აჭარელი ქალების შრომის და დასვენების პირობებს. ავტორის თქმით, განსხვავება ორ მხარეს შორის ის არის, რომ გურიაში მამაკაცებს უფრო მეტი შრომა უწევთ, განსაკუთრებით ზაფხულობით, როცა „შეკვეთილისა და ქობულეთის ზღვის პირები გავსებულია ზღვაში მობანავე ქალებით, რომელთაც ორი და ზოგს სამი ქორფა ბაღნებიც კი დაუტოვებიათ ქმრებისათვის და ვითომ ავადმყოფები დროებას ატარებენ ზღვის ნაპირსაო“.

ი. ჯაიანი ეხება ბახმაროში სააგარაკოდ ამოსულებს, აგრეთვე იალაღებზე მომუშავე ქალებს, რომლებიც თვეობით რჩებოდნენ, პირუტყვისაც უვლიდნენ, რძის პროდუქტებისაც ამზადებდნენ და ოჯახისათვის დოვლათს ქმნიდნენ და სურვილს გამოთქვამდა, რათა სხვა „ქართველ ქალებსაც მიეზამოთ აჭარელი ქალებისათვის და ამით ოდნავ მაინც დახმარებოდნენ თავიანთ ქმრებს, რომელთაც ათასნაირს გარდასახადისა და გაჭირვებისაგან თავი მაღლა ვეღარ აუწევიათ. საქიროა მხოლოდ, რომ ამ საქმეს ერთმა მოჭიკლოს ხელი და მერე სხვებიც იმას მიჰბაძავდნენ, ისევე, როგორც ბანაობა მიჰბაძეს“.

მატერიალური კულტურის ძეგლები

ი. ჯაიანი განსაკუთრებულ ყურადღებას იჩენს სამხრეთ საქართველოს მატერიალური კულტურის ძეგლებისადმი. ის შეძლებისდაგვარად აღწერს ჯერ კიდევ შემორჩენილ ეკლესია-მონასტრებს და ციხე-სიმაგრეებს, როგორც ერის წარსულის მრავლისმეტყველ კერებს.

როგორც ცნობილია, აჭარა-შავშეთის მატერიალური ძეგლებისადმი დიდ ინტერესს იჩენდა რუსეთის საარქეოლოგო საზოგადოებაც. ჯერ კიდევ ოსმალთა ბატონობის დროს აქ ჩამოვიდა ისტორიკოსი დ. ბაქრაძე, ერთი წლის შემდეგ ცნობილი ქართველი სამხედრო და საზოგადო მოღვაწე გ. ყაზბეგი და სხვები. მათ თავიანთი მოგზაურობის ანგარიშები წარუდგინეს საიმპერატორო აკადემიას და წიგნებიც გაწაიკვეყნეს, რომლებიც დღესაც ითვლება უნიკალურ გამოცემად.

1888 წელს ე. წ. სამუსლიმანო საქართველოს ამ მხარეების დასათვლიერებლად ჩამოსულა გრაფინია პ. ს. უვაროვა. აღრე გამოქვეყნებულ შრომებში ცნობილი იყო,

რომ გრაფინიას თან ახლდნენ ქალები, მათი ურთიერთობა არ იყო ვარკვეული, ი. ჭაიანის წერილით კი ირკვევა, რომ უვაროვას ახლდნენ შვილები, და და დისწული, მართალია, მათი სახელები არ ვიცით, მაგრამ ფაქტია, რომ მისი არქეოლოგიური მოგზაურობა ერთგვარ საოჯახო ექსკურსიასაც წარმოადგენდა. ი. ჭაიანს ზუსტად აქვს დასახელებული პუნქტები, სადაც იყო გრაფინია და რა მნიშვნელოვანი ძეგლები მოინახულა მან: „მას წინაღ აქ მობრძანდა მოსკოვიდან თავმჯდომარე მოსკოვის საიმპერატორო და საარხეოლოგო კომისიისა გრაფის ქვრივი უვაროვისა თავისი შვილებითურთ, დითა და დისწულით და დაიარა მთელი აჭარის ძველი მონასტრები. უვაროვისა და იმასთან მყოფნი ავიდნენ ერთს ნასაყდრალზე, რომელიც არის აგარის საზოგადოებაში და სახელად უძახიან საციხურს, აქ უვაროვისამ მოათხრევინა ის ნასაყდრალი და იპოვა მარმარილოს ქვაზე რამდენისამე წმინდანის სურათი. ამას გარდა კიდევ გამოჩნდა ბევრი რკინები და ხატის ნატეხებიც. შესანიშნავი თლილი ქვები ნატეხებით, მაგრამ ამ ქვებს თითოს ხუთს ფუთიდან ათ-თორმეტ ფუთამდის გამოდიოდა, ასე რომ ასოც ფუთამდის იყო ყველა ქვები წონით. ყველა ეს ქვები, ხატები და ნაპოვნი ნივთები ბათუმში ჩაიტანეს“.

გრაფინია უვაროვას ამ მოგზაურობას სხვა ავტორებიც ეხებიან, მაგრამ ისინი ეყრდნობიან სხვების გადმოცემებს, ი. ჭაიანი კი ეტყობა, ამ ამბების თვითმხილველია, ამიტომ მისი ცნობა სარწმუნოა და მას უადრესად დიდი მნიშვნელობა აქვს. როგორც ვხედავთ, უვაროვამ ბევრი საინტერესო ნივთი და ძეგლის ნარჩენები ვაპოვა აჭარაში. სამწუხაროდ, დღემდე არავინ იცის ამ განძის ადგილსამყოფელი და არც არავინ დაინტერესებულა მათი მონახულებით. მათი გამოვლინება და აღწერა მეტად საშუაო საქმეა, რადგანაც შესაძლოა გაირკვეს ბევრი საინტერესო საკითხი სამხრეთ საქართველოს უძველესი ისტორიიდან.

ი. ჭაიანს არცთუ ისე უსაფუძვლოდ მიაჩნია, რომ ძველ სამცხე-საათაბაგოში არსად არ არის ქრისტიანობის იმდენი ნაშთი, რამდენიც სოფელ ბორჩხას ახლო-მახლო. ამ დროისათვის ამ ლამაზ სოფელში ყოფილა ორი ციხე და სამი ნასაყდრალი. აგრეთვე მრავალი ჭურბი, სადაც ორი კაცი თავისუფლად მოთავსდებოდა, დარჩენილა ბევრი ვაზის ძირი და სხვ.

მატერიალური კულტურის ძეგლთა გადარჩენას ი. ჭაიანი ძირითადად მოსახლეობას მიაწერს, რომელსაც მისი ხელყოფა დიდ ცოდვად მიაჩნდა. იგი წერს: „ამ მხარეში თუ სადმე ხელუხლებლად დარჩენილან საყდრები, ეს იმას ნიშნავს, რომ მაჰმადიანთ საყდრების დანგრევა ცოდვად მიაჩნდათ, ხალხში კიდევ დარჩენილიყო შიში ეკლესიისა“, ბევრი ძეგლი განადგურებულა ოსმალთა დამკვიდრების პირველ წლებში, განსაკუთრებით ისეთები, რომლებიც თლილ ქვებით იყო ნაშენი, რადგანაც მას იყენებდნენ ჭამემედრესეების ასაშენებლად, თურქი მოხელეები ამ მასალით სახლებსაც იშენებდნენ.

განსაკუთრებით კარგად შემონახულა ეკლესია სოფელ პეტრულში, რომელიც ბორჩხიდან ორი საათის სავალზეა. აქ ხელუხლებლად დარჩენილა წმინდანთა ნახატებიც. დაუპირებიათ ამ ეკლესიის დანგრევა, მაგრამ, იგი ქალებს გადაურჩენიათ. ბოლო წლებში ამ მხარეში მატერიალური კულტურის ძეგლების დაცვას დიდ ყურადღებას უთმობდა ახმედ ხალვაში. პეტრულის ეკლესიაზე მან მთლიანად ღობე შემოავლებინა, ყარაულიც მიუჩინა, რომელსაც ჭამაგირსაც უხდიდა ამ ეკლესიის დაცვისათვის.

მნახველს აკვირვებდა ტბეთის სახელგანთქმული ტაძარი. იქაურ ასი წლის მოწუცს სულემიან ომეროღლის ი. ჭაიანისათვის უამბნია, როგორ აპირებდნენ ამ ტაძარზე მინარეთის მიშენებას, როგორ ჩამოცვენოდა 7 კაცი კედლებიდან და დამსხვრეულა. ამის შემდეგ ხელი აუღიათ ამ განწრაზვანზე, თუმც მინარეთის მიშენების კვალი მაინც დარჩენილა.

ხალხის საქმისათვის მუშაობა

ცნობილი რევოლუციონერი, პარტიის ბათუმის კომიტეტის ერთ-ერთი მდივანი ხელმძღვანელი, შემდგომ საქართველოს კომპარტიის ცენტრალური კომიტეტის პარტიის ისტორიის განყოფილების გამგე უნგიზ უდენტი 1932 წლის 3 იანვარს წერდა: „ამხ. ქემალ ნოღაიდელი აქტიურად მონაწილეობდა 1905 წლის რევოლუციურ მოძრაობაში, კერძოდ, ქობულეთში, ბათუმში, ოზურგეთსა და ფოთში. მუშაობდა არალეგალურ წრეებში, ირიცხებოდა წითელ რაზმში.“

შემდეგ კავშირი ჰქონდა გურიის რევოლუციურ ორგანიზაციებთან თვითმპყრობელობის დამხობამდე, ანუ 1917 წლამდე“.

ცნობილი ფარმაცევტის ა. თიროშვილის ცნობით, 1905 წელს ბათუმელ გიმნაზიელთა გამოსვლებს უფროსები ხელმძღვანელობდნენ, უშუალოდ ნესტორ კალანდარიშვილი. მისი მარჯვენა ხელი კი ჯ. ნოღაიდელი გახლდათ. აჭარის ცენტრალურ არქივში დაცულ ერთ დოკუმენტში ნათქვამია: „ნოღაიდელი 1905 წელს იარაღით ხელში აქტიურ მონაწილეობას იღებდა ბათუმელთა საბარაკადო ბრძოლებში“.

1905 წელს აჭარელ გლეხთა დასასაქმებლად ბათუმში შეიქმნა „აჭარელ მუშათა არტელი“. მასში მიიღეს სხვა ეროვნების წარმომადგენლებიც და შეიკადნენ კარგი გასამრჩველს საფასურად, ისინი გამოეყენებინათ გაფიცული მუშების მაგიერ, არტელის წევრებმა ეს შეუპოვებულად მიიღეს, არ ისურვეს შტრეიკბრეხებობა. არტელში იყვნენ მემედ გოგიბერიძე, ქემალ ნოღაიდელი, სკენდერ ბეჟანიძე, სულეიმან მანელიშვილი, შაქრო ცეცხლაძე, სერათ ბაკურიძე, აზიზ კაიკაციშვილი, სულეიმან მეგრელიძე, ასლან ბერიძე, ჯემალ სედიშვილი. ოსმან გურგენიძე, იუსუფ გუდაბა, მუსტაფა აბდიბა და სხვები.

მალე გამოაშკარავდა, რომ არტელის ხელმძღვანელობა თითოეულ მათგანს დღეში 80 კაპიკს პარავდა, რაც უნარიანად გამოიყენეს მისი მხილებისათვის. მართალია, დიდ ნაწილს სამუშაო შეუპოვებეს, სხვები დაითხოვეს, მაგრამ ისინი მაინც კმაყოფილი იყვნენ, იმიტომ, რომ სოლიდარობა გამოუტყდადეს მუშებს, არ უღალატეს მათ.

ქემალ ნოღაიდელი ახლანდელი ქობულეთის რაიონის სოფელ წყავროკაში დაიბადა. ეს იყო ასი წლის წინათ. პირველი ნათლობა რევოლუციურ ბრძოლაში 1904 წელს მიიღო. მაშინ სულეიმან მანელიშვილმა, მამულ მჭავანაძემ, იუსუფ ქათამაძემ, სულეიმან ქარცივაძემ, ოსმან ესელიძემ, სულეიმან დავითაიამ, მემედ გოგიბერიძემ, ისმაილ დავითაძემ და სხვებმა რევოლუციური წრეები შექმნეს წყავროკა-გვარაში, ქაქუთში, ხუცუბანში, ბობოყვათში, დაგვასა და ციხისძირში. ისინი მონაწილეობდნენ აგრეთვე ქობულეთელთა გამოსვლებში 1905-1906 წლებში. მაგალითად, 1905 წლის 30 აგვისტოს შეკრებაში ათასამდე გლეხი და 500-მდე ბათუმელი მუშა-რევოლუციონერი მონაწილეობდა. სიტყვით გამოვიდა ქ. ნოღაიდელიც, მან მოუწოდა ხალხს არ აერჩია მათთვის მიუღებელი ხელისუფლების რწმუნებულები, არ გადაეხადათ გადასახადები, დაეცათ ერთმანეთი მოხელეთა და პოლიციელთა ხელყოფისაგან. ოქტომბერში დემონსტრაციაზე ქობულეთლებმა წითელი დროშები და მარქსის სურათი გამოიტანეს, რევოლუციური სიმღერებიც დააგუგუნეს. შემდეგ განაიარაღეს ჯარისკაცთა რაზმი, პოლიციელები და მოხელეები.

შეიარაღებულ რაზმებს სათავეში ედგნენ რეჟიმ თხილაიშვილი, ხუსეინ გოგიბიძე, ხუსეინ ხარაზი, იუსუფ ქათამაძე, სულეიმან მანელიშვილი და სხვები. ქ. ნოღაიდელი ამჯერადაც გვერდით ედგა მათ. ამხნევებდა თანასოფლელებს.

რუსეთის პირველი რევოლუციის დამარცხებას რეაქციის პარპაში მოჰყვა. ქ. ნოღაიდელი ბათუმიდან გააძევეს. ერთხანს ფოთის ნავსადგურში იმუშავა მტვირთავად, მა-

გრამ იძულებული გახდა მშობლიურ სოფელში დაბრუნებულიყო.

მუშებთან და რევოლუციონერ ბოლშევიკებთან ურთიერთობაში მიღებული გამოცდილება მან უნარიანად გამოიყენა. ქემალის აგიტაციის შემდეგ გლეხები ერთსულნი გახდნენ. მაღე პირველი იმპერიალისტური ომი დაიწყო და მდგომარეობა გაუარესდა. აჭარას ისევ ოსმალები შეუმორისებენ, მათ მენშევიკები და ინგლისელები მოჰყვნენ. ყველა თავის სასარგებლოდ ეწეოდა აგიტაციას, ქ. ნოღაიდელი გლეხობას განუმატრავდა, რომ მხოლოდ საბჭოთა ხელისუფლებას, საბჭოთა რუსეთს შეუძლია გააუმჯობესოს მშრომელთა მდგომარეობა, შეუქმნას მათ ცხოვრების ხელსაყრელი პირობები. ამიტომ იყო, რომ პატრიოტებს ოსმალებმა დევნა დაუწყეს. ქ. ნოღაიდელი, იუსუფ ქათამაძე და ხასან თხილაიშვილი აჭარის მოწინავე მოღვაწეებთან ერთად იძულებული იყვნენ 1918 წლის მაისის დამდეგს თბილისში გახიზნულიყვნენ. აქ მათ შექმნეს პატრიოტული ორგანიზაცია—„სამუსლიმანო საქართველოს განმათავისუფლებელი კომიტეტი“ და დააარსეს გაზეთი „სამუსლიმანო საქართველო“, რომლის 1918 წლის 12 მარტის ნომერში გამოქვეყნდა მოწოდება „ძმებო, მუსლიმანო ქართველებო!“ მას ზია აბაშიძესთან, ყადირ შერვაშიძესთან, სულეიმან დიასაშიძესთან და სხვებთან ერთად ქემალ ნოღაიდელიც აწერდა ხელს.

წერილი აჭარლებს მოუწოდებდა გადაეგდო მტარვალ ოსმალთა უღელი, თავად მიეხედათ თავიანთი საქმეებისა და მშობელი მხარისათვის, სამუდამოდ შეერთებოდნენ საქართველოს, „მთელი ქართველობა ჩვენ გვაძღვეს ფართო ავტონომიას, ამდენად მათთან ერთად უნდა მივალწიოთ მშვიდობიან და მყუდრო ცხოვრებას“.

ხალხმრავალი მიტინგი გაიმართა ქობულეთში 1919 წლის ივლისში. ამჯერადაც ითქვა: „ძმური ხელი ქართველ ერს, ცეცხლი კი მტერს“, ჩვენ საქართველოსთან ვიყავით და ვიქნებით. არც ინგლისელებთან გვაქვს რაიმე საერთო, ისინიც უნდა გაგვეცალონო. აი, ასე მიჰყვებოდნენ აჭარის მშრომელები პროგრესულ ადამიანებს, რომლებსაც მეტად მიიმე დროში უხდებოდათ საქმიანობა. იმძლავრა ძარცვა-ყაჩაღობამ, სიღატაკემ. 1920 წლის შემოდგომაზე მენშევიკებმა სოფელ კოხს შეიარაღებულთა რაზმი შეუსიეს და საშინლად ააწიოეს.

ქობულეთელები ბათუმელ ბოლშევიკებს დაეხმარნენ ქობულეთის რკინიგზის ხიდისა და ნავთსადენის აფეთქებაში, რათა საწვავი ყირიმში მოკალათებული დენიკინელებისათვის არ გაეტანათ. ქ. ნოღაიდელი ამ ოპერაციაშიც მონაწილეობდა.

1921 წლის 18 მარტს საბჭოთა რუსეთის, პირადად დიდი ლენინის დახმარებით აჭარაში საბჭოთა ხელისუფლება დამყარდა. ქ. ნოღაიდელი მშობლიურ სოფელ წყავროკას ფუნხარა გლეხთა კომიტეტის თავმჯდომარედ აირჩიეს. მაღე იგი ხასან თხილაიშვილთან და იუსუფ ქათამაძესთან ერთად აჭარის წითელი მეჯლისის წევრი გახდა. შეიყვანეს აგრეთვე მუშგლეხინის (მუშურ-გლეხური ინსპექცია) კოლეგიაში. ხოლო 1922 წელს აირჩიეს აჭარის ცენტრალური აღმასრულებელი კომიტეტის, აგრეთვე, მუშათა, გლეხთა და წითელარმიელთა საბჭოში.

აქტიური მონაწილეობა მიიღო ქემალმა ადგილებზე, განსაკუთრებით ქობულეთის რაიონში ხელისუფლების ორგანოების, კულტურულ-მასობრივი დაწესებულებებისა და სკოლების შექმნასა და გახსნაში, წარსულის მაცნე გადმონაშთებთან ბრძოლაში, კოლექტივიზაციის განხორციელებაში.

მოგვიანებით ქ. ნოღაიდელი ბათუმის სხვადასხვა სამეურნეო ორგანიზაციებს, მათ შორის მტვირთავთა და ინვალიდთა არტელს ედგა სათავეში, იყო რესპუბლიკური მნიშვნელობის პერსონალური პენსიონერი, გამოირჩეოდა უბრალოებით, კეთილი ბუნებითა და ხალხის საქმისათვის თავდადებათ.

იოსებ ბეჰიძის მიხედვით.

დრო უღობილად მიჰქრის. სამოცი წელი კაცობრიობის ისტორიაში თვალის ერთი დაფახულებაა, ადამიანის ცხოვრებაში კი საქმოდ სოლიდური დროა. უფლება გაქვს მოიხედო უკან, შეაფასო, როგორ იცხოვრე, რა გააკეთე შენი ხალხისთვის, ქვეყნისათვის. ეს წინათქმა იმიტომ დაგვიკირდა, რომ ჩვენს მეგობარს, ბათუმის მე-7 საშუალო სკოლის დირექტორს ზია გოგიტიძეს სამოცი წელი შეუძრუვდა. ყველაზე დირსშესანიშნავი რა არის ამ სამოცი წლის მანძილზე? ის, რომ ზ. გოგიტიძემ 35 წელი თავის საყვარელ საქმეს — მომავალი თაობის აღზრდას, სკოლას მოახმარა. ასეთმა ხანგრძლივმა ცხოვრებამ და მოღვაწეობამ მოსწავლეთა და მასწავლებელთა შორის ჩამოუყალიბა მას მაღალი პასუხისმგებლობა და მომთხოვნელობა საკუთარი თავის და სხვების მიმართ. ბავშვი, მასწავლებელი, სკოლა, სასწავლო-სააღმზრდელო პროცესი — უმთავრესია მისთვის. იგი ხელმძღვანელია, ხელმძღვანელობა კი დიდი მეცნიერებაა. ხელმძღვანელებად ერთბაშად არ ხდებიან, არამედ თანდათან, ნაბიჯ-ნაბიჯ, არაერთი სიმწელის და წინააღმდეგობის დაძლევით. ზ. გოგიტიძე მთელ თავის ძალას და ცოდნას დაუზოგავად, უშუალოდ ახმარს ერთხელ და სამუდამოდ არჩეულ საყვარელ საქმეს. დაძაბული შრომის გარეშე არცერთი დღე არ უცხოვრია. სწორედ ამიტომ მოიხვეჭა მან აღსაზრდელობა და აღმზრდელობა საყვარელი — ყველაზე დიდი ჯილდო.

დიდი სამამულო ომის მრისხანე წლებში ჩამოვიდა იგი ქობულეთიდან ბათუმში და სწავლა დაიწყო პედსასწავლებელში, რომ გამმდარაიყო მოძავალი თაობის აღმზრდელი. სასწავლებელში მას დახედნენ მზრუნველი, მკრძნობიარე, მაღალ სულის პედაგოგები დირექტორის ს. ჩხიკვიშვილის მეთაურობით. საფუძვლიან ცოდნას და პედაგოგიურ გამოცდილებას გადასცემდნენ აღსაზრდელებს შესანიშნავი მასწავლებლები დ. უჩანეიშვილი, გ. ლორთქიფანიძე, კ. ფოცხიშვილი, ვ. სამსონია და სხვები. მათ ჩაუნერგეს თავიანთ აღსაზრდელებს ბავშვების, მომავალი პროფესიის სიყვარული. გზა გაუკაფეს ცხოვრებაში. სასწავლებლის დამთავრების შემდეგ ზ. გოგიტიძემ, ისევე როგორც ბევრმა მისმა ახმანავმა, სწავლა განაგრძო ბათუმის შოთა რუსთაველის სახელობის პედაგოგიურ ინსტიტუტში. სწავლობდა მთელი გატაცებით, აქტიურად მონაწილეობდა საზოგადოებრივ საქმიანობაში, აქვე მიიღეს სკკპ რიგებში.

შრომითი საქმიანობა დაიწყო რუსეთში — მუშაობდა პედაგოგად ვლადიმირის თლქში. იმთავითვე გამოარჩიეს პრინციპული, შეუპოვარი ახალგაზრდა პედაგოგი და მომდევნო წელს დანიშნეს ქალაქ გუსხრუსტალის ერთ-ერთი მოზრდილი საშუალო სკოლის დირექტორად. ეს იყო 1953 წელს. აქედან მოკიდებული, ზ. გოგიტიძეს სკოლის დირექტორის პოსტი არ დაუტოვებია. 1961 წლიდან დღემდე ბათუმის მე-7 რუსული საშუალო სკოლის დირექტორია. წლების განმავლობაში გამოუმუშავდა მტკიცე, მებრძოლი ხასიათი, რომელიც დღემდე შეინარჩუნა.

ბევრი გაუკეთებია დირექტორობის პერიოდში: ხელმძღვანელობდა საცდელ სამუშაოებს სკოლის სასწავლო-სამეთურნეო ნაკვეთებზე, სათბურების, სპორტული მოედნების მშენებლობაზე, აქტიურად ახამდა მოსწავლეებს სკოლის სამშენებლო და სარემონტო სამუშაოებში, ყველაფერს ვერ ჩამოთვლი. მრავალი ბავშვის მიმართ გამოუჩინა მამობრივი ზრუნვა და ყურადღება. ჩვენი თვალუწვდენელი სამშობლოს რომელ კუთხეში არ ცხოვრობენ, შრომობენ და სწავლობენ მისი სკოლის კურსდამთავრებულები. ისინი არ ივიწყებენ ამაგდარ აღმზრდელს, ზშირად შეეხმიანებიან მას წერილობით, მოსალო-

ცი ბარათებით, ხოლო თუ მშობლიურ ქალაქში ჩამოვლენ, არ შეიძლება არ მოინახუ-
ლონ საყვარელი მასწავლებელი.


ზიამ და მისმა მეუღლემ, ამაგდარმა პედაგოგმა ნინა კონსტანტინეს ასულმა ოთხი
სასახელო შვილი აღუზარდეს სამშობლოს, ოთხივეს უმადლესი განათლება მისცეს, მაგ-
რამ არასდროს არ დაუყენებია პირადი ინტერესები საზოგადოებრივზე მაღლა. ვინ
მოთვლოს, რამდენი ახალგაზრდა პედაგოგი გამოზარდა და სწორ გზაზე დააყენა ზია
გოგიტიძემ.

ყოველ დღეს მოაქვს მისთვის ახალი საზრუნავი და საფიქრალი. ახლა, როცა ჩვე-
ნი ცხოვრების ყველა სფეროში ხდება თვალსაჩინო გარდაქმნები, ბუხებრივია, სკოლაც
ვერ ზუვლის მას გვერდს. ბათუმის მე-7 სკოლის პედკოლექტივიც ზ. გოგიტიძის ხელ-
მძღვანელობით მთელი მონდომებით იბრძვის სასწავლო-სააღმზრდელი პროცესის სრუ-
ლყოფისათვის, სანიმუშო დისციპლინისათვის, მომავალი თაობის კომუხისტური აღზრ-
დისათვის.

სკოლაში მუდამ სისუფთავე, სითბო და საქმიანი ატმოსფერო სუფევს. დირექტორის
გულისყურის გარეთ არ რჩება მოზარდის ცხოვრება ოჯახში, სკოლის გარეთ. მოსწავ-
ლეებს და მასწავლებლებს სჯერათ თავიანთი დირექტორისა. ზ. გოგიტიძე აქტიურად
ზრუნავს მოზარდთა ჯანმრთელობისათვის, სპორტისათვის. ქალაქის სკოლებს შორის სო-
ციალისტურ შეჯიბრებაში რამდენჯერმე ზედიზედ გამარჯვებისათვის სკოლაში სამუდა-
მოდ ინახება ქალაქის განათლების განყოფილების გარდამავალი წითელი დროშა, საქარ-
თველოს სსრ განათლების სამინისტროს 4 დიპლომი... ყველა ჯილდოს ჩამოთვლა გაგი-
ჭირდებათ.

ზ. გოგიტიძეს მინიჭებული აქვს საქართველოს სსრ და აჭარის ასსრ დამსახურებუ-
ლი მასწავლებლის საპატიო წოდებები, დაჯილდოებულია აჭარის ასსრ უმადლესი საბჭოს
პრეზიდიუმის საპატიო სიგელით, „შრომის ვეტერანის“ მედლით და საქართველოს სსრ
„სახალხო განათლების წარჩინებულის“ სამკერდე ნიშნით, სხვადასხვა სიგელებით. ყოვე-
ლივე ეს სკოლის დირექტორის ხანგრძლივი, თავდადებული შრომის ღირსეული დაფასე-
ბაა. ასეა, თუ კაცი თავის მოვალეობას კეთილსინდისიერად ასრულებს, იგი შეუმჩნევე-
ლი არ დარჩება...

ზურაბ კომახიძე.



პირველი სკოლა ხუცუბანში

პირველი მსოფლიო ომის მსვლელობაში საბრძოლო ოპერაციების დაწყებამ აჭარის მიმართულებით დიდი უზედურება მოუტანა ადგილობრივ მოსახლეობას. ასეთ რთულ ვითარებაში აჭარას დახმარების ხელი გამოუწოდა ისევ ქართველმა საზოგადოებამ, რომელმაც, სხვა მრავალ სიკეთესთან ერთად, აქ სკოლების გახსნითაც სცადა ადგილობრივი მოსახლეობის ეროვნულ-პატრიოტული სულისკვეთების ამოღება.

საერთოდ, პირველი სკოლა აჭარაში გაიხსნა 1881 წლის 23 მარტს, რომელიც ჩვენი ერის დიდი მოამაგის ილია ჭავჭავაძის ინიციატივით დააარსა ბათუმში „ქართველთა შორის წერა-კითხვის გამავრცელებელმა საზოგადოებამ“. შემდეგ ამას მოჰყვა ბათუმშივე ვაჟთა (1897 წელს) და ქალთა (1900 წელს) გიმნაზიების გახსნაც. აღნიშნულმა სასწავლებლებმა თავის დროზე, კი შეასრულეს დიდი როლი ამ კუთხის მოსახლეობის სწავლა-აღზრდის საქმეში, მაგრამ აჭარის სოფელი მაინც ქართული სკოლების მადლისა და მშობლიურ ენაზე სწავლა-აღზრდის გარეშე იყო დარჩენილი. ამ საქმის ორგანიზება იკისრა „ქართველთა საქველმოქმედო საზოგადოებამ“.

აღნიშნული საზოგადოება დაარსდა 1906 წლის დეკემბერში (თავმჯდომარე-მხეილ ვახტანგის ძე მაჩაბელი, მდივანი — ბავლე საყვარელიძე). იგი მჭიდროდ იყო დაკავშირებული „ქართველთა შორის წერა-კითხვის გამავრცელებელ საზოგადოებასთან“ და შეეძლო სკოლების გახსნა, წიგნების გამოცემა, ბიბლიოთეკა-სამკითხველოების დაარსება, ომში დაზარალებულთათვის დახმარება და სხვ. მის საქმიანობაში აქტიურად მონაწილეობდნენ ქართული კულტურის გამოჩენილი მოღვაწენი: ისტორიკოსები ივანე ჯავახიშვილი და ექვთიმე თაყაიშვილი, მწერალი გერონტი ქიქოძე, ექიმი და კრიტიკოსი ივანე გომართელი, პედაგოგი ლუარსაბ ბოცვაძე და სხვ. 1915 წლისათვის საზოგადოებას ოფიციალურად ჰყავდა 1700-ზე მეტი წევრი.

საქველმოქმედო საზოგადოებას საქართველოს თითქმის ყველა რაიონში ჰქონდა თავისი განყოფილება. ასეთივე განყოფილება 1915 წლის აპრილში ბათუმშიც გაიხსნა და დიდი მუშაობა გასწია ომით დარბეული აჭარის მოსახლეობის მდგომარეობის შემსუბუქებისათვის. დოც. გრ. ბაბილოძის სიტყვით, „განყოფილების გამგეობა თვალყურს ადევნებდა გადაკარგულ მკვიდრთა მიტოვებულ ადგილ-მამულებს, უვლიდა დაზრუნებულ ლტოლვილებს“. საკმარისია ითქვას, რომ მან ერთი „საჯარო ვაჭრობის დროს იჯარით აიღო აჭარის 12 სოფელი“, ხოლო „მეორე... ვაჭრობის დროს 6 სოფელი“. ამით განყოფილებამ გაყიდვისაგან დაიცვა ლტოლვილებისაგან მიტოვებული სოფლები, რომ შემდეგ ისინი ისევ კანონიერი მებატრონეებისათვის დაებრუნებინა.¹

საქველმოქმედო საზოგადოებამ მოსახლეობისათვის დახმარების მიზნით გადაწყვიტა აჭარაში პირველდაწყებითი ქართული სკოლების გახსნაც. საამისო სამზადისი მან ადრევე დაიწყო. 1915 წლის 26 ნოემბერს გაიმართა საზოგადოების გამგეობის სხდომა, რომელსაც ესწრებოდნენ: ლუარსაბ ბოცვაძე, გრიგოლ ნათაძე, ზაქარია ჭიჭინაძე, გრიგოლ ყიფშიძე, ალექსანდრე მიქაბერიძე, პართენ ვოთუა და სხვ. სხდომამ განიხილა და დაადგინა აჭარის სოფლად სკოლების გახსნა, რისთვისაც გამოჰყო ერთდროულად 16 ათასი მანეთი, ხოლო ყოველთვიური ხარჯებისათვის — 8 ათასი მანეთი. სასკოლო საქმის

პრაქტიკული მოგვარება და სკოლების საერთო ხელმძღვანელობა დაეცინა. ცნობილ პედაგოგს იერემია დიმიტრის ძე გულისაშვილს.²

ი. გულისაშვილი ჩამოვიდა ბათუმს, სადაც დაუკავშირდა ჰაიდარ აბაშიძეს, გაცნობას აქარაში სკოლების გახსნის გადაწყვეტილება და თხოვა დახმარება. დიდი მოჭირბეულე და პატრიოტი განუზომელი სიხარულით შეხვდა ამ წინადადებას. „აღფრთოვანებულმა... დიდი მადლობის ნიშნად გადაგვოცნე“ ამბის მთხრობელი, — იგონებდა შემდეგ პ. აბაშიძე. ამით გულაჩუყებულ ი. გულისაშვილს თურმე „თვალეები ცრემლით აეფსა“, მადლობის ნიშნად თვალდაც გადაუკოცნია მასპინძელი და უთქვამს: „დაპარგულე ძმები გვიპოვნინხართ და ყველაფერი გავაკეთებთ იმისათვის, რომ აქარას დაეუმტკიცოთ ნამდვილი ძმობა და ჩვენი დიდი სიყვარულიო“.³

1916 წლის 2 იანვარს შედგა საქველმოქმედო საზოგადოების ბათუმის განყოფილების გამგეობის სხდომა, თავმჯდომარეობდა რეჟებ ნიჟარაძე, ესწრებოდნენ: გრ. ელიავა, ისმაილ ლორთქიფანიძე, კაპ. გოგოლაძე, არსენ წითლიძე, ირაკლი დლონტი და სხვ. სკოლების გახსნის შესახებ შეკრებილთა წინაშე მოხსენებით გამოვიდა ი. გულისაშვილი. შემდეგ გაიმართა კამათი. განსაკუთრებით აქტიურობდა რეჟებ ნიჟარაძე, რომელმაც მოითხოვა, სავსებით სწორად, სკოლების დაარსება ბათუმიდან მოშორებულ მთიან სოფლებში. მისივე აზრით, საჭირო იყო ამ სკოლებთან პანსიონების მოწყობაც და მოსწავლეების უზრუნველყოფა ტანსაცმელითა და „ქარგი მოვლა-პატრონობით“. სხდომამ ერთსულოვნად დაადგინა 9 სკოლის გახსნა; მათგან: პირველდაწყებითისა — ალამბარში, ქედაში, საღორეთში (ახლა პირველი მისი), ჩხუტუნეთში, ყორღლისთავში, ღორჯომსა და ხულოში; აგრეთვე ორი სამეურნეო ტიპისა: ქობულეთსა და ქედაში. საკითხის დაჩქარების მიზნით სხდომამ მიზანშეწონილად ჩათვალა ი. გულისაშვილთან ერთად გამოეყო ცნობილი პედაგოგი არსენ წითლიძეც.

მომდევნო სხდომა გაიმართა იმავე წლის 26 თებერვალს. ი. გულისაშვილმა და არ. წითლიძემ შეკრებილთ ვააცნეს საქმის მსვლელობა. მათი მოხსენების საფუძველზე აღინდელ გეგმაში შეიტანეს ზოგიერთი კორექტივი, კერძოდ, პირველ ეტაპზე სასარგებლოდ ცნეს 6 სკოლის დაარსება: ყორღლისთავში, ალამბარში, ხუცუბანში, ჩხუტუნეთში, ქედასა (ქვედა აგარა) და ხულოში (ზედა აგარა). ამის საფუძველზე შედგა ხარჯთაღრიცხვა და გამოიყო თანხები: სკოლებისათვის წლიურად 60 თას მანეთზე მეტი; საზოგადოებრივ ხარჯებისათვის მიეცათ: ი. გულისაშვილს — 122, არ. წითლიძეს — 100 მანეთი.

ხუცუბანში სკოლის ორგანიზება დაევალა არსენ წითლიძეს. რეჟებ ნიჟარაძის თანხლებით მან მოინახულა ხუცუბანი, შეხვდა ისმაილ კაიკაციშვილსა და სოფლის სხვა თავაჯცებს და ვააცნო მათ გადაწყვეტილება სკოლის გახსნის შესახებ. ამ წინადადებას ხუცუბნელები დიდი ენთუზიაზმით შეხვდნენ და სასკოლო ნაკვეთის გამოძებნის ინიციატივა იკისრეს. ფეხზე დადგნენ ძმები ახმედ, ხასან და ხუსეინ გოგიტიძეები, ახმედ და ასლან თამაზაშვილები, ხუსეინ, ომერ და შაქირ კაიკაციშვილები. რეჟებ მოწყობილი და სხვ., რომლებმაც მალე დაითანხმეს თანასოფლელი ალი ნინიძე სკოლისათვის მალა გორაკზე დაეთმო შესანიშნავი ნაკვეთი.

პირველმა წარმატებამ და, რაც მთავარია, მოსახლეობის აქტიურობამ ფრთები შეასხა სკოლის ორგანიზატორს. ამიტომ არ. წითლიძემ გადაწყვიტა არ დალოდებოდა სკოლის შენობის აგებას და დაეწყო მეცადინეობა. ამ მიზნით დაიქირავა ჯემალ მოწყობილის სახლი და 1916 წლის 23 მარტს (ძვ. სტ.) ხუცუბნის სკოლა ოფიციალურად შეუდგა მუშაობას.

სკოლის გახსნა ხუცუბნელებმა დიდი ზეიმით აღნიშნეს. შეკრებილთა წინაშე სიტყვებით გამოვიდნენ ი. გულისაშვილი, არ. წითლიძე და ჰაიდარ აბაშიძე. ვაზ. „საქართ-

ველოს“ კორესპონდენტის ცნობით, „ხალკი სიხარულით იცრემლებოდა“. შემდეგ სტეპ მართათვის გაუმართავთ „მცირე სადილი“, სადაც „ქობულეთლებმა მკვირცხლად იმოქმედეს“ „ხასანბეგურა“, „ალიფაშა“ და სხვ. კორესპონდენტი უკვე მაშინ ექვობდა, რომ „მოწადეთა რიცხვს სკოლა ვერ დაიტევს“, რადგან „მთხოვნელი ბევრიაო“.4 მართლაც, სკოლაში ჩაურციხავთ 127 მოსწავლე, რომელთაგან 45 გოგონა იყო.⁵ მსურველი კი კიდევ მრავლად ყოფილა, მაგრამ „უადგილობის გამო“ 6-7 წლის ბავშვებს, ჯერ-ჯერობით, უარი უთხრეს მიღებაზე.⁶

რა თქმა უნდა, სასწავლო პროცესის ნორმალურად წარმართვისათვის, უპირველესად მაინც სკოლის საკუთარი შენობა იყო საჭირო. მასალის მოჭრა-დამზადება და მშენებლობა დიდ დროს მოითხოვდა. ამიტომ სოფ. ლიხაურში (ახლანდელი მახარაძის რაიონში) შეიძინეს ექვსოთახიანი წაბლის მასალით ნაგები შენობა. თანხების დაზოგვის მიზნით, მისი დაშლა და საკუთარი ხარ-ურმით ხუტუბანში გადმოტანა სოფლის მოსახლეობამ იკისრა. სკოლის გულშემატკივერებმა შეაველიანეს და საქმეში ჩააბეს აქაური გავლენიანი მოლა ახმედ გოხბიე. „რამაზანი“ იყო თურმე მაშინ და საღამოს ლოცვაზე მისული ხალხისათვის მოლას განუტყაბდებია: სკოლის შენობის გადმოტანა „კარგი საქმეა“ და „ყველა გავიდეს ამ სამუშაოზეო“. მართლაც, „ქედზე კაცი“ გამოსულა, ვინ ხარ-ურმით, ვინ კიდევ სამშენებლო იარაღით. ბევრმა მუშაობის სურვილიც გამოთქვა. ერთ-სულოვნებამ თავისი გაიტანა. რამდენიმე დღეში შენობა ლიხაურში დამალეს, ხუტუბანში ჩამოიტანეს და მოწვეულმა ოსტატებმა (მათ შორის ყოფილა არსენ ვადაჭკორია) სკოლისათვის წინასწარ მომზადებულ ადგილზე ააწყვეს (მისი ქვედა სართული ქვისა იყო. ზედა კი ხისა). სამწუხაროდ, გაუფრთხილებლობით ეს შენობა დაიწვა 1962-1963 სასწავლო წელს.

სკოლის შენობის შემდეგ გადაწყდა იქვე ეზოში მასწავლებელთა საცხოვრებლის აგებაც. ამ საქმის მოგვარებაც სოფელმა იკისრა. მათი შეკვეთით ცხემოვანში დაამზადეს წაბლის მასალა, რომელიც საკუთარი ხარ-ურმით ხუტუბანში ჩამოიტანეს. შემდეგ ზუსტად შეაჯანაძემ შეარჩია რამდენიმე ჯანიანი თანასოფელი, მათი დახმარებით გააფართოვა და მოასწორა ეზო. მალე სკოლის მახლობლად მასწავლებელთა საცხოვრებელი შენობაც წამოიჭიმა.

ბირველი სკოლის გახსნა ჭეშმარიტად იყო მნიშვნელოვანი ფაქტი ხუტუბნელთათვის. საქმე მართო ის როდია, რომ მან მიიზიდა და მშობლიურ ენაზე წერა-კითხვა შეასწავლა ორივე სქესის ათობით მოზარდს (თუმცა ეს, თავისთავად, იყო დიდი მოვლენა), არამედ განსაკუთრებით ის, რომ სკოლა, სულ მოკლე ხანში, სოფლად ახალი ცხოვრების დამკვიდრების მაცნე გახდა. საამისო ტონს კი იძლეოდა თვით პედაგოგიური კოლექტივი. სკოლას ოფიციალურად ეწოდებოდა სამკომლექტიანი. ეს კი იმას ნიშნავდა, რომ მისი პერსონალი სამი მასწავლებლისაგან შედგებოდა: თავად არსენ წითლიძე — სკოლის გამგე და ხელმძღვანელი, აგრეთვე მასწავლებლები — თამარ დარეჯანაშვილი და ბაბო ბრეგვაძე. ამ სკოლის ყოფილი მოსწავლის სულეიმან კაკიაციშვილის სიტყვით, „ეს ორი ქალი მასწავლებელი როგორც ცოდნით, გარეგნობით და სიღარბისლით, ჭეშმარიტი აღმზრდელნი“ და სოფლის „მთელი მოსახლეობის ნამდვილი წინამძღოლები“ იყვნენ. მათ, მოკლე დროში, შემოიკრიბეს მოზრდილი ახალგაზრდები, განსაკუთრებით კი ქალები, „ჩააბეს ისინი საღამოს სკოლებში ყოველგვარი სასყიდლის გარეშე“, რითაც „მოსახლეობაში კულტურის ჩირადნებად“ გადაიქცნენ.⁷

თ. დარეჯანაშვილი ასე აღწერს თავის მუშაობას: „სკოლაში 48 ქალი მყავს. მათში 16-17 წლიანებიც კი არიან. ერთი გათხოვილიც მყავს. ამათ ძლივს იტევს ჩემი კლასი და ახლა ყოველდღე აუარებელი დედაკაცი მოდის, დასხდებიან კლასში იატაკზე და ყურს მივდებენ. ვერაფრით ვერ ეტყვი, წადიო. ახლა უნდა ნახოთ რა ამბავი აქვთ, თუ

გათმა შვილმა ვერ მიბასუხა კარგად. მაგალითად, ვკითხე: ასე 7 და 3 რამდენია? და თუ ბავშვმა ვერ გამოიგო, დედა არც აცხელებს და არც აციებს და დასჭყვივლებს: ცაყ, რას გაბეჩდი, ვერ ყურობ, რას ჩივა მასტაველებელი, 10-თქვა ცავ, ათი. ბავშვიც იმეორებს — 10. თან სსასაცილოა, მაგრამ არ ვიცი რომელი დავაწყნარო ხოლმე, ბავშვები თუ დედები“.⁸

ასე იყო დილით, საღამომით კი მასწავლებლები უკვე მოზრდილებთან მეცადინეობდნენ. თვით თამარ დარეჯანაშვილი იგონებს: „საღამომით 7 საათიდან 11 საათამდის დიდებს ვასწავლით. გვყავს 50 კაცი, ასე 20-40 წლამდის. ვასწავლით წერა-კითხვას, ვუკითხავთ გაზეთებს, წიგნებს, ყველაფერი მეტად ეინტერესებათ, ადვილად ითვისებენ და არ ეზარებათ. ეზარებათ კი არა, ერთ წუთს არ გააცდენენ, დანიშნულ დროს მორბიან ყანიდან“.⁹

ასეთი დატვირთულობის მიუხედავად, მასწავლებლები მაინც ხალისით მუშაობდნენ და არაფერს იშურებდნენ მოზარდი თუ უფროსი თაობის სწავლა-აზრდისათვის. თამარ დარეჯანაშვილი აღნიშნავდა: „რომ იცოდეთ რა ბედნიერი და კმაყოფილი ვარ, რა ბედნიერებით მაქვს გული აღვსილი, რომ ვმუშაობ ხალხში, რომ თუ ბევრს არა, ცოტა რამეს მაინც ვაკეთებ. დილიდან საღამომდის მოსვენება არა გვაქვს: სწავლის გარდა უფარებელი ხალხი მოდის, ზოგს რა უნდა და ზოგს რა: ეს თხოვნაო, ეს გამოჭრაო, ეს ახსნაო, ეს გაზეთის წკითხვაო, ეს წამალიო და სხვადასხვა“.¹⁰

ცხადია ასეთმა თვალდაუხედილმა შრომამ მოუტანა ბაბო ბრეგვაძეს და თამარ დარეჯანაშვილს საყოველთაო აღიარება და ხეტუბნელთა გულწრფელი სიყვარული.

გამორჩეულად უნდა ითქვას თვით სკოლის გამგის შესახებ. არსენ წითლიძე იყო დიდად ერთდირებული და გონიერი, საოცრად ტაქტიანი, უადრესად მზრუნველი და კლასისმეორე პედაგოგი, ხალხის მოამავე და სოფლის ქვეშაირი მოპირანახული. სულემან კიკაციშვილის სიტყვით, ა. წითლიძე კარგა ხანს იყო ხეტუბანში და სოფელთა ერმა პატივისცემა დაიმსახურა. არა თუ ნაცნობები ან მოწაფეები, არამედ შემდეგ დაადებულნიც კი ტკიზლად და დიდი სასოებით იგონებდნენ მის სახელს. ამავე დროს წითლიძის ოჯახი ხეტუბანში კულტურის პროპაგანდის თავისებური კერაც იყო. სტუარტმოყვარე დიასახლისის პელო ლოლუას¹¹ წყალობით (იგი კი გიტარის ჩინებული ამკვრელი იყო) „ყოველ საღამოს მოზრდილთა შორის მეცადინეობა სიმღერითა და ვეკვით მთავრდებოდა“.¹²

1916 წლის სექტემბერში ხეტუბნის სკოლა გადაკეთდა სამეურნეო სკოლად, რომელთანაც მოეწყო პანსიონი 20 მოსწავლისათვის. მისი გამგეობა ისევ არ. წითლიძეს დაევალა. „სკოლის მიზანს შეადგენდა დაბალი აგრონომიული განათლების გაგრძელება ქობულეთსა და მთელს აჭარაში. ამიტომ აღნიშნულ სკოლაში მოწაფეები უნდა მიეღოთ არა მარტო ქობულეთიდან, არამედ აჭარის სხვა კუთხეებიდანაც.“ შეცვლილი პროფილის შესაბამისად საქველმოქმედო საზოგადოების მთავარმა გამგეობამ სკოლას დამატებით გამოუყო 4 ათასი მანეთი, აგრეთვე შეაძენინა „სამანახევარი დესეტინა კარგი მიწის ნაკვეთი, რომელზეც დაიწყო მუშაობა ყველა სუბტროპიკულ მცენარეთა სანერგის მოსაწყობად“.¹³

სამწუხაროდ, სკოლას აღარ დასცალდა მუშაობის შემდგომი გაშლა. 1918 წლის აპრილში თურქეთმა ოკუპაცია უყო აჭარას. პედაგოგიური პერსონალი იძულებული გახდა დროებით დაეხურა სკოლა. მემედ კიკაციშვილი იგონებს ამ სამწუხარო ფაქტს: „ერთ დღეს, როცა სკოლაში სამეცადინოდ მივედი, მასწავლებლები ისე გულლიად და შუბლგანხნილად აღარ დაგვხედრია, როგორც წინათ... გასუსული ვისხედით და არსენსა და ბაბოს შევსცქეროდით. მასწავლებელი მაგიდაზე უურნალს დასცქეროდა, ხოლო არსენი უსიტყვოდ ჩვენ. კარგა ხნის დუმილის შემდეგ ნაღვლიანი ხმით გვითხრა:

— საყვარელო ბავშვებო, წიგნები ხომ ყველას გაქვთ?

— კი, ვუბასუხებ ჩვენ და შრიალით მერხზე დავალაგეთ.

— კარგი, ძალიან კარგი. ჩვენ დროებით სწავლას შევწყვეტთ, თქვა და ატრემლეული თვალები ცხვირსახოცით ამოიწმინდა. ამის დანახვაზე ბაბო მასწავლებელს ცრემლი წასკდა და სახე კედლისკენ მიაბრუნა.

— თქვენ წიგნები ყოველდღე იკითხებთ. როცა ბოლომდე წაიკითხავთ, კვლავ თავიდან დაიწყებთ და კვლავ წაიკითხებთ. ჩვენ სწავლას დროებით შევწყვეტთ, რადგან ასხვა სახელმწიფო შემოდის. იგი გავა თუ არა, ჩვენ კვლავ განვაგრძობთ სწავლას. ხომ იკითხავთ წიგნებს? — კვლავ ნაღვლიანად შეგვეკითხა.

— ვიკითხავთ, აუცილებლად ვიკითხავთ, — ვუბასუხებთ ჩვენ.

— აბა ახლა აღექით და წადით თქვენ-თქვენ სახლებში. ამ სიტყვებით გამოგვიშვა... ჩვენც დავეშვით ქვევით. ცოტა ხანში მთელი ეზო დაცარიელდა და ვხედავდით წითლიძე და მასწავლებლები რა ნაღვლიანი სახით შემოგვეჩერებოდნენ ჩვენ. მივდიოდით და გული გვწყდებოდა საყვარელი მასწავლებლის დატოვებაზე.¹⁴

საბედნიეროდ, გადამთიელის პარბაში დიდხანს არ გაგრძელებულა. აპარიდან უცხოელთა განდევნისთანავე ხუცუბნის სკოლამ ისევ განაახლა მუშაობა. ასე რომ, ერისა და ქვეყნის მომავალს კვლავ მიეცა მშობლიურ ენაზე სწავლის შესაძლებლობა.

შ ე ნ ი შ ვ ნ ე ბ ი

1 გრ. ბაბილოძე, ნარკვევები განათლებისა და კულტურის ისტორიიდან აჭარაში. ბათუმი, 1975, გვ. 25.

2 იქვე, გვ. 31.

3. გაზ. „საბჭოთა აჭარა“, 7.4.1958 (პ. აბაშიძის მოგონება).

4 გაზ. „საქართველო“, № 55, 1916.

5. გრ. ბაბილოძე, დასახ. ნაშრომი. გვ. 37.

6 გაზ. „საქართველო“, № 73, 1916.

7 მოგონება ინახება ჩვენთან.

8 გაზ. „საქართველო“, № 74, 1916.

9 იქვე.

10 იქვე.

11. ცნობილი პედაგოგის მარო ლოლუას და.

12 ს. კაიკატიშვილის მოგონებიდან.

13 გრ. ბაბილოძე, დასახ. ნაშრომი. გვ. 49.

14 ს. კაიკატიშვილის მოგონებიდან.



კრიტიკა და ბიბლიოგრაფია

ფოტო ჟურნალი

შეიცან თავი შენი,

ანუ დათა თუთაშხია როგორც სახიამთი

წერილი პირველი

ჭაბუა ამირეჯიბის „დათა თუთაშხია“ ერთბაშად გახდა ფრიალ პოპულარული რომანი. ნაწარმოების უდავო მაღალი იდეურ-მხატვრულ ღირსებებთან ერთად ამას უთუოდ ხელი შეუწყო იმ ფაქტმა, რომ მკითხველს დიდი ხანია სწყუროდა ე. წ. ძლიერ პიროვნებასთან შეხვედრა, ისეთ ადამიანთან, რომელიც ისე კი არ ცხოვრობს, როგორც ათასობით სხვა, არამედ რაღაც განსაკუთრებული თვისებებით, ცხოვრების თავისებური, განსხვავებული მანერით გამოირჩევა, აქვს მიზანი და მთელ თავის ცოდნას, გამოცდილებასა და ძალ-ღონეს მის რეალიზაციას ახმარს. ეს გარემოება გამოარჩევს მას მასისაგან და ბევრისათვის სათაყვანებელ პირად აქცევს, რომანში არის საკმაოდ მკაფიოდ გამოხატული დეტექტივის ელემენტებიც, რამაც ისეთი მკითხველებიც მიიზიდა, რომლებიც საერთოდ არ იჩენენ ინტერესს მხატვრული ნაწარმოებებისადმი ან უპირატესად სათაყვანისმცემო-ფანტასტიკურ ლიტერატურას ეტანებიან. ასე რომ, „დათა თუთაშხია“ გახდა სულ სხვადასხვა მისწრაფების მკითხველთა საყვარელი საკითხავი წიგნი.

მე მხედველობაში მყავს არა მარტო ქართველი მკითხველი. როგორც იცით, „დათა თუთაშხია“ რუსულადაც ითარგმნა და არაჩვეულებრივი წარმატებაც ზედა. სხვათა შორის, რომანი რუსულ ენაზე თვით ჭაბუა ამირეჯიბმა თარგმნა, რაც ძლიერ იშვიათი, უნიკალური მოვლენაა. ეს გარემოება ჟურნალისტ ვ. სერგეევასთან საუბარში მან ორი ფაქტორით ახსნა. მწერლის სიტყვით, თუ თარგმნის წიგნს წარმატება ზედა, მითარგმნელი ტრაბახობს, რომ ეს მისი დამსახურებაა, ხოლო თუ პირიქით მოხდა და წიგნი გააფუჭა, ყველაფერს ავტორს აბრალებს. „პატივმოყვარე არა ვარ, — განაცხადა ჭაბუა ამირეჯიბმა ამის თაობაზე, — და არც მიჩვეული ვარ სხვას გადავაბრალო დანაშაული. ამიტომ არ მინდოდა ვინმესთვის გამეყო არც წარმატება, თუ კი ის მოვიდოდა, და არც წარუმატებლობა, თუ კი ეს მოხდებოდა!“ მეორე ფაქტორი ის იყო, რომ ძლიერ უნდოდა შეენარჩუნებინა რომანის ენის როგორც სიტყვიერი, ისე დიალექტური პრინციპები, მაგრამ ეს გაცილებით ძნელი საქმე აღმოჩნდა, თუმცა მწერალმა ბრწყინვალედ იცის რუსული ენა, არანაკლებ, ვიდრე მშობლიური ქართული. „ვიმედოვნებდი, მოვახერხებდი ქართული ენის თავისებურების ნაწილობრივ შენარჩუნებას, — განმარტავს ჭაბუა ამირეჯიბი და განაგრძობს: — ვთვლი, რომ ეს მთლიანად ვერ შეეძლო. ხამაღლა ვადიარებ: ჩემი რომანი გაცილებით არასრული იქნებოდა, რომ არ დამხმარებოდა ჟურნალ „ნოვი მირის“ თანამშრომელი, შესანიშნავი რედაქტორი იწა ბორისოვა“.

მილიონობით ადამიანი გაეცნო დათა თუთაშხიას მას შემდეგ, რაც ცენტრალური ტელევიზიით უჩვენეს რომანის მიხედვით გადაღებული ტელესერიალი „ნაპირები“. მისი

სცენარიც ჰქვია ამირეჯიბმა დაწერა. კინოფილმსაც დიდზე დიდი წარმატება სცდა და გადამღებ ჯგუფს, მათ შორის სცენარის ავტორს, სსრ კავშირის სახელმწიფო პრემია მიენიჭა. მწერალმა მადლიერ მაყურებელთა ათასობით წერილი მიიღო. ერთი სიტყვით, „დათა თუთაშხიამ“ შორს გაუთქვა სახელი ქართულ ლიტერატურასა და კინოს, უმნიშვნელოვანეს მოვლენად იქცა და ღრმა კვალი დატოვა ხალხის შეგნებაში.

ეს კი იმას ნიშნავს, რომ „დათა თუთაშხია“ უღრესად დროული მხატვრული ნაწარმოებები აღმოჩნდა, ხოლო მასში აღძრული პრობლემები ასევე უღრესად საჭირობოა. რომელთა გადაწყვეტაზე ბევრად იყო დამოკიდებული ერის არა მარტო აწმყო, არამედ მომავალიც. ცდება, ვინც ფიქრობს, რომ ჰქვია ამირეჯიბს თანამედროვეობა კი არა, არცთუ ისე შორეული წარსული აინტერესებდა და ისტორიული რომანი შემოგვთავაზა, მაგრამ განა ისტორიული ეთქმის მხატვრულ ნაწარმოებს, რომელშიც არ არის არც ერთი რეალური ისტორიული მოვლენა, არც ერთი რეალური ისტორიული პირი? ისტორია „დათა თუთაშხიაში“ მხოლოდ ფონია, რომელიც საშუალებას აძლევს მწერალს აღძრას თანამედროვეობის პრობლემები, მთელ საზოგადოებას და მთელ ერს რომ ადევლებს. თავის რომანს ისტორიულ ნაწარმოებად არ თვლის არც ავტორი. ერთ-ერთ ინტერვიუში მან სავსებით გარკვეულად თქვა: „თუ მწერალი თანამედროვე პრობლემის გადასაწყვეტად ისტორიულ ფონს იყენებს, ასეთი ნაწარმოები არ შეიძლება ჩაითვალოს ისტორიულ რომანად“.

მწერლის ეს განცხადება იმასაც ადასტურებს, რომ მან შეგნებულად გამოიყენა ისტორიული ფონი იმ ტკივილებისა და პრობლემების წარმოსაჩენად, რომლებიც გაჩნდნენ აწმყოში, 60-იანი წლების მიწურულს, როცა რომანი იწერებოდა. სწორედ ამ პერიოდში თავი იჩინა ნეგატიურმა მოვლენებმა და თანდათან მოიკიდა ფეხი, შემდეგ კი ჩვენი ცხოვრების თითქმის ყველა სფეროში შეიჭრა. განსაკუთრებით ძლიერი დევალაცია განიცადა ზნეობამ, ანუ როგორც რომანის პირველი წიგნის მეორე კარისათვის წამძღვარებულ „მეთოთხმეტე საუკუნის ხელნაწერში“ ნათქვამი, „კინ იქმნა ზნეობა“. ფაქტი გახდა მორალური პრინციპების, ადამიანის სულიერ ღირებულებათა გადაფასება. მომრავლდნენ ადამიანები, რომლებმაც ქცევის, მორალის ნორმად აქციეს მოხვეჭა, ჭონებრივი გამდიდრება, სულერტია, რა გზით და რა საშუალებებით, და სხვებთან ურთიერთობა წარმართეს დევიზით, რომელიც იმავე „ხელნაწერში“ ასეა ჩამოყალიბებული: „ვიეთთავან მივიღო ჩემდა რგებად ნიეთიერი, იგი იყენენ მოყვასნი ჩემნი“.

რა თქმა უნდა, ზნეობრივთან ერთად „დათა თუთაშხიაში“ ავტორი სხვა პრობლემებსაც აღძრავს, მაგრამ ისინი ასე თუ ისე მორალს უკავშირდებიან და, ამდენად, მთავარი, განმსაზღვრელი და წამყვანი მაინც ზნეობაა, იმ თავსატეხი საკითხის გარკვევა, თუ რისთვის ვცოცხლობთ, რა არის ჭეშმარიტად ადამიანური, ღირს თუ არა, ე. ი. დადებითს შედეგს მოგვეცემს თუ არა სხვათა საქმეში ჩარევა, გამართლებულია თუ არა თუნდაც უმაღლესი სიკეთის სახელით ბოროტების ძალით დათრგუნვა და ა. შ. შემთხვევითი როდია, რომ რომანის ერთ-ერთი გმირი გულწრფელად აღიარებს, ჩვენი უბედურება ის არისო, რომ „არ ვიცით, რისთვის ვიცოცხლოთ და ან რისთვის დავიხოცოთ“.

სხვანაირად რომ ვთქვათ, რომანის, მისი ავტორის მთავარი ამოცანაა განსაზღვროს ადამიანის როლი და დანიშნულება ამქვეყხად, გარკვეოს ადამიანის რაობა, მისი ცხოვრების მიზანი. ეს ისეთი კითხვებია, რომელთა პასუხი ერთი შეხედვით თითქოს ძალზე ადვილია. ნამდვილად კი ვინ იცის, რამდენი საუკუნეა აწუხებს კაცობრიობას, შეიძლება გაჩენის დღიდანვე. ამ კითხვების პასუხს ეძებდნენ სოკრატე და ანტიკური სამყაროს სხვა გამოჩენილი მოაზროვნეები, ჩინელი მეცნიერი კონფუცი, გერმანელი ფილოსოფოსები კანტი, ფიხტე და ჰეგელი, წარსულისა და ჩვენი დროის ბევრი სხვა ეთიკურ პრობლემათა მკვლევარი, აგრეთვე თეოლოგები — რელიგიათა იდეოლოგები.



უპირველეს ყოვლისა, საკითხავია: ზნეობა, ზნეობრივი თვისებები ადამიანს დაბადებულადანვე თან დაჰყვება, თუ გარემოს, ცხოვრების პირობების ზეგავლენით უმუშევრობა და უკეთარდება. ზოგი ფიქრობს, რომ გარემო, ცხოვრების პირობები აქ ათავსებენ შუაშია, რადგან კაცობრიობის განვითარების მთელ მანძილზე ისინი მკვეთრად იცვლებოდა, ადამიანი, მისი ზნეობა კი თითქმის არ იცვლებოდა, ან სულაც უცვლელი რჩებოდა. დიდი რუსი მწერალი თ. დოსტოვესკი ამბობდა, რომ ბოროტება თვით ადამიანის სულშია ჩაბუდებული. ამ აზრისაა რომანის ერთ-ერთი მთავარი გმირი, დათა თუთაშხიას ზნეობრივი ანტიმოდის, მისი მამიდაშვილი მუშნი ზარანდაც. იგი ამტკიცებდა, რომ საზოგადოების მატერიალური პროგრესის, დიად სოციალურ გარდატეხათა და სხვა ფაქტორების შედეგად „ადამიანები, ვთქვათ, კაცით აღარ იჩიჩნებოდნენ მიწაში და რკინის გუთნით ხენას იწყებდნენ, ტყავებით აღარ იფარავდნენ სარცხვინელს და სელის თუ მათდის სამოსლის ხმარებზე გადადიოდნენ, კერპებს აღარ ეთაყვანებოდნენ და ლამაზად დახატულ ხატებზე ლოცულობდნენ, მაგრამ მსოფლიო საკაცობრიო სეველასა და უბედურებას, განსაცდელსა და ვარამს, დაუკმაყოფილებლობასა და გაუმაძღრობას იგივე ნიშანი ახლდა, როგორც კავის, ბარის, ქვის იარაღისა თუ კბილ-ბრჭყალების ხანაში. იცვლებოდა ყველაფერი, გარდა სულიერი წყურვილისა, ანუ თვითონ ადამიანისა“.

ამ დებულებას ფართო გასაქანი აქვს დღესაც. მას თავგამოდებით იცავენ ბურჟუაზიის იდეოლოგები და გადაჭრით უარყოფენ კაცობრიობის მორალურ პროგრესს. ერთი შეხედვით, ასეთ მოსაზრებას აქვს საფუძველი, მასში თითქოს გამოსჭვივს ჭეშმარიტება. ხომ ფაქტია, რომ ადამიანთა მნიშვნელოვანი ნაწილი ჯერაც არ განთავისუფლებულა ზნეობრივ მანკიერებათაგან, მაგრამ არ უნდა დავივიწყოთ, რომ დიდი ოქტომბრის სოციალისტურ რევოლუციამდე სოციალური კატაკლიზმების შედეგად ერთი ექსპლუატატორული საზოგადოება იცვლებოდა მეორეთი, ე. ი. ექსპლუატატორი ექსპლუატატორად, ხოლო ექსპლუატირებული ექსპლუატირებულად რჩებოდა, რაც, თავისთავად, ცხადია, გამოირიცხავდა ზნეობრივ მანკიერებათა დაძლევას. მაგრამ ეს სრულებითაც იმას არ ნიშნავს, რომ საზოგადოების სოციალური განვითარების მიუხედავად, მორალი უცვლელი რჩებოდა, ადამიანი ზნეობრივად უფრო სრულყოფილი არ ხდებოდა. საზოგადოების წინსვლა, მისი გადასვლა ერთი საუბურებიდან მეორეზე, უფრო მაღალ საფეხურზე, მოასწავებდა სოციალურ ურთიერთობათა სულ უფრო მზარდ პუმანიზაციას, ადამიანს ეძლეოდა დადებითი ზნეობრივი არჩევანის მიერ შესაძლებლობა, ძლიერდებოდა მორალის შემცენებითი როლი და ა. შ. ახ. რთ, ზნეობრივი განვითარების ყოველი მომდევნო საფეხური უფრო მაღალი იყო, ვიდრე წინა საფეხური და სწორედ ეს განაპირობებდა კაცობრიობის ზნეობრივ პროგრესს.

რაც შეეხება მტკიცებას, რომ ადამიანის ზნეობას განაწილდრავს მისი ბიოფიზიოლოგიური მონაცემები, რომ ბოროტება თვით ადამიანის სულშია ჩაბუდებული, ეს სიცრუეა, მას არავითარი საფუძველი არა აქვს. „ჩვენთვის, — ამბობდა ვ. ი. ლენინი, — არ არსებობს ზნეობა, აღებული ადამიანთა საზოგადოების ვარეშე, ეს მოტყუებაა“. და, მართლაც, როგორ შეიძლება ადამიანი საზოგადოებაში ცხოვრობდეს და მის გავლენას არ განიცდიდეს. მას ხომ მრავალმხრივი ურთიერთობა აქვს სხვა ადამიანებთან, მათთან ერთად მონაწილეობს მატერიალურ თუ სულიერ ღირებულებათა წარმოების პროცესშიც და სოციალური პრობლემების გადაწყვეტაშიც. რომინზონები არ არსებობენ. ადამიანს შეუძლია შექმნას და იარსებოს მხოლოდ საზოგადოებაში. ჯერ კიდევ არისტოტელემ შენიშნა, რომ ის, ვინც არ საჭიროებს ადამიანთა საზოგადოებას, ადამიანი კი არ არის, ან ცხოველია, ან ღმერთი.

მით უფრო პარადოქსად ჩანს, რომ ჭაბუა ამირჯიბის რომანის მთავარი გმირი დათა თუთაშხია, რომელსაც აწევს ნაწარმოების ძირითადი იდეური ტვირთი, აზრავია,

საზოგადოებისაგან განდგომილი. ამრავობისაქართველოში უცხო ხილი არასოდეს ყოფი-
ლა და იგი მხატვრულ ლიტერატურაშიც აისახა. საქმარისია დავასახელეთ, რაღაც ვაფიქ-
ვების „კაცო ყაჩაღი“, ლალიონის „ფირალი დავლაძე“, ეგნატე ნინოშვილი, სიმონი
ხალხური „არსენა“ და სხვ. ტყეში გაჭრილ თახსა და საზოგადოებას მოწყვეტილ აბ-
რაგებს სხვადასხვა მისწრაფება, საზრუნავი ჰქონდათ. დათა თუთაშხია მათგან, უბირ-
ველეს ყოვლისა, იმით განსხვავდება, რომ მოაზროვნე კაცია, უყვარს განსჯა, ანალიზი.
იგი მტკიცედ მისდევს თავისი გამზრდელის თამარ ზარანდიას შეგონებას: „სანამ იტყო-
დე რამეს, სანამ ვადადგამდე ნაბიჯს — ფიქრე, თუ გამოადგება ის ერს, მამულს, მოყ-
ვას“. ასე რომ მოიქცე, ყოველი ფაქტი, მოვლენა გულდასმით უნდა გაჩხრიკო, გააან-
ალიზო, ასწონ-დასწონო და მხოლოდ შემდეგ დასდო მსჯავრი. ეს ადვილი საქმე არ
არის, ამიტომაც ასე ხშირად ვხედავთ ჩაფიქრებულ დათას, დაუინებით რომ ეძებს სწორ
გადაწყვეტილებას. „თვითონ არ ვიცი, სიმართლე რაშია და სადაა. ფიქრი და გამოცდი-
ლება სჭირდება ამას“, ამბობს ხოლმე იგი ასეთ შემთხვევაში.

მოვლენა, ფაქტი, ე. ი. სხვათა საქციელი რომ სწორად შეათასო და მსჯავრი დას-
დო, უბირველეს ყოვლისა, საკუთარი თავი უნდა შეიცნო, ანუ, როგორც დიდი ილია
ბრძანებდა, უნდა „კაცმა თვალი შიგნით ჩაიბრუნოს და თავის გულში დაიწყოს იმის
პასუხის ძებნა, თუ რისთვისა ვარ? რა ვამიკეთებია? რით მომიგონოს ჩემმა შემდეგ-
მა?“ ეს აუცილებელია არა მარტო საკუთარი თავის შესაცნობად, არამედ იმიტომაც,
რომ იცოდნე, გაქვს თუ არა უფლება სხვათა საქმეში ჩაერო, თუნდაც უმაღლესი სიკე-
თის სახელით და ბოროტების დასაბრუნებლად. შევიძლია თუ არა, მევანის საქციელი სწო-
რად შეაფასო და განსაჯო, ივისრო განმკითხველის როლი, რასაც ხშირად მოითხოვს ჩვე-
ნი ყოველდღიური ცხოვრება. „რაკი ადამიანს არ შეუძლიან კაცთა კრებულის გარეთ
იცხოვროს ცალკედ და მიუკარებლად, — წერდა ამის თაობაზე ილია ჭავჭავაძე, — რაკი
ერთმანეთობა ბედისწერასავით თვითოეულს ჩვენგანს — გვინდა თუ არა — სხვის გამ-
კითხველად ჰქდის და უამისოდ კაცე კაცს ვერ შეხვდება, ვერ შეეყრება, ვერ გაეყრება,
აქედამ ცხადია — რა დიდძალი მნიშვნელობა უნდა ჰქონდეს გრძნობას განკითხვისას
კაცთა საზოგადოების არსებობისათვის. ხოლო ისიც ცხადია, რომ ვერ-გამკითხველი
თავისი-თავისა სხვის განკითხვასაც ვერ შესძლებს და სწორედ აქ არის სათავეც ყოვე-
ლის უბედურობისა, იმიტომ რომ მაშინ მართალი აღარ ჰქრიალებს საზოგადოებაში და
ყოველივე უბედურობა ხომ უმართლობისაგან არის წარმომდგარი“.

თქმა არ უნდა, ყველაზე ძნელი ამქვეყნად საკუთარი თავის სწორად შეცნობა და
ზნეობრივი სრულყოფისათვის მასთან ჰიდილია, იგი დიდ სულიერ ძალასა და მტკიცე
ნებისყოფას მოითხოვს, რადგან ადვილი როდია ისე იცხოვრო, როგორც ნამდვილ ად-
მიანს შეეფერება, არავითარ შემთხვევაში არ აპყვე რაიმე ცდუნებას, არ იყო უსამართ-
ლო და მით უფრო — ბოროტი, საბედნიეროდ, დათა თუთაშხიას აღმოაჩნდა ეს თვი-
სებები და მიადრწია ზნეობრივ უმწიკველობას. სავსებით მართალი იყო მუშნი ზარანდია,
როცა თავის შეფს გრაფ სეგედის უთხრა: „მე ვიცი, რომ სრულქმნილი ადამიანი არ არ-
სებობს, მაგრამ თუთაშხია იმ კაცთაგანია, რომელნიც სრულქმნილებასთან ახლოს
არიან“.

თუ ზნემაღალი ხარ. არ სჩადიხარ ბოროტებას, არ აკეთებ ავ საქმეს, თითქოსთა
მეტი რაღაა საჭირო, რომ თავი ნამდვილ ადამიანად ჩათვალო? მაგრამ ასე არ ფიქრობდა
დათა თუთაშხია. მას მიაჩნდა, რომ სრულებითაც არ კმარა თვითონ იყო უცოდველი,
კეთილი და სათნო. „ყველაზე კარგი ის კაცი კი არ არის, ვინც მოქმედებს სათნოების
შესაბამისად თავისთავისთვის, არამედ ის, ვინც ასე იქცევა სხვებისთვისაც, ეს კი ძნელი
საქმეა“, ამბობდა არისტოტელე და სწორედ ამ ძნელ საქმეს შეეკიდა დათა თუთაშხია.
მას სწამდა, რომ კაცური კაცი მაშინ ვეთქმის, თუ ბოროტებას გზას უღობავ, სიხარბესა

და შურს, სხვა ზნეობრივ მანკიერებას ებრძვი. თითოეულის უბრალო ადამიანური მოვალეობა ხელი გაუწოდოს ჭირში ჩავარდნილს, უსამართლოდ დაჩაგრულს, მაშასადამე, მთავარია მადლი ქმნა, იცოდე, რომ ბედნიერი ვერ იქნები, თუ სხვები უბედურია და სხვათა ბედნიერებასა და სიხარულში ეძიებდე და პოებდე პირად ბედნიერებასა და სიხარულს. ერთი სიტყვით, დათა თუთაშხიას თამამად შეეძლო გაემეორებინა დიდი აკაკის სიტყვები: „ყველასათვის კარგი მსურს, ბოროტების მტერი ვარ“.

სრულიად აშკარაა, რომ დათა თუთაშხიას ზნეობრივი პოზიცია ემთხვევა ყველა წესიერი, ღირსეული ადამიანის გულისტემას. იგი ეფუძნება სხვა ადამიანების, მთელი საზოგადოების წინაშე ზნეობრივი მოვალეობისა და პასუხისმგებლობის გრძნობას. „იყო ადამიანი, — შენიშნავდა ფრანგი მწერალი ეკვიუპერი, — ნიშნავს, გრძნობდე პასუხისმგებლობას“. ეს იმიტომ, რომ გარკვეულ სიტუაციაში ადამიანი თვითონ ახდენს ზნეობრივ არჩევანს, თვითონ არის მოქმედების სუბიექტი და, მაშასადამე, თავისი ქცევით, ვისაც უშუალო პასუხისმგებელი. და როცა პასუხისმგებლობა (ან მისი მორალური ანტიპოდი გულგრილობა) ფეხს იკიდებს ადამიანის ცნობიერებაში, იგი ხდება მისი ხასიათის ნიშან-თვისება. აი რატომ იყო, რომ დათა თუთაშხიას არ შეეძლო ხელი არ გაეწოდებინა ჭირში მყოფისათვის, გულგრილად გვერდი აეგლო უსამართლობისა და ბოროტებისათვის. „დათა თუთაშხია ისეთი კაცი იყო, უმსგავსობას ვერ მოითმენდა, ჩაერეოდა უსათუოდ, — ასე დახასიათა იგი ერთ-ერთმა ნაცნობმა და საესეებით სწორადაც.

მაგრამ ცხოვრება რთულია, მიხვეულ-მოხვეული, უსწორმასწორო და დათა თუთაშხიას მწარე გაკვეთილი აეგმა. ხელისუფლებისაგან დევნილს ყუბანის ტყეში რომ მოუხდა ხლისტებთან ურთიერთობა, მან თავისი ზნეობრივი პრინციპების შესაბამისად ხელი გაუმართა არაფრისმქონე ნასაღდათარ ბუღარას და მის მეუღლეს ბუღარისას. სოფელს თითქმის უნდა განარებოდა, რომ კიდევ ერთი შეძლებული ოჯახი შეემატებოდა, პიჩიეთ კი მოხდა. დათა გააოცა ხლისტების საქციელმა, შურმა და სიხარბემ. „ასეთი უგუნური და ბოროტი ხალხი თუ გინახავს სადმე! — უთხრა მან თიყვას, ვისთანაც ერთად მუშაობდა ყუბანის ტყეში, — რამდენი მეტი მდიდარი მეზობელი ეყოლებათ, უკეთესი არ არის მაგათთვის თუ? გავიჭირდება რამე, მიხვალ შეძლებულ მეზობელთან, დაგეხმარება და გაგიმართავს ხელს“.

ცდებოდა თურმე დათა და მერე როგორ! სანამ არაფერი ებადათ, ბუღარა და ბუღარისა სხვას უყოფდნენ ლუკმას. სული რომ მოითქვეს, გამოძნენ და გაძლიდნენ, ბუღარა წეკოს არ მოაწევიანებდა არავის, ბუღარისა კი მშობელ დედას არ მისცემდა კვერცხს ორ შატრზე ნაკლებ. რა მართალი ყოფილა დიდი ფრანგი მწერალი ბალზაკი, როცა განაცხადა, სიძუნწე იქ იწყება, სადაც სიღარიბე მთავრდება. შურიც იქვე იღებს თურმე სათავეს. აქი თიყვამ ხლისტების დახასიათებისას სწორედ ამ ფაქტს გაუსვა ხაზი: „ლაქმული ყავდათ ერთმანეთი, შურით აღარ იყო არც ერთი. ლატაკი რომ გამდიდრდება, ასე იცის“.

და რა გასაკვირია, თუ დათამ ვერ გაძლო ამ ხალხში. იგი მტკივნეულად განიცდიდა, რომ მისმა ალტრუიზმმა სასტიკი მარცხი განიცადა. „არ გამოვიდა სიკეთე ბუღარების ხელიდან“, — გულისტკივლით უთხრა თიყვას გამომშვიდობებისას და სტანიცაში გადავიდა საცხოვრებლად, სადაც მის ზნეობრივ პრინციპს ახალი მძიმე გამოცდა ელოდა. სულ მალე გამოირკვა, რომ ანგელოსები არც აქ ცხოვრობდნენ და დათას კვლავ მოუხდა სხვათა საქმეში ჩარევა — ყალთაბანდობაში ამხილა ჯერ სელიმა, მერე მარუდა, რომელიც ამტკიცებდა, „ქვეყანაზე ყველა ერთმანეთს ატყუებს“. განაწყენებულმა სელიმამ დათას საქციელი ახალგაზრდობითა და გამოუცდელობით ანახა, „ჩემისთანები ბევრია, — უთხრა მან დათას, — ჩემისთანებისა მთელი ჩვენი ქვეყანა. შენი ხნისა მეც შენისთანა, იქნებ, ცოტა უარესი, ვიყავი. დრომ გაიარა, ქვეყნის გასწორებაზე ხელი ავიღე“.

მერე, როცა დათა აიძულეს ამ სტანიციდანაც აბარებულყო, სელიმამ შეჩვილ დასაცხნ მას: „ეს ქვეყანა უკვე გაასწორა. ახლა სხვა ქვეყნის გასასწორებლად შეიწყობიან“

სელიმას ამ დაცინვას, სამწუხაროდ, რეალური საფუძველი ჰქონდა. სხვათა საქმეში ჩარევით დათა თუთაშხიამ მიზანს აქაც ვერ მიაღწია, სიკეთეს ვერ გაამარჯვებინა, პირიქით, საწინააღმდეგო შედეგი მიიღო, „არ გამოვიდა ჩემი მოქმედებიდან არაფერი“, თავად აღიარა დათამ. ახალმა მარცხმა, ნახულმა და განცდილმა, ბუნებრივია, დააეჭვა იგი, ბზარი გაუჩინა მის ზნეობრივ პოზიციას. იქნებ ისე არ ცხოვრობს, როგორც საჭიროა, იქნებ მართალი იყო ერთი ქართველი, რომელმაც არ მოუწონა დათას საქციელი, სხვის საქმეში ჩარევა, „კაცმა რომ იფიქროს, რა მაგის საქმეა, ატყუებს თუ რას აკეთებსო“. დათას ეს რებელიკა არ მოუსმენია, მაგრამ თავისი საქციელი და მისი შედეგები რომ გაანალიზა, დაახლოებით ამავე დასკვნამდე მივიდა: „წაკითხულიც მაქვს ბევრგან და კიდევ ვნახე ზოგიერთი კაცები, ასე რომ ამბობენ: ვინმეს ვასაჭიროს ან ცუდ საქციელს თუ დაინახავ, გულმა როგორც ვითხრას, ისე მოიქციე და შენი საქციელი რასაც მოიტანს, მისი უკმაყოფილო ნუ იქნებო. შეიძლება ასეც იყოს. მაგრამ ისიც საფიქრალია, რომ იქნებ არ ღირდეს ადამიანის მოდგმა წესიერი კაცის ზრუნვად და ქვეყნის არეულ-დარეულ საქმეებში ჩარევა. ვინ იცის?...“

„ვინ იცისო“, ჯერ კიდევ ექვობდა დათა, მაგრამ საირმეში დატრიალებულმა ამბებმა იგი საბოლოოდ დაარწმუნა, რომ არ ღირს სხვათა საქმეში ჩარევა. მისი მასპინძელი არქიფო-აბელი აღმოჩნდა ნამდვილი ტირანი, რომელსაც მორჩილ ჯოგად გადაუქცივია ადამიანები, ჩაუგონებია მათთვის ის აზრი, რომ ექსპლოატატორი კი არ არის, არამედ მათი მარჩენალი, მამა, დედა და ღმერთიც კი. ასეც ხდება — ჩვეულებრივი ტირანი სიკეთის განსახიერებად, მხსნელად და მზრუნველად მიაჩნიათ, წოლო მისი მტრები — საკუთარ მტრებად და მზად არიან თავიც კი გასწირონ მისთვის. ბუხებრივია, დათა შეაძრწუნა საირმეში გამეფებულმა ვითარებამ, გულმა არ მოუთმინა და კვლავ ჩაერია სხვათა საქმეში — ამ დამონებულ და უბედური ხალხის გამოფხაზლება, თვალის ახელა გადაწყვიტა. „რას შვრებით, ხალხო, რას გავხართ, თუ ხედავთ ამას! — მიმართა მან მუშებს.— ვინ ხართ, თქვე უბედურებო, რა ჯიშის ხართ! რა გიყოთ და რას დავამსგავსათ მამაძაღლმა ახელა სეთურმა და, აგერ, ამ მოსასპობმა თაბაგარმა, არ ფიქრობთ? ვერ ხედავთ ამას?“ — ხალხი ჯერ გაინაბა, გაოცდა, ეს რა გაბედა ამ უცხო კაცმა, მამაძაღლი როგორ უწოდა ჩვენს მარჩენალსო, შემდეგ კი ეცნენ დათასა და მის მეგობარს მოსე ზამთარაძეს და ისე დაბეგვეს, ისე დალევეს, ცხენებზე ძლივს აფორთხდნენ, იქაურობას რომ გასცლოდნენ.

ამ შემთხვევის შემდეგ სხვა რალა დარჩენოდა დათა თუთაშხიას, თუ არა, გადაეფასებინა თავისი ზნეობრივი პოზიცია, უარი ეთქვა სხვის საქმეში ჩარევაზე. „მე რომ ადამიანს და მის ზნეს ვხედავ, მოსე ბატონო, — უთხრა თავის მეგობარს დათამ,— ყველა კაცი ისე ცხოვრობს და ისე იქცევა, როგორც თვითონ მოსწონს, და სხვა კაცი მის საქმეში არ უნდა ჩაერიოს, არ უნდა შეუშალოს ხელი. შენ გატანჯული გგონია და მას უხარია და მოსწონს, თურმე, თავისი დღე და ხვედრი. ჩემი ბრალა ყველაფერი იქ რომ მითხარი, უნდა, ალბათ, მაგ ხალხს ყმობა და მონობაო, მასე ყოფილა მართლაც. აგერ შენ, აგერ მე და იქ, მაღლა ღმერთი — ფიცი დამიდვია, აღაო ჩვევრევი აღარავის საქმეში, სანამდე არ დავრწმუნდები, ჩარევა ჯობს თუ ჩაურევლობა. მგონია, არც ერთი კაცი არაა ქვეყანაზე მისთანა, სხვისი ჩარევის და დახმარების ღირსი რომ იყოს“.

ხედავთ, სანამდე მიიყვანა დათა თუთაშხია იმ ადამიანთა უზნეობამ, რომლებსაც მხარში ამოუდგა, ხელი ააღებინა, თუნდაც ღრობით, უბრალო ადამიანურ მოვალეობაზე — დახმარებოდა ჭირში მყოფს, დაეცვა სამართლიანობა, შებრძოლებოდა ბოროტებას. უკვე მურმან თორიას ლაზარეთში, სადაც ნაცემანაბეგვი თავის მეგობარ მოსე ზამ-

შთარძესთან ერთად მკურნალობდა, იგი „ნეიტრალურ“ პოზიციას დააღვა. ამ ლაზარეთში მსულ ოთხი ავადმყოფი იწვა და, თიყვის არ იყოს, „დაჭმული ყავდათ ენდახეთი“. და მათ ხედავდა ამას, მაგრამ ვანზე ვადგომა ამჯობინა, „თავისით უნდა გაირკვეს და ჩადანს“ — სესე საქმე კალაპოტში“, განაცხადა და ასეც მოხდა. „მაინც შენ გამოდექი მათივე, თუ შენ ხარ ამის გამო მოსე ზამთარადემ მეგობარს, — თავისით ჩადგა წყალი კალაპოტში, ასე მუნდა მომხდარიყო და ასეც არის ეს“. დათა თითქოს უნდა გაეხარებინა ამ სიტყვებს, მაგრამ სინანულით თქვა: „ასე რომ არის, ეგ სხვაა, მაგრამ ასე თუ უნდა იყოს, ეს არის გსაკითხავი, რომ დაქამეს ერთმანეთი და აღარც ერთი აღარაა ადამიანი მაგათში?“

რ „ასე თუ უნდა იყოსო“... ეს კითხვა თითქოს დათა თუთაშხიას მერყეობას მოწმობს, იმგვარად დურუ ძიჯუას დუქანში მომხდარმა ტრაგედიამ ცხადყო, რომ დათა „ნეიტრალურ-ჩრი“ პოზიციის ერთგული დარჩა. მის თვალწინ მზადდებოდა შემზარავი დანაშაული, მაგრამ არ ისურვა მისი აღკვეთა. „არაა ჩემი საქმე, — უპასუხა მან გიგო ტატიშვილს, რომელმაც უსაყვედურა, „ამ ბოროტებაზე რად გაჩუმებულხარო, ხომ ხედავთ ადამიანი სილუბება!“ — აღარაფერი არაა ჩემი საქმე, მე თუ არ მეხება, მე! ეგენი არც ერთი არაა ჩემი ჩარევის ღირსი!... მოვათვე ეგენი მე“. გული ვერ მოუბრუნა დათას ვერც ისე ბერმა, თუმცა უშიშარ აბრაგს ლაჩარი უწოდა და შეარცხვინა. „ვინც ღმერთს განუდგა, ვინც კაცთათვის არ აღასრულა ის, რის აღსრულებაც ძალუძდა, ვინც ღვთის შვილს განსაცდელში ხელი არ გაუწოდა — იგი ლაჩარია, მან თავისი თავი მარტოობისათვის გასწირა. თუ შენ არ გინდა კაცნი, არც კაცთა უნდინარ შენ და ნვედრი შენი — მიმწყვდეული ნადირის ხვედრი არის“.

რა იცოდა ისე ბერმა, თუ ქრისტიანულ მორალს, რომელსაც იგი ქადაგებდა, და მის ერთ-ერთ მთავარ მოთხოვნას „ვიყვარდეს მოყვასი შენი“ დათა მასზე ნაკლებ არ იცნობდა, სცადა კიდევ მის შესაბამისად ეცხოვრა, მაგრამ სიკეთემ რომ სიკეთე არ შვა, პრინციპულად უარი თქვა მის აღსრულებაზე. ამიტომ იყო, ბერს კი მოუსმინა, მაგრამ მის სიტყვებზე მხოლოდ ჩაიციხა და გზა განაგრძო. თუმცა კარებთან რომ მივიდა და დურუს ბიჭის ძობას ვედრება მოესმა: „ნუ წახვალ, დათა-ბიძია, დავიდუბებითო“, დათა გაქვავდა. მიხვდა, უკან თუ მიიხედავდა და ბიჭის ცრემლიან თვალებს წააწყდებოდა, ცდუნებას ვერ გაუძლებდა, თავის ზნეობრივ პრინციპს უღალატებდა და სძლია შებრალების გრძნობას, უკან არ მიიხედა, რაღაც ჯიბრით, ზიზლით თქვა: „უნდა წავიდე აქედან მე“, და დუქნიდან გავიდა.

დურუს დუქანში დატრიალებულმა ტრაგედიამ დათა ღრმად ჩააფიქრა, საგონებელში ჩაავლო, დააბნია — ბოლოს და ბოლოს, როგორ უნდა მოიქცეს წესიერი კაცი, ჩაერიოს თუ არ ჩაერიოს სხვათა საქმეში, რა უნდა ქნას, თუ სიკეთე არც ერთს მოაქვს და არც მეორეს, სად არის სიმართლე, რას ნიშნავს კაცური კაცობა? ხომ უნდა იცოდე, რისთვის ცოცხლობ, რა უნდა აკეთო, ხალხს რომ რითიმე არგო, უნაყოფოდ და უსარგებლოდ არ გალიო დღენი შენი? ერთი კი ამკარა გახდა დათასათვის — უთუოდ უნდა შეეცვალა ცხოვრების ნირი, ახალი ცხოვრება დაეწყო თბილისში. „მორღუხია-ბატონო, — უთხრა მან თავის ძველ ნაცნობს, მოხუც ებრაელს, რომელსაც თბილისში საცხოვრებელ ფულს დაესესხა, — როგორ მოიქცეს კაცი, როცა აღარ იცის, რა ქნას და რა აკეთოს? რას მეტყვი შენ?“ მორღუხიამ პასუხი არ დაუყოვნა: „მასეთი კაცებისათვის თქვენს სარწმუნოებას სხვაზე უკეთესი სამკურნალო აქვს -- მონასტერი!“ ამას სხვებიც ურჩევდნენ დათას, მაგრამ მას ხალხისაგან განდგომა და ბერის სენაკში ჩაკეტვა კი არ უნდოდა, არამედ აქტიურ მოღვაწეობას ესწრაფოდა, ცხოვრების მორვეი იზიდავდა და არა ნაწრეტი, მაღალი ადამიანური მიზნები და იდეალები უნძობდა. უბრველეს ყოვლისა, სწორედ ამის გამო უარყო მორღუხიანსა და სხვათა რჩევა დათამ. მას მტკიცედ სჯეროდა, რომ „კაი საქმის საკეთებლად ერისკაცობა ჯობს, ნამდვილია ეს“.

მამასადამე, როგორც ვთქვით, დარჩა ერთადერთი გამოსავალი — ცხოვრების ხორის შეცვლა. საამისოდ კი აუცილებელი იყო სხვაგან წასვლა, ეგებ ანაღ ადვილზე ეპოვა ასპარეზიც და საჭილდაო ქვაც. „ისეთი და იმდენი მოხდა ჩემს ახლომხლომ ახლომ და ბოლო ხანებშიც, რომ ვერ გამოვიტანე აზრი, რა ვქნა და როგორ ვიყო მყოფი. უნდა ვიცოდე მე, არ შემიძლია სხვაფრად. წავალ, გული უნდა გადავყოლო რამეს, — უთხრა დათამ მორღუხაის, — სათქმელი რაც არის და რასაც ვეძებ, ის, იქნებ, მე რომ მინდა ვქნა, იმაშია სწორედ? ნახვა უნდა ამას“. დიახ, ნახვა უნდოდა ამას. თუ არ ეცოდინებოდა, რისთვის ეცოცხლა, რა ეკეთებინა და როგორ, არსებობასაც აზრი ეკარგებოდა. ისეთ ადამიანებს, როგორიც დათაა, „სხვაფრად“ არ შეუძლიათ.

შეიძლება ითქვას, ამით დამთავრდა დათა თუთაშვიას აბრაგობისა და ზნეობრივი ძიების, სიცოცხლის აზრის ძიების, მორალური თვისრულყოფისათვის ზრუნვის ერთი მონაკვეთი. დაიწყო მეორე, კიდევ უფრო მრავალფეროვანი და საინტერესო ხანა მისი ცხოვრებისა, როცა ამ მაძიებელი ინტელექტუალური აბრაგის წინაშე დადგა ბნელი ეთიკურ-ფილოსოფიური პრობლემები.

პ ე ლ ო ც ა ვ ი

შოთა ქურიძეს — ჩვენი ჟურნალის პირველ რედაქტორს, ცნობილ კრიტიკოსსა და ჟურნალისტს, საზოგადო მოღვაწეს — დაბადების 70 წელი შეუსრულდა.

ჟურნალ „ჭოროხის“ სარედაქციო კოლეგია, მისი მკითხველები გულითადად ულოცავენ იუბილარს ამ დირსასხსოვარ თარიღს. უსურვებენ ჯანმრთელობასა და ახალ წარმატებებს მშობლიური ლიტერატურისა და კულტურის საკეთილდღეოდ.

მიხეილ მახარაძე

ქართული რენესანსის საკითხები უახლეს გამოკვლევებში

აკადემიკოსი ივანე ჯავახიშვილი წერდა: „ერთი სიტყვით, ქართველობამ ელინური შემოქმედების ნიმუშები იგება და დაეწაფა იმ ცხოველმყოფელს ელინიზმს, რომლის ღრმა და საფუძვლიანმა შესწავლამ დასავლეთ ევროპაში ევრეთწოდებული „რენესანსი“ წარმოშვა. საქართველომ ეს მოძრაობა უკვე XII საუკ. დაიწყო, მაგრამ მისი დასრულება მონღოლთა შემოსევამ შეაფერხა“.¹

XI-XII საუკუნეების ქართული კულტურის რენესანსული ხასიათის შესახებ აღნიშნავენ მკვლევარები — ა. მილერ-ბუდნიცკაია, ვ. შიშმარევი, მწერალი კ. გამსახურდია და სხვები. ა. მილერ-ბუდნიცკაია იმასაც კი სწერდა, რომ დასავლეთის რენესანსის ძირები იტალიაში კი არ უნდა ვეძებოთ, არამედ საქართველოში.² გადაჭარბების მიუხედავად, ავტორის თვალსაზრისი ყურადღების ღირსი და გასათვალისწინებელია. მაგრამ ქართული რენესანსის თეორია სისტემატური სახით და არგუმენტირებულად პირველად აკადემიკოსმა შალვა ნუცუბიძემ ჩამოაყალიბა.

ბუნებრივია, რომ როდესაც საუბარი ეხება რენესანსს, შუა საუკუნეების რენესანსულ კულტურას, პირველ რიგში უნდა გაირკვეს, თუ რა იგულისხმება რენესანსის ცნებაში. შეიძლება აქვე აღინიშნოს, რომ ამ საკითხების კვლევისას ბევრი გაუგებრობა განპირობებულია სწორედ რენესანსის ცნების სხვადასხვანაირი გაგებით. ამაზე მოწმობს ტერმინ — რენესანსის განსხვავებული, ზოგჯერ კი ურთიერთგამომრიცხავი განმარტება. ასე, მაგალითად, მკვლევართა ერთი ნაწილი რენესანსის არსებით ნიშნებად მიიჩნევს ანტიკურობის აღორძინებას და ხილული სინამდვილის ღირებულად გამოცხადებას; მეორენი რენესანსს უკავშირებენ რელიგიურ მსოფლმხედველობას.³ ზოგიერთი მკვლევარი კი რენესანსის დამახასიათებელ ნიშნებად მიიჩნევს შუა საუკუნეებში ქალაქური ცხოვრების დონის განსაკუთრებულ აღმავლობასა და კულტურის ყველა სფეროების განვითარებას. არსებობს რენესანსის ცნების სხვა განმარტებებიც.

საბჭოთა მეცნიერებაში დადგენილია რენესანსის ცნების ფილოსოფიური და კულტურული შინაარსი, რომელიც შემდეგს გულისხმობს: რენესანსი — ეს არის თავისებური, შუა საუკუნეებისაგან განსხვავებული დამოკიდებულება ანტიკურობისადმი, კერძოდ, ადამიანის შესახებ ანტიკური ჰუმანისტური წარმოდგენის აღდგენა. რენესანსი გულისხმობს აგრეთვე ერთოდოქსალური ქრისტიანობის დაძლევას და ამის საფუძველზე შესაბამისი მხატვრული ლიტერატურის წარმოშობას.⁴

რენესანსის შესახებ ზემოთაღნიშნული თვალსაზრისი ძირითადად გაზიარებულია ქართველი მკვლევარების მიერ. შ. ნუცუბიძემ ეს თვალსაზრისი პირველად წარმოადგინა

1940 წელს (იხ. მისი „აღმოსავლური რენესანსი და ევროპოცენტრის რუსულ ენაზე“) და საბოლოოდ ჩამოაყალიბა წიგნში — „რუსთაველი და აღმოსავლური რენესანსი“, თბ.; 1947 (რუსულ ენაზე). შ. ნუცუბიძემ თავისი თვალსაზრისი ძირითადად შეიმუშავა დასავლეთის ცნობილ მეცნიერებთან კამათში (ბურდახი, ბურკჰარდტი, კასირერი, ჰენინგი...).

შ. ნუცუბიძის მიხედვით, შუა საუკუნეები წარმოადგენს დამაკავშირებელ რგოლს ანტიკურობასა და რენესანსს შორის. რენესანსის საკითხების კვლევისას შ. ნუცუბიძე ამოდის ენგელსის დებულებიდან, რომლის თანახმადაც შუა საუკუნეები არ ყოფილა უბრალო გაჩერება, როგორც ეს წარმოედგინათ რენესანსის ეპოქის მოღვაწეებს — პეტარარკას, ლორენცო ვალას, ლეონარდ ბრუნს და სხვ.

„აღმოსავლური რენესანსის“ თეორიის შექმნისას შ. ნუცუბიძე დიდ ყურადღებას აქცევდა მისტიციზმსა და ერესებს აღმოსავლეთში. ყველა ერესის წყაროდ კი იგი მიიჩნევდა მანიქეიზმს, რომელიც, შ. ნუცუბიძის აზრით, მართალია, ვერ მივიდა მიწიერისა და ზეციერის დუალიზმის გაუქმებამდე, მაგრამ მოგვცა მათი ერთიანობის იდეა. ეს კი უკვე ნიშნავდა ზეციერის პრიორიტეტის გაუქმებას მიწიერისადმი.

რენესანსული კულტურისათვის დიდი მნიშვნელობა ჰქონდა მსოფლმხედველობრივ, ე. ი. ფილოსოფიურ საფუძველს. რენესანსის მსოფლმხედველობრივ საფუძველად შ. ნუცუბიძე მიიჩნევდა ნეოპლატონურ ფილოსოფიას, კერძოდ, მის ქრისტიანულ ვარიანტს — არეოპაგოტიკას. ამასთან დაკავშირებით შეიძლება ითქვას, რომ თვალსაზრისი ნეოპლატონიზმის, როგორც რენესანსის იდეური საფუძვლის შესახებ, აღიარებული მრავალი მკვლევარის მიერ აქვე შეიძლება ითქვას, რომ შ. ნუცუბიძე, როცა საუბრობს „აღმოსავლურ რენესანსზე“, გულისხმობს არა საერთოდ აღმოსავლეთს, არამედ ქრისტიანულ აღმოსავლეთს.

შ. ნუცუბიძის „აღმოსავლური რენესანსის“ თეორიას დიდი რეზონანსი ჰქონდა, გამოქვეყნდა მრავალი გამოხმაურება, რეცენზია, რომლებშიც გამოთქმული იყო განსხვავებული შეფასებანი შ. ნუცუბიძის თეორიისა. ერთნი საერთოდ უარყოფენ რენესანსის არსებობას აღმოსავლეთში (ბ. გორუნგი, ა. გორდუნკელი, ვ. რუტენბურგი, ვ. შტეინი და სხვ.), სხვები აღიარებენ აღმოსავლური რენესანსის ფაქტს, მაგრამ უარყოფენ ამგვარ მოვლენას XI-XII საუკუნეების საქართველოში (მაგ. ვ. ჟირმუნსკი). ბევრი ავტორი აღიარებს როგორც აღმოსავლური რენესანსის იდეას საერთოდ, ისე ქართულისას კერძოდ (ნ. კონრადი, ა. ლოსევი, ბ. ბრაგინსკი, მ. კაპუსტინი...). ქართული რენესანსის იდეას მხარს უჭერენ და ახალი საბუთებით ამაგრებენ მას ქართველი მეცნიერები — შ. ხიდაშელი, ნ. ნათაძე, რ. სირაძე, ე. ხინთიბიძე, გ. ყორანაშვილი...

ჩვენ არ შევეჩებით იმ ავტორთა თვალსაზრისებს, რომლებიც საყოველთაოდ აცნობილი ძველი პუბლიკაციებით (მაგ. ტ. მილერ-ბუდნიცკაიას, ს. დანელიას, კ. კეკელიძის, ვ. ჟირმუნსკის, ნ. კონრადის და სხვათა ნაშრომებს).

ვ. შტეინს საგანგებოდ არ განუხილავს ქართული რენესანსის საკითხები, მაგრამ მისი უარყოფითი დამოკიდებულება „აღმოსავლური რენესანსის“ იდეისადმი საერთოდ, პირდაპირ თუ არაპირდაპირ ქართულ რენესანსზეც ვრცელდება. მისი შენიშვნით „...აღმოსავლეთში ფართე ვაგებით რენესანსი არ ყოფილა, იმიტომ, რომ დასავლეთ ევროპისაგან განსხვავებით — აღმოსავლეთის ქვეყნებში ადგილი არ ჰქონია კულტურის დაცემასა და გადაგვარებას, რომელმაც ასე ცხადი გამოხატულება ჰპოვა ევროპულ სქოლასტიკაში“⁶

ვ. რუტენბურგი თავის სტატიაში მიმოიხილავს სწავლას თვალსაზრისებს რენესანსის ცნების შესახებ და ამის საფუძველზე გვთავაზობს საკუთარ მოსაზრებას იტალიურ აღორძინებაზე: „ამრიგად, იტალიური აღორძინება წარმოადგენს ერთობ რთულ, მაგრამ

სრულიად კონკრეტულ, ისტორიულად განპირობებულ პროცესს, რომელიც მრავალწლოვანი „ზოგადობის განვითარების ყველა მხარეს“⁷ რაც შეეხება აღმოსავლურ რენესანსს, ვ. რუტენბურგი უარყოფს ამგვარი მოვლენის არსებობას შუა საუკუნეების აღმოსავლეთში. ამასთანავე იგი იზიარებს ვ. ჟირმუნსკის მოსაზრებას ქართული რენესანსის არსებობის შესახებ. ასევე ეპყობს ვ. რუტენბურგი სომხური რენესანსის არსებობაზე შუა საუკუნეებში. სტატიის დასასრულს ავტორი გვთავაზობს თავის მოსაზრებას რენესანსის მნიშვნელობაზე ამა თუ იმ ქვეყნის კულტურისათვის, რაც ჩვენ მცდარად მიგვაჩნია: „მაგრამ აღორძინების განხილვა როგორც ტიტულისა, რომელიც საფუძველს იძლევა ამა თუ იმ ქვეყნის კულტურის მაღალი შეფასებისათვის, შორსაა მეცნიერული მიდგო-მისაგან“ (ოქვე, გვ. 108). თუკი „ტიტულეს“ ჩამოვაცილებთ, შეიძლება დარწმუნებით ითქვას, რომ აღორძინება — „ამა თუ იმ ქვეყნის“ კულტურის განსაკუთრებული დონის მაჩვენებელია.

ბ. გორნუნგი სპეციალურად იხილავს შ. ნუცუბიძის გამოკვლევას — „რუსთაველი და აღმოსავლური რენესანსი“. შ. ნუცუბიძის ბევრ მოსაზრებას სადავოდ მიიჩნევს, თუმცა წიგნში, — მისი აზრით, — ვგხედება „ძალზე ღირებული“ დასკვნებიც. ბ. გორნუნგის საბოლოო დასკვნა ასეთია: „თვლიან, რომ ბიზანტიაში, აღმოსავლეთ ევროპაში, საქართველოში და ა. შ. ნაკლებ ხელსაყრელი ისტორიული პირობების გამო ამ კლასიკურ საფეხურამდე ამაღლება არ შეიძლებოდა განხორციელებულიყო“.⁸

განსაკუთრებული, შეიძლება ითქვას, ტენდენციური დამოკიდებულება გამოამჟღავნა ქართული რენესანსის იდეის მიმართ ცნობილმა მკვლევარმა — ი. გოლენიშევ-კუტუზოვმა. ავტორი შუა საუკუნეებს უპირისპირებს რენესანსს და უკანასკნელს მიიჩნევს რევოლუციად. ეს თვალსაზრისი არსებითად განსხვავდება ქართველი მკვლევარების თვალსაზრისისაგან, რომლებიც, პირიქით, — რენესანსს არ წყვეტენ შუა საუკუნეებისაგან. ი. გოლენიშევ-კუტუზოვი წიგნში — „დანტეს შემოქმედება და მსოფლიო კულტურა“ (მოსკოვი, 1971), წერს, რომ ქართველი მკვლევარები და ლიტერატორები (შ. ნუცუბიძე, კ. გამსახურდია, კ. კაპანელი, ო. ჯინორია) ცდილობენ ერთ — ქრისტიანული ცივილიზაციის კომპლექსში წარმოადგინონ დასავლეთისა და IX-XIII საუკუნეების კავკასიის კულტურა. ამის შესახებ ლაპარაკობს კ. გამსახურდია დანტეს „ღვთაებრივი კომედიის“ მისეული ქართული თარგმანის შესავალ წერილში. შ. ნუცუბიძე, წიგნში — „რუსთაველი და აღმოსავლური რენესანსი“, და აგრეთვე კ. კაპანელი და ო. ჯინორია თავიანთ ნაშრომებში. ყველა ამ ავტორთან საუბარია დანტესა და რუსთაველის სიახლოვეზე (გვ. 510). ამავე წიგნში ავტორი ირონიით ლაპარაკობს ფსევდო-დიონისე არეოპაგელისა და პეტრე იბერის იდენტურობის თეორიაზე, ხოლო რაც შეეხება დანტესა და რუსთაველის სიახლოვეს, ეს, ი. გოლენიშევ-კუტუზოვის მართებული შენიშვნით, — შეიძლება განპირობებული იყოს ერთი და იგივე წყაროს გამოყენებით, კერძოდ, კი „ფსევდო—დიონისე არეოპაგელის ნეოპლატონური თხზულებებით“, რადგანაც „არეოპაგელის ნეოპლატონური იდეებში უდიდეს ზეგავლენას ახდენდნენ მაღალ შუა საუკუნეების ლიტერატურაზე კავკასიიდან ესპანეთამდე“ (გვ. 125. ხაზგასმა ჩვენია — მ. მ.).

ი. გოლენიშევ-კუტუზოვის განსაკუთრებული უარყოფითი დამოკიდებულება ქართული რენესანსის იდეისადმი ცხადადაა გამოხატული მის გამოკვლევაში — „რომანული ლიტერატორები“ (მოსკოვი, 1975). ავტორი შ. ნუცუბიძის „ქართული რენესანსისა“ და ვ. ჩალოიანის „სომხური რენესანსის“ განხილვისას ასეთ თვალსაზრისს გამოთქვამს: — თუკი IX და X საუკუნეების აღმოსავლეთის კულტურა მიჩნეულია „რენესანსულად“, მაშინ ამავე ეპოქის ფრანგულ კულტურას რატომ უნდა ეწოდოს შუა საუკუნეებისა? თუკი რუსთაველი „აღორძინების პოეტი“, მაშინ კრეტიენ დე ტრუა რატომია „შუა საუკუნეების“ პოეტი? (გვ. 33). აქ ძნელია დაეთანხმო ავტორს, რადგანაც ქართული რენესანსის

ლი-ზადე, ნ. ნათაძე, ი. კენჭოშვილი) ძირითადად იზიარებენ აღმოსავლური რენესანსის თეორიის და თავის მხრივ აძლიერებენ მას ახალი იდეებით.

ნ. ბრაგინსკი სტატიაში — „აღმოსავლეთის რენესანსის კონცეფცია: მამულისა და მოწინააღმდეგეები“, ჩამოთვლის „აღმოსავლეთის რენესანსის“ ოპონენტების არგუმენტებს და აღნიშნავს: „ოპონენტების მიერ წამოყენებული იქნა მათი აზრით უდავო, სოციოლოგიური (უფრო სწორად, სოციოლოგიზატორული) ხასიათის შემდეგი სილოგიზმი: რენესანსი — კაპიტალიზმის გარიჟრაჟია.

IX-XV საუკუნეების აღმოსავლეთში კაპიტალიზმი არ ყოფილა, მაშასადამე აღმოსავლეთში აღნიშნული დროის მონაკვეთში არ იყო და არც შეიძლება ყოფილიყო რენესანსი“ (გვ. 61). და იქვე სინანულით ამატებს ავტორი, რომ ადრე ამ თვალსაზრისზე იდგა თვითონაც. მაგრამ, შემდგომ, — ავრძელებს ნ. ბრაგინსკი, — ამ სტრიქონების ავტორმა, შეისწავლა რა შესაბამისი ლიტერატურა რენესანსის შესახებ, კერძოდ, მის სადავო საკითხებზე, კრიტიკულად განიხილა აღმოსავლური რენესანსის კონცეფციის მომხრეთა არგუმენტები და ოპონენტების კონტრარგუმენტები. ყველაფერი ეს შეამოწმა კლასიკური ირანული (სპარსულ-ტაჯიკური) პოეზიის ისტორიიდან აღებულ ფაქტებზე და დაარწმუნდა შ. ნუტუბიძისა და ნ. კონრადის სიმართლეში.

ნ. ბრაგინსკი მიიჩნევს, რომ აღმოსავლური რენესანსის თეორიის მოწინააღმდეგეებს არ მოეპოვებათ საფუძვლიანი არგუმენტები ამ თეორიის წინააღმდეგ: „სამწუხაროდ, ამ კონცეფციის მოწინააღმდეგეთა ნაწერებში შეიძლება ვნახოთ საწინააღმდეგო მოსაზრებანი, უსაფუძვლო უარყოფანი, ცალკეული შენიშვნები, მაგრამ არა არგუმენტების სისტემა, რომელიც დამყარებული იქნება ნამდვილი ლიტერატურული პროცესის კონკრეტულ ანალიზზე“ (გვ. 89. ხაზგასმა ავტორისა). ნ. ბრაგინსკის სპოლომ დასკვნა ასეთია: სანამ არ იქნება წამოყენებული ახალი არგუმენტები აღმოსავლური რენესანსის წინააღმდეგ, „დასაბუთებულად რჩება აღმოსავლეთის ბევრ ლიტერატურებში რენესანსული ტენდენციისა და რენესანსის არსებობის შესახებ კონცეფცია“ (გვ. 101. ხაზგასმა ავტორისა).

აქ აღნიშნულს შეიძლება დავამატოთ, რომ ნ. ბრაგინსკის მიხედვით — რენესანსის თეორიულ-აბსტრაქტული მოდელი, რომელიც წმინდა სახით განხორციელდა იტალიაში, სხვადასხვა ქვეყნებში გვხვდება ადგილობრივ „ვარიანტებში“, რომელიც ემყარება საკუთარ ეროვნულ კულტურას.

მ. კაპუსტინი შ. ნუტუბიძეს მიიჩნევს პიონერად საბჭოთა მეცნიერებაში „აღმოსავლური რენესანსის სფეროში (იხ. მისი სტატია — „აღმოსავლური რენესანსის იდეა და დასავლურ-აღმოსავლური სინთეზი“). ამასთანავე, ავტორი სამართლიანად აღნიშნავს ზოგიერთი გადაჭარბების შესახებ შ. ნუტუბიძისთან, განსაკუთრებით კი მაშინ, როცა საუბარი ეხება ფსევდო-დიონისე არეოპაგელის მსოფლმხედველობის მნიშვნელობაზე რენესანსისათვის. ამის მიუხედავად, მ. კაპუსტინი სათანადოდ მიაგებს შ. ნუტუბიძის დამსახურებაზე მსოფლიო რენესანსის პრობლემების კვლევის საქმეში. ავტორი ფიქრობს, რომ შ. ნუტუბიძემ პირველად მსოფლიო საზოგადოებრივ-ისტორიულ მეცნიერებაში, ფილოსოფიური და ფილოლოგიური ანალიზის მეშვეობით, კონკრეტული მასალის საფუძველზე აჩვენა, რომ აღმოსავლეთის რენესანსი წინ უსწრებდა დასავლურ-ევროპულ რენესანსს და აღმოსავლური რენესანსის მწვერვალს წარმოადგენს რუსთაველის შემოქმედება (გვ. 151). მ. კაპუსტინი დიდ მნიშვნელობას ანიჭებს აღმოსავლური რენესანსის იდეას, რომელიც „...ასე დამაჯერებლად და არგუმენტირებულად პირველად იქნა გადმოცემული შესანიშნავი ქართველი მეცნიერის მიერ“ (იქვე).

ამავე კრებულში დაბეჭდილია ქართველი ავტორების — ნ. ნათაძის შვილის სტატიები.

ნ. ნათაძე სტატიაში — „შალვა ნუცუბიძე და რენესანსის პრობლემა“ აღნიშნავს იმ განსხვავებას, რომელიც არსებობს აღმოსავლურ რენესანსზე შ. ნუცუბიძის თვალსაზრისსა და ნ. კონრადის, ვ. ჩალოიანისა და ვ. ჟირმუნსკის თვალსაზრისებს შორის. შემდგომ ავტორი აღაგებს დასავლური რენესანსის ძირითად პრინციპებს, რომელიც მდგომარეობს არა მხოლოდ ეკლესიის წინააღმდეგ ბრძოლასა და ანტიდოგმატიზმში, არამედ აგრეთვე ახალი ადამიანის ფორმირებაში (გვ. 107). ნ. ნათაძე აჩვენებს ქრისტიანობის როლს რენესანსული კულტურის ჩამოყალიბებაში. ამიტომაც, შენიშნავს, ავტორი, — „...სწორედ ამის გამო რენესანსი არის არა აღორძინება, არამედ რაღაც გაცილებით მეტი“ (გვ. 109. ხაზგასმა ავტორისა). სტატიაში ნაჩვენებია და გაანალიზებულია ქართული რენესანსის პირობები. ავტორი იზიარებს შ. ნუცუბიძის თვალსაზრისს და რუსთაველის შემოქმედებას მიიჩნევს აღმოსავლური რენესანსის მწვერვალად.

ი. კენჭოშვილი სტატიაში — „ვეფხისტყაოსანი“ და რომანის ყანრის ტრადიცია („აღმოსავლური რენესანსის საკითხისათვის“) ძირითადად იზიარებს შ. ნუცუბიძის თვალსაზრისს და ამასთან ერთად მიუთითებს „ვეფხისტყაოსნის“ სიახლოვეზე ბერძნულ რომანთან. ავტორი დიდ ყურადღებას უთმობს XI-XII საუკუნის ქართულ არქიტექტურას და მასში ხედავს ახალი სტილის — ბაროკოს კვალს. აღნიშნულ საკითხში ავტორი ემყარება გამოჩენილი ქართველი ხელოვნებათმცოდნის — გიორგი ჩუბინაშვილის თვალსაზრისს, რომლის თანახმადაც „ხელოვნების საერთო, კერძოდ, ელინიზმის, გოთიკის, ან XVI საუკუნის ევროპისათვის დამახასიათებელი ტენდენციები... დამახასიათებელია აგრეთვე ქართული ხელოვნებისათვის დაწყებული X საუკუნიდან“ (იხ. საიუბილეო კრებული, გვ. 155).

გამოჩენილმა საბჭოთა მეცნიერმა, ანტიკური კულტურის აღიარებულმა სპეციალისტმა ალექსეი ლოსევმა თავის გამოკვლევაში — „აღორძინების ესთეტიკა“ (მოსკოვი, 1978), ბევრი საკითხი აწვდის გააშუქა „აღმოსავლური რენესანსისა“ და ქართული რენესანსის პრობლემებთან დაკავშირებით. ამ გამოკვლევის შესავალ ნაწილში, რომელშიც აღმოსავლური რენესანსია განხილული, ნახევარზე მეტი ქართული რენესანსის საკითხებისადმი მიძღვნილი. ა. ლოსევის დაბადებიდან 90-ე წლისთავს მიეძღვნა თბილისში გამოსული საიუბილეო კრებული, სადაც მოთავსებულია ე. ხინთიბიძის სტატია — ა. ფ. ლოსევის აღორძინების ესთეტიკის კონცეფცია და ქართული რენესანსის პრობლემა“.⁹

ე. ხინთიბიძე განიხილავს ა. ლოსევის წიგნის იმ ნაწილს, სადაც გაანალიზებულია ქართული რენესანსის საკითხები. იგი არ იზიარებს ა. ლოსევის თვალსაზრისს — რუსთაველის აღმოსავლეთის პოეტების გვერდით დაყენების თაობაზე, რადგანაც ქართველი პოეტი, — ე. ხინთიბიძის აზრით, — აგრძელებს ქართული საზოგადოებრივ-ფილოსოფიური აზრისა და მისი მსოფლმხედველობის ტრადიციებს, რომლის მსგავსიც დამახასიათებელი იყო უფრო გვიანდელი დროის ევროპისათვის (გვ. 129-130). მისივე აზრით — რუსთაველის მსოფლმხედველობის წყაროებს წარმოადგენენ: ქრისტიანული ლიტერატურა, არისტოტელეს მეტაფიზიკურ-ლოგიკური აზროვნება და ნეოპლატონიზმი. აქ, ჩვენი აზრით, ზოგიერთი საკითხი დასაზუსტებელია. საყოველთაოდაა ცნობილი, რომ არისტოტელეს მსოფლმხედველობას ძირითადად ეფუძნებოდა შუა საუკუნეების სქოლასტიკა, ხოლო სქოლასტიკა რენესანსთან შეუთავსებელია. ამიტომაც, არისტოტელეს მსოფლმხედველობის გამოცხადება რუსთაველის, როგორც რენესანსული ყაიდის პოეტის ერთ-ერთ წყაროდ არ უნდა იყოს სწორი. საქმე ისაა, რომ არისტოტელეს მოძღვრების მოწინავე იდეები გადავიდა ნეოპლატონიზმში და ნეოპლატონიზმის მეშვეობით ანტიკური ფილოსოფიური მემკვიდრეობა შუა საუკუნეების რენესანსული კულტურის კუთვნილება

გახდა. ვასათაღისწინებელია ისიც, რომ ნეობლატონიზმი არა მხოლოდ ტონიზმია, არამედ იგი ნეო-არისტოტელიზმიცაა (ჰეგელი).

რ. სირაძე თავის წერილში — „ა. ლოსევის აღორძინების ესთეტიკა და ქართული რენესანსის ზოგიერთი საკითხი“, ა. ლოსევის ძირითად დამახასხურებას შემდეგში ხედავს: „ნეობლატონიზმი ადრეც იყო მიჩნეული რენესანსის საფუძვლად, მაგრამ მას იშვიათად ეძლეოდა ისეთი ყოვლისმომცველი მნიშვნელობა, როგორც ეს ა. ფ. ლოსევის წიგნში“.¹⁰ ვფიქრობთ, რომ ამ მხრივ ქართველ მკვლევართა წვლილი უმნიშვნელოვანესია, რაზედაც საკუთრივ ა. ლოსევიც არაერთხელ აღნიშნავს ხსენებულ წიგნში.

ქართული რენესანსის თეორიის განმტკიცებასა და განვითარებაში მნიშვნელოვანი წვლილი მიუძღვის შალვა ხიდაშელს. იგი არაერთხელ შეეხო სპეციალურად ქართული რენესანსის საკითხებს და ეს თეორია ახალი საბუთებითა და იდეებით გაამდიდრა. მის მიერ კვლევის შედეგად მიღებული რეზულტატები ავტორმა შემაჯამებელი სახით წარმოადგინა გამოკვლევაში „ქართული რენესანსის საკითხები“ (თბილისი, 1984, რუსულ ენაზე). ერთი თავისებურება შ. ხიდაშელის თვალსაზრისისა ისაა, რომ XI-XII საუკუნეების ქართულ კულტურას იგი იხილავს აქსიოლოგიის პოზიციიდან. ეს თვალსაზრისი კი ავტორს შეუშუშავდა ჯერ კიდევ 50-იან წლებში.

საინტერესოა აგრეთვე შ. ხიდაშელის თვალსაზრისი იმის თაობაზე, რომ, მისი აზრით, XI-XII საუკუნეების ქართული კულტურისათვის დამახასიათებელი ჰუმანიტური იდეები, რომლებიც გამოხატულებას ჰპოულობენ არა მხოლოდ რუსთაველთან, არამედ იმ ეპოქის ქართულ ხელოვნებაში.

შ. ხიდაშელი დიდ მნიშვნელობას ანიჭებს ნეობლატონურ ფილოსოფიას და მიიჩნევს მას რენესანსის ძირითად მსოფლმხედველობრივ წყაროდ. როგორც უკვე აღნიშნა, ნეობლატონიზმის დიდ მნიშვნელობაზე რენესანსული კულტურისათვის არაერთი მკვლევარი მიუთითებდა, მაგრამ შეიძლება ითქვას, რომ შ. ხიდაშელმა ეს თვალსაზრისი უფრო განავითარა და გააღრმავა. შ. ხიდაშელისათვის რენესანსის არსება გულისხმობს მიწიერი ცხოვრების მიჩნევას ღირებულად და ადამიანის ახლებურ გაგებას: „როგორც ითქვა, რენესანსის და რენესანსული ჰუმანიზმის ძირითადი თავისებურება მდგომარეობს ხილული სინამდვილისა და ამქვეყნიური ადამიანური არსებობის ღირებულად აღიარებაში. აქედან — ახალი, შუა საუკუნეებისაგან განსხვავებული დამოკიდებულება ანტიკურობისადმი, და ახალი, განსხვავებული გაგება ადამიანურისა“ (გვ. 35).

ავტორი იცავს აზრს რუსთაველის მსოფლმხედველობის ნეობლატონური ხასიათის შესახებ. ამის თაობაზე წიგნში აღნიშნულია: „თეზისი იმის შესახებ, რომ რენესანსის (მათ შორის ქართულის) საფუძველს ნეობლატონიზმი წარმოადგენს, ეკუთვნის შ. ი. ნუცუბიძეს და ეს თვალსაზრისი ცნობილი გახდა 30-40-იან წლებში აღმოსავლური რენესანსის თეორიისთან ერთად“ (გვ. 48). შ. ხიდაშელი აკრიტიკებს თვალსაზრისს, რომელიც რენესანსს სწყვეტს შუა საუკუნეებს (იქვე, გვ. 37).

შ. ხიდაშელი მნიშვნელოვან ადგილს უთმობს იმ თვალსაზრისის დასაბუთებას, რომ რუსთაველისათვის ხილული სინამდვილე წარმოადგენს ღირებულს. წიგნის დასასრულს ავტორი საუბრობს რუსთაველის პანთეიზმის შესახებ. ამ თვალსაზრისის დასაბუთებისას ავტორი იქიდან ამოდის, რომ „ვეფხისტყაოსნის“ იდეური საფუძველი ნეობლატონიზმია, კერძოდ, მისი არეოპაგიტული რედაქცია, რომელიც პანთეისტური მოძღვრებაა. ეს მოსაზრება ჩვენ სადავოდ მიგვაჩნია, რადგანაც ნეობლატონიზმი (და არეოპაგიტია) ჯერ კიდევ არაა პანთეიზმი, თუმცა ამ მოძღვრებაში არის „პანთეიზმში გადაზრდის ტენდენცია“ (ა. ლოსევი). მსგავს ვითარებასთან უნდა გვქონდეს საქმე რუსთაველთანაც.

დასასრულს კი შეგვიხსენოთ ა. ლოსევის თვალსაზრისის ქართული რენესანსის შესახებ, რომელიც ავტორს გადმოცემული აქვს წიგნში — „აღორძინების ესთეტიკა“. ამ მრავალმხრივსა და ღრმასაფუძვლიან გამოკვლევაში ა. ლოსევი ვრცლად და კრიტიკულად იხი-

ლავს ქართული რენესანსის თეორიასთან დაკავშირებულ საკითხებსა და მკვლევარების თვალსაზრისებს (შ. ნუცუბიძე, მ. გოგიბერიძე, ა. კეკელიძე, ი. ფანცხავა, შ. ხიდაშელი). ა. ლოსვეი იზიარებს „ქართული რენესანსის“ თეორიის ყველა ძირითად პრინციპს და თავის დასკვნებს ოთხ ძირითად პუნქტად აყალიბებს:

„ჩერეთი, ამ გამოკვლევების შემდეგ [იგულისხმება ქართველ მეცნიერთა გამოკვლევები რენესანსის მიძღვნილ საკითხებზე — მ.მ.] დასაბუთებულად უნდა ჩაითვალოს, რომ ქართულ რენესანსს საფუძვლად უდევს ნ ე ო პ ლ ა ტ ო ნ ი ზ მ ი, განსაკუთრებით კი პროკლეს ფილოსოფია. ეს უნდა ჩაითვალოს დიდად მნიშვნელოვან აღმოჩენად, რადგანაც იგი ჩვენ საშუალებას გვაძლევს უფრო მიეუხალოდეთ იტალიურ რენესანსს.

მეორე, საქართველოში ნეოპლატონიზმი, ათვისებული იქნა არ ე ო პ ა გ ი ტ ი კ ე ბ ის შუქზე, ე. ი. არა როგორც შიშველი წარმართული მსოფლმხედველობა, არამედ როგორც პროკლეს დიალექტიკის ქრისტიანულ-ათეისტური გადაშუშავება და გასულიერება“ (გვ. 33).

მესამე, ქართული აღორძინების მკვლევარებმა არეოპაგეტიკებიდან პირდაპირ პანთეისტური დასკვნების გამოტანის შესაძლებლობა კი არ დაასაბუთეს უდავოდ (პრინციპულად არეოპაგეტიკებს ყოველგვარი პანთეიზმის უარყოფა შეუძლიათ მთლიანად), არამედ ის, რომ იგი შეიცავს გამოხსნის ადამიანური გზის უფრო სრულ, უფრო საერო და უფრო მიწიერ იდეებს. ამიტომაც, აქ საჭიროცაა ვილაპარაკოთ რენესანსზე, ვინაიდან არეოპაგეტიკის განმარტებით, ადამიანის აქტიურობა შეუძველად ძლიერდებოდა, მისი მგრძობიარობა ღრმავდებოდა და ადამიანური განცდა ღვთაებრივი შუქის „ოკეანეში“ უკვალოდ არ იძირებოდა. ზოგიერთს არეოპაგეტიკა უჩვენებდა ამ „ოკეანეს“, ხოლო დანარჩენებს წმინდა ადამიანური იდეის დამოუკიდებლობას, მგრძობიარობას და პროგრესულობას“ (გვ. 34).

„დასასრულ მეოთხე ქართული აღორძინების მკვლევარებმა დაამტკიცეს, რომ ქართველი მოაზროვნეები გამოდიოდნენ ნეოპლატონური და არეოპაგეტული რენესანსის წამომწყებებად ევროპაში. ამ მხრივ რომ მათ პრიორიტეტი ეკუთვნით და რამდენიმე საუკუნით ვაუსწრეს დასავლეთ ევროპას, კამათი ამის წინააღმდეგ შეუძლებელია, ისე როგორც შეუძლებელია არეოპაგეტული ნეოპლატონიზმი დაყვანილ იქნას წარმართობაზე, ერესზე, პანთეიზმზე და ოფიციალური ეკლესიის სრულ უარყოფამდე“ (გვ. 37).

რენესანსის სფეროში ქართველი მეცნიერების მოღვაწეობას ა. ლოსვეი მიიჩნევს ნამდვილ „ისტორიულ-ფილოსოფიურ“ გმირობად, „რომელიც განახორციელეს ქართული რენესანსის ეპოქისა და მასთან ერთად საერთოდ მსოფლიო რენესანსის ისტორიის მკვლევარებმა“ (იქვე).

როგორც ვნახეთ, საბჭოთა მეცნიერები დიდ ყურადღებას უთმობენ როგორც „აღმოსავლური რენესანსის“, ისე „ქართული რენესანსის თეორიის საკითხებს. ზემოთმოხმობილი თვალსაზრისების ანალიზმა ცხადი გახადა ამასთანავე ისიც, რომ საერთოდ რენესანსის, კერძოდ კი აღმოსავლურ და ქართულ რენესანსის თეორიებთან დაკავშირებული ბევრი ასპექტი შემდგომ გაღრმავებასა და დაზუსტებას საჭიროებს.

ქართული რენესანსის საკითხების შემდგომი კვლევისას, ყურადღება უნდა მიექცეს კულტურის საერთო აღმავლობას XI-XII საუკუნეების საქართველოში, ასევე ანგარიში უნდა გაეწიოს იმ ეპოქის პოლიტიკურ წყობას საქართველოში, კერძოდ, ანალიზს საჭიროებს ამ კუთხით ქართველი მეფის — დ ა ვ ი თ ა ღ მ ა შ ე ნ ე ბ ლ ი ს დემოკრატიული რეფორმები. ასევე დიდი მნიშვნელობა აქვს XI-XII საუკუნეების საქართველოს ქალაქური ცხოვრების შესწავლას ქართული რენესანსის საკითხების კვლევისას.

ვფიქრობთ, რომ ქართული კულტურის — ფრესკული მხატვრობის, ქართული ფი-

ლოსოფიის, ლიტერატურის, ქალაქური ცხოვრების, სახელმწიფოებრივი წყობისა და დემოკრატიული რეფორმების შემდგომი საფუძვლიანი შესწავლა უფრო ცნადს განდის რენესანსისა და რენესანსული კულტურის არსებობის ფაქტს XI-XII საუკუნეების საქართველოში.

შ ე ნ ი შ ვ ე ნ ი

1. ივანე ჯავახიშვილი, ქართველი ერის ისტორია, ტ. II, თბ., 1983, გვ. 301.
2. Т. Миллер-Будницкая — «Грузинский Данте», Литературный современник, № 12, 1937, с. 242.
3. Об этом см. М. А. Гуковский — «Новые работы по истории платонизма итальянского Возрождения» («Вопросы философии», 1958, № 10).
4. См. «Литературная энциклопедия», т. 1, с. 1009. Философская энциклопедия, т. 1, с.с. 272—276.
5. См. А. Лосев. Эстетика Возрождения, М., 1978, И. Медведев. «Византийский гуманизм XIV—XV в.в.», раздел — «Неоплотонизм как философская основа византийского гуманизма», Л., 1976. ზ. ვოლგასტი, „არსებობს კი ქართული რენესანსი?“ („მაცნე“, ფილოსოფიისა და ფსიქოლოგიის სერია, № 1, 1986) და სხვ.
6. В. М. Штейн — «Участие стран Востока в подготовке европейского Возрождения». Китай, Япония (к семидесятилетию академика Николая Иосифовича Конрада), М., 1961, с. 106.
7. В. И. Рутенбург — «Итальянское Возрождение и «Возрождение мировое» («Вопросы истории», № 11, М., 1969), с. 103.
8. Б. В. Горнунг — Существовал ли «Ренессанс XII века» Историко-филологические исследования (Сборник статей к 75-летию академика Конрада Н. И. М., 1967), с. 275.
9. А. Ф. Лосеву, к 90-летию со дня рождения, Тб., 1983.
10. Литературная Грузия, № 3, 1983, с. 153.



სულიერი კულტურის სათავე

წიგნი II

მამია ვარშანიძის შემოქმედებაში „ხიხანის არწივები“ მთავარი და მნიშვნელოვანი ნაწარმოებია. მასში ასახულია სამხრეთ-დასავლეთ საქართველოს სისხლიანი ისტორიის ერთი დამახასიათებელი ეპიზოდი. იგი ეხება თურქების შემოსევას, სელიმ ხიმშიაშვილის ღალატით შეპყრობას და სიკვდილით დასჯას.

პოემაში უხვად არის გამოყენებული ფოლკლორული მასალები, ხალხური ლექსები და სხვა. განსაკუთრებით საყურადღებოა მასში ასახული საწესჩვეულებო მომენტები.

ხალხური წეს-ჩვეულებანი, მასთან დაკავშირებული სიტყვიერება, შესრულების ცერემონიალი და იმპროვიზაცია, მისი შემოქმედებითად გარდაქმნა და ასახვა მეტად მნიშვნელოვანია ლიტერატურის ფოლკლორისტული თეალსაზრისით კვლევაში, ლიტერატურულ-ფოლკლორული ურთიერთობის შესწავლაში.

დასახელებულ პოემაში ერთ-ერთ ასეთ საწესჩვეულებო მომენტს წარმოადგენს ხალხის წინაშე სახალხო მთქმელის გამოსვლა საკრავით ხელში და განწყობილების შესაბამისად ან ახალი განწყობილების შესაქმნელად მასზე დამღერება. სახალხო მთქმელის — მეჭიბონეს გამოსვლის მიზანია სოციალური უსამართლობის არსში ჩაახედოს ხალხი და განაწყოს იგი მისდამი სიძულვილის გრძნობით. პოემაში ეს საპატიო მისია წილად ხელა სახალხო მთქმელს ხასანს.

ხასანს ხალხი შემოეხვია და თხოვს:

იმდერე წუთისოფლისა,
იმდერე, თორემ წუთია
სიცოცხლე კვლავ მოუსვლელო.

სახალხო მომდერალი ხალხს დათანხმდა: „ჩაჰბერა და ჰიბონს ენა ჩაუდგა“. ხალხს დიდი გავლენა მოახდინა მისმა სიმღერამ:

ბევრჯერ ჩვენს ბედზე ვიფიქრე,
ავტირებულვარ ჩვილივით.
ტანჯვაა, დამთუთქველია
საწყალი კაცის ჩივილი.

ეს თქვა და ოხვრა აღმოხდა,
ხევში ჩავარდა ტალღებად.
იმით მდღუღარე გულეშე
რკინის ნაქერიც გაღღვება.

ყოველივე ეს პოეტს დასჭირდა სოციალურ უსამართლობაში ხალხის ჩახედვისათვის, საერთო მტრისა და სიღუბნის წინააღმდეგ ხალხის დარაზმვისათვის.

მოქმედების საერთო ფონზე საჭირო გახდა ხალხის გახალისება-გართობა. ამის შემდეგ იწყება მოცემული წესჩვეულებისათვის დამახასიათებელი ლექს-სიმღერების შესრულება.

საგულისხმოა, რომ ეს ლექს-სიმღერები ხალხურია. იგი ავტორმა პოემაში შეიტანა ერთგან სრულიად უცვლელი და მეორეგან ოდნავ შეცვლილი სახით:

წყალს ნაფოტი ჩამოჰქონდა
აღვის ხის ჩამონათლი,
დადექ, ნაფოტო, მიაშბე
საყვარლის შემონათვალი.
ჰარნიანა თინანო, თარნიანა თინანო.

ეს არის ხალხური ლექსის ვარიანტი, მასში შეტანილია მხოლოდ მისამღერი.
პოემაში უცვლელადაა შეტანილი ხალხური ლექსი „გოგოვ, გოგოვ კისკისა“.

გოგოვ, გოგოვ კისკისა, აქ ჩამოდი წყლისპირსა,
წყალი მასვი კოკითა, გამაძღვევი კოცნითა.

ხალხის საკრებულოში იმპროვიზირებული გამოსვლის წეს-ჩვეულებების კიდევ უფრო
მეტი ეფექტურობისათვის ავტორი არ ერიდება ხალხური ლექს-სიმღერების უცვლელად
მოტანას.

წუხელი სიწმარში გნახე
წარბი მადლა ავეყარა,
ფანჯარაზე მომდგარიყავ,
ნაწნავი გადმოგვეყარა.

ან კიდევ:

გაღმა ქათამი გავდენე,
გამოღმა გამოკაჯანებს,
ლამაჲ გოგონებს რომ ვხედავ,
წყალივით გამაკანკალებს.

ამას მოსდევს:

სათამაშო ვაშლი მქონდა,
შენსკენ გაღმომივარდაო.
მე თუ გძულვარ, სხვა თუ ვიყვარს
ფესვი ამოგივარდაო.

ავტორის მიზანია ხალხური ლექს-სიმღერების მეშვეობით უჩვენოს ხალხის საერთო
განწყობილება, რომელიმე მოვლენის ან სიტუაციის წინ, ხაზი გაუსვას მუსიკალური
ფოლკლორისა და პოეტური იმპროვიზაციის ტრადიციებს, მის შთამაგონებელ ძალასა
და ამით შექმნას პოემის არა მხოლოდ კოლორიტი, არამედ უჩვენოს ავრთვე ხალხის
მისების ერთსულოვნება საერთო ისტორიულ ფონზე.

* * *

კოკიანი ქალის მხატვრული სახე ქართულ ფოლკლორში არა მარტო ჯადოსნური,
არამედ რეალობად ქცეულ გარკვეულ მოვლენას უქვეშირდება, განსაკუთრებით კი —
კოკის გატეხვის მომენტი.

ქალი კოკით ხელში ამირანის ეპოსშიც გვხვდება: 1887 წელს გაზეთ „ივერიაში“
(№ 145-146) გამოქვეყნდა მთქმელი ვანო ჩინჩალაძის გადმოცემა ამირანზე, სადაც ვკი-
თხულობთ: „ერთხელ ამირანმა კოშკიდან გადმოიხედა და დაინახა დედაკაცი, რომელსაც
კოკით წყალი მიჰქონდა. ამირანმა თავის დედას უთხრა: — დამენაძღვე, ა, იმ დედა-
კაცს კოკა გავუტეხო“. მართლაც გაუტეხა, რის შემდეგაც გაიგო საიდუმლოება მამის
ვინაობის შესახებ.

ცნობილ ხალხურ ლექსში „თებრონე მიდის წყალზედა“ კოკის გატეხვის შემდეგ
ვაჟმა თებრონე გადაკოცნა, რის შედეგადაც გაჩნდა სიყვარულის გრძნობა. ამის შემდეგ
თებრონე დანიშნულს დაპირდა, რომ მდინარესთან შეხვდებოდა.



თებრონე მიდის წყალზედა,
კოკა უდგია მხარზედა...
მიდის და თვალი შეახწრო
ქოჩორა ბიჭსა გზაზედა..
თებრონემ კოკა ჩამოღვა.
მანდილს იფარებს თავზედა...

ახლა ეს სტრიქონები მოვისმინოთ:

გოგოვ, გოგოვ, კისკისა,
აქ ჩამოდი წყლისპირსა,
წყალი მასვი კოკითა,
გამამღვევი კოცნითა.

გაშაირება-გალექსების ეს შესანიშნავი ნიმუში მეტად პოპულარულია და ბევრი პოეტი მოუხიბლავს.

აი, რას ვკითხულობთ გიორგი სალუქვაძის ერთ ლექსში:

სურით ცივ წყალს მომიტან,
და რომ გზედავ სურიანს,
სიყვარული მომიწინა,
სიყვარული მწყურია.

ციტირებული სტრიქონები შექმნილია აჭარის საწესჩვეულებო სიტყვიერების შესანიშნავი ნიმუშის პოეტური განწყობილებით.

* * *

ნანა გვარიშვილის საბავშვო პოემა „თითისტოლა“ საწესჩვეულებო სიტყვიერების თვალსაზრისით განსაკუთრებულ ყურადღებას იპყრობს. მასში ლაპარაკია ერთ მოხუცებულ ქალზე, რომელსაც შვილები გარდაეცვალა. ამის გამო „აუტირდა დედას გული, წასკდა ცრემლის ნაკადული“. ტიროდა ქალი. ნატრობდა: „ერთი შვილი მაინც მყავდეს, რომ ეს ქოხი ამიყვადეს“. რამდენიმე ხნის შემდეგ, საბედნიეროდ,

ერთ სადამოს ასე მოხდა —	უგალობოს სიომ ნანა,
ბერიკაცი გაჩნდა ქოხთან.	არვინ იყოს იმისთანა.
ანათებდა მისი წვერი,	ეგა თქვა და ბერიკაცი
თეთრი, პირველ თოვლისფერი.	უცებ გაქრა ქალის თვალწინ.
მან ქალს ვაშლი მისცა წყნარად.	დაჭდა ქალი ტახტზე თავშლით,
უთხრა, ჭამე, დარდი კმარა.	მოკრძალებით ჭამა ვაშლი.
გავიჩნდება ქალიშვილი, —	გარიჟრაჟზე ადრე დილით
პაწაწინა ია შლილი.	შეეძინა დედას შვილი.

ამ პოემაში ყურადღებას იპყრობს ვაშლის გადაცემის მომენტი, ვაშლს ფოლკლორში სხვადასხვა ფუნქცია აქვს. ადამისა და ევას ურთიერთობაში მისი ფუნქციაა ცდუნება. ჯადოსნურ ზღაპრებში ვაშლის ფუნქციაა უმანკოდ ჩასახვა-დაბადება, ახალგაზრდის მოხუცად ქცევა, სიკვდილის მოვლინება და სხვა. მას სხვა ფუნქციაც გააჩნია. ვაშლი აჭარაში ზოგჯერ სანიშნო ნივთებთან ერთად იგზავნებოდა საცოლეს ოჯახში, რის შესახებაც მკვლევარი ალ. მსხალაძე შენიშნავს:

პოემის მიხედვით საქმე გვაქვს ვაშლთან, როგორც შვილის გამჩენსა და სიცოცხლის დამამკვიდრებელ ფენომენთან. იგი აქ საწესჩვეულებო ხასიათს ატარებს. მოხუცებ...

სიამოვნებით ყვებიან ამის შესახებ, თუ უშვილო ცოლ-ქმარს როგორ გავრცელებულ მოხუცი, როგორი სიტყვებით მიაწოდა მათ ვაშლი და ამ ვაშლის მაგივრად ქაღალდის საფუძველზე როგორ შეეძინათ მათ ჩვეულებრივი ან ოქროსთმიანი ქალი ან ვაჟი.

აჭარაში ფართოდ არის გავრცელებული ერთი საინტერესო და მეტად ტევადი სიტყვა „დაადინეს“. იგი გულისხმობს მრავალ მიმართულებას, გავრცობას. ამბის ასეთ გავრცობასთან ვვაქვს საქმე ნ. გვარამიშვილის ზემოთ დასახელებულ ნაწარმოებში.

გველშაპმა დედისერთა გოგონა დედას „მოსტაცა და გააქროლა“. ეს ამბავი „ქვეყანაზე დაადინეს“. შეწუხდა მერცხალი და „იწყო გლოვა“, შეწუხდა ვარდი და დაიწყო ტირილი. არც წყარო დარჩა გულგრილი, „წვეთიც აღარ დაიტოვა, დაშრა, განდა გულსაკლავი“. ეს სამწუხარო ამბავი გაიგო მწყემსის ქალმაც. ქალმა ამაზე უამბო ქმარს. ქმარმა აიღო სალამური, ჩაპბერა და დუჟკა. დიდ-პატარა შეკრიბა და უთხრა:

**მეგობრებო, არას გვარგებს
უსარგებლო ცრემლთა თოვა.
მივეშველოთ იმ გლეხის ქალს,
გამოვიხსნათ თითისტოლა.**

შეკრებილი ხალხის წრიდან გამოვიდა ერთი აბრეშუმისქოჩრიაანი ყმაწვილი, მე შევეშრობ დედას ცრემლებსო, და გაეშურა ვეშაპისაკენ.

ქართულ ფოლკლორში ფართოდაა ცხოვრილი სამწუხარო ამბის გავრცელების მოტივი. საამისოდ სხვადასხვა ხალხური მხატვრული პოეტური საშუალებებია გამოყენებული, მათ შორის აღსანიშნავია ზარისცემით ან სალამურის ხმაზე ხალხის შეკრება და სამწუხარო (ზოგჯერ საბედნიეროც) ამბის შეტყობინება, ჩიტის და, საერთოდ, ფრთოსნების მეშვეობით ამბის შეტყობინება და მრავალი სხვა.

როგორც დავინახეთ, თითისტოლა, გოგონას ვეშაპისაგან მიტაცების სამწუხარო ამბავი „ქვეყანაზე დაადინეს“.

* * *


ფრიდონ ხალვაშისათვის ნაცნობია ზამთრის იდილია, ბავშვების რომანტიკა, ბუხრის წინ მორთხმული „ძველი კაცი“ ანუ სასიამოვნოდ ამბის მთხრობელი პაპა, რომელიც ყვება „ძველ ამბავს“, ამ შემთხვევაში — ზღაპარს, თქმულებას, გადმოცემას და სხვა.

„ძველი ამბის“ მოყოლის ასეთი წეს-ჩვეულება ოდითგანვე დიდ პატივში იყო. ამ წეს-ჩვეულებას ეხმარებოდა ფრ. ხალვაშის ერთ-ერთი უსათაურო ლექსი, სადაც ვკითხულობთ:

**წავიდა პაპა, დაგვჩა ზღაპარი,
კვლავ ახრამუნებს ფიჩხებს ბუხარი,
მავრამ ვინდა თქვას ძველი ამბავი,
ხან სახარხარო, ხან სამწუხარო.**

ამ სტროფში არ არის რომელიმე ზღაპრის ან გადმოცემის ელემენტები, ეს უფრო მეტწილად იძლევა ასოციაციურ შეფასებას ხალხური ნიმუშებისას. მართალია, კვდება მთქმელი, ინფორმატორი, მავრამ მთავარია, რომ ცოცხლობს ხალხი და მისი სულის ნათელი გამოსხივება, როგორცაა ფოკლორი. ზემოთ მოტანილი სტროფი იმითაც არის საინტერესო, რომ მასში გამოყენებულია პოპულარული ფოლკლორული ნიმუში „გამხიარულდი, ბუხარო“. მართალია, იგი ციტირებულ ლექსში შევიდა შეცვლილი სახით, მავრამ მთავარია, რომ მას ეს ცვლილება შეეხო მხოლოდ გარეგნულად და არა განწყობილებას, რომელსაც ასოციაციურად ხალხურ ლექსთან მიეყავართ.

აჭარაში, ისევე როგორც საქართველოს სხვა კუთხეებში, ფართოდ არის ცნობილი



გალექება-გაშიარების ტრადიცია. ეს ძლიერ ფეხმოკიდებული წეს-ჩვეულებები, რომლებიც ირების დროს, ჩვეულებრივ, მიმართავენ ლექსად თქმის ორ ხერხს, ერთია, რომ ლექსად მოპაექრე მიმართავს მოცემულ კონკრეტულ შემთხვევაში შესაფერისად მორგებულ ხალხური ლექსის სტროფს. მეორე შემთხვევაა, როცა შაირობის პროცესში ახალს ქმნის ან არსებულ ლექსს ან სტროფს ვადააკეთებს და სიტუაციას მოხერხებულად მორგებს. აჭარული გაშიარება-გალექების უმდიდრეს საწესჩვეულებო ტრადიციულ ნიმუშთან აღსანიშნავია ლექსი „გოგოვ, გოგოვ, კისკისა“. მასთან შემოქმედებით კავშირ-ურთიერთობაშია ფრ. ხალვაშის ლექსი „წყალი მასვი კოკითა“.

წყაროსთან ვარ, მწყურია,	სიყვარულის თოკითა.
წყალი მასვი კოკითა.	წყაროსთან ვარ, მწყურია.
განა დასაწყუნია,	წყალი მასვი კოკითა,
თუ სიყვარულს მოგიტან?	წყალი მასვი კოკითა.
გული გაბაწრულია	წყალი მასვი კოკითა.

ეს ლექსი მთლიანად ხალხურ-კილო-განწყობილებაზეა შექმნილი, მაგრამ იგი კონკრეტულად ხალხური ლექსიდანვე იღებს შემოქმედებით სათავეს.

ფრ. ხალვაშის აქ განხილულ ლექსში არის ერთი ასეთი სტროქონი: „შენი თხოვნა მწაღია“. იგი მტკიცე ლოგიკურ კავშირშია ისეთ ტრადიციულ შაირებთან, როგორიცაა:

**მადლა სერზე ასვლა მინდა,
კვერცხის გულის ატანა,
ლამაზ გოგოს თხოვნა მინდა,
ყვითელ კაბის მიტანა.**

აჭარაში თურქების სამასწლოვანი ბატონობის შედეგებს მათი ასიმილაციური პოლიტიკის გატარების ცდებსა და, აქედან გამომდინარე, ადგილობრივი მოსახლეობის საერთო განწყობილებას მიუძღვნა ფრ. ხალვაშმა ლექსი „ბალადა მეჩონგურზე“. სახეები — „მოხუცი“, „ძველი კაცი“, „ჩონგური“, მასზე ძველი ამბის დამღერება ვ. წ. გალექსვა-მილექსების ტრადიციის არხებით ერთ ცნებაშია გაერთიანებული.

ლექსში „საღღერძელო“ იგივე ცნებები შემოდის. ცნებები „მოხუცი“, „ღვინო“, „ჩონგური“ და „სიმღერა არდაჟანგული“ ფოლკლორული ლექსიკის საკუთრებაა. იგი, ჩვეულებრივ, ქმნის შესაბამის განწყობილებას:

**მიეცით მოხუცს ღვინო და
მისი ქართული ჩონგური...
რომ გვითხრას ძველი სიმღერა,
სიმღერა არდაჟანგული.**

ქართული საწესჩვეულებო სიტყვიერება ქართული ფოლკლორის ერთ-ერთ საინტერესო შენაკადს წარმოადგენს და მასთან ქართველ მწერალთა შემოქმედებითი დამრკიდებულება მეტად ორიგინალური და საინტერესოა.

* * *

როგორც საქართველოს ყველა კუთხეში, ასევე აჭარაში განსაკუთრებულ პატივშია ხალხური გადმოცემა — „ძალა ერთობაშია“, რომელშიც ლაპარაკია იმაზე, რომ მიამამ როგორ მოატანინა შვილებს ჯოხები: შეკრა კონად, თითოეულს შიაწოდა და უთხრა, გატეხეო. შვილებმაც კონა, ცხაღია, ვერ გატეხეს, მაგრამ თითო ჯოხი ადვილად დაამტკიცეს.

შოთა როყვას ერთი უსათაურო ლექსი სწორედ ერთობის ძალისა და უძლეველ-

ბის აპოლოგეას წარმოდგენს და იგი ეძღვნება დიდი სამამულო ომის წლებში სსრკ-ის
ხალხის ძღვემოსილ გამარჯვებას:

რამდენჯერ გაბედეს რკენა,
ფიქრობდნენ, — დავშლით და წავშლით,
ცალკე-ცალკე მოგვსობდნენ ყველას,
მაგრამ ვერ ძლია და ვერა
ბოროტმა გულმა და ხელმა
მტკიცეს და ერთიან კავშირს.

აჭარაში ფართოდ არის გავრცელებული ე. წ. დაცდის სიტყვაობა. მაგალითად,
სკეინჩას „ძახილს“ ასე შეესიტყვებიან, „მშვიდობა იყოს“, ხოლო მამლის მოულოდნელ
შეყვილებას — „კაი ამბავი მე, ოქროს ნისკარტი — შენ“. ყორანი მუდამ იყო უარყო-
ფითი მხატვრული სახე, ეს ლიტერატურაშიც ასეა ცნობილი და ფოლკლორშიც.

შ. როყვას ქვემოთ დასახელებულ ლექსში მკაფიოდ გამოიკვეთა ჩიტის მიერ სამ-
შვიდობო, კარგი ამბისა და ყორნის მიერ ცუდი ამბის მოტანის მომენტები. ლექსში
გვითხულობთ:

თუ შორსა ხარ, ჩიტს უთხარი	ჩიტო-გვრიტო, მარგალიტო,
მომაწვდინოს ხმები.	შენ კი გენაცვლები.
ჩიტი იცნობს დედაშენის	ოღონდ ყორნის მეშინია.
გახუნებულ კაბას.	ნუ მომიტანს ამბავს.

ეს ლექსი იმ დედის შინაგანი მონოლოგია, რომელიც ელოდება ფრონტელი შვილის
წერილს. ამავე დროს, ეშინია, ვაი თუ ომიდან ცუდი ამბავი მომივიდესო. მას კეთილი
ამბის მაუწყებლად ქვეყნად სიკეთის მაუწყებელი ფრთოსნები მიაჩნია, ხოლო უბედურე-
ბის მაუწყებლად — ბოროტების ხალხური მხატვრული სახე, როგორცაა ყორანი. ეს
სიმბოლოები ფოლკლორიდან ლიტერატურაში ყველაზე დიდი პატივით გამოიკვეთა...

შ. როყვას ზემოთ დასახელებულ ლექსში ყორანი, ცხადია ბოროტ სულად არის
წარმოდგენილი.

აჭარის საწესჩვეულებო სიტყვიერებასთან კონტაქტები გარდა დასახელებული ლე-
ქსებისა, შოთა როყვას სხვა ნაწარმოებებშიც აღინიშნება.

* * *

ხალხურ სიბრძნესთან, ფოლკლორთან მწერლის შემოქმედებითი სიახლოვე პირვე-
ლი გარანტიაა ლიტერატურული ნაწარმოების პოპულარობისა, პოეტის მხატვრული აზ-
როვნებისა და შეხედულებების სრული და შთამბეჭდავი რეალიზაციისა. ამის საილუს-
ტრაციოდ დავასახელებთ ქსენია მყავიას ლექსს „საგაზაფხულო“.

იღიმება გაზაფხული,
გაუშლია სხივთა ბადე
და ალერსში გაწაფული
უნანავებს სიო ვარდებს,
პეპელა კი ფრთების გაშლით
იას დასწვდა საკოცნელად:
ეს ერთი და სხვა ათისი,
ჩამოსძახა ჩიტმა ჭრელმა.

ციტირებულ ლექსში „გაზაფხულის დიმილი“, „სხივთა ბადის გაშლა“, „სიოს ალერსი“,
„პეპელა“, „იი“ და სხვა დარჩებოდა პოეტურ პალიტრაზე განლაგებულ „უძრავ“ და თავის
თავად ფერებად, მას ხალხური გამოთქმა რომ არ ანიჭებდეს ქმედითობას და არ აბამ-

დეს დროთა და მოვლენათა იმ ფერადოვან წრიულ მოძრაობაში, „კარტუზის“ კრულა პერანგებიანი ბავშვების ქროლვას რომ წააგავს. აქ ჩამოთვლილი მებელ ფორმულად ედერს ხალხური: „ეს ერთი და სხვა ათასი“, რომელიც ფოლკლორში ცნობილი ე. წ. დალოცვიდან მოდის.

მასწავლებლისადმი მიძღვნილ ლექსში „გულით ვლოცავ“ ვკითხულობთ:

**მაგონდება ძველი სკოლა,
კიბეები დაბრცილი,
ვარდისფერი ბილიკები
ფრენა-ფრენით დაკეცილი.**

„ჰაეეე, ჰაეეე, ვერ დავკეცე“ არის ხალხური გამოცანა. გამოცანის პასუხია „გზა“. ქს. მუავია ციტირებულ ლექსში თვითონ ასახელებს „ბილიკს“ და ხალხური გამოცანა შემოჰყავს პოეტურ „ბრუნვაში“ („ვარდისფერი ბილიკებით ფრენა-ფრენით დაკეცილი“).

ქს. მუავია, მართალია, იშვიათად მიდის ფოლკლორულ სათავეებთან, მაგრამ სადაც მას იყენებს, როგორც შემოქმედების პირველწყაროს, ყველგან სასურველ ეფექტს აღწევს

* * *

ჯემალ ქათამაძის პოეზია მკიდროდაა დაკავშირებული საერთო ქართული ხალხური პოეტური აზროვნების შინაგან ბუნებასთან, თვისებებთან და ინტონაციასთან, ჩვენი აზრით ჯ. ქათამაძის ლექსების მთავარ თვისებად სწორედ ფრაზის გამჭვირვალობა, უბრალოება და მოქნილობა უნდა ჩაითვალოს. ეს კი სათავეს, რა თქმა უნდა, ფოლკლორისაგან იღებს. აღნიშნულის საილუსტრაციოდ მოგვთავსებს ერთი პატარა ლექსი:

ერთი გოგო დავღანდე, მინდორ-მინდორ მირბოდა, ბიჭი ვიყავ, რა ბიჭი. სიყვარული მინდოდა.	დიღხანს ვიდექ ჩინართან, წყარო წყალი დიოდა. ციცა გაუჩინარდა. ზღვაში მზე ჩაღიოდა.
---	--

ეს ლექსი ნასაზრდოებია ცნობილი ხალხური ლექსისაგან, როგორც გამოსახვის საშუალებებით, ასევე კილოთი და განწყობილებით:

**მე რომ გოგო მინდოდა,
მინდორ-მინდორ მივდოდა .**

საწესჩვეულებო სიტყვიერების შესანიშნავი მომენტია ზღაპრის თქმის ტრადიცია. ზღაპარს, ჩვეულებრივ, ძილისწინ მოუთხრობდნენ ბავშვებს. იყო ზღაპრის მოყოლა სხვა ვითარებაშიც. ყველა შემთხვევაში დიდი პატივით სარგებლობდა ძველზღაპრე, რომელიც ოსტატურად ყვებოდა ზღაპარს — მშვენიერებისა და სიბრძნის ამბავს.

ჯ. ქათამაძის ლექსში „ზღაპარი იყო“ ვკითხულობთ:

ვერ მოასწრებდი სალამსა, იცოდა ზღაპრის მოყოლა. მომიყვებოდა არაკებს ღევთა, ეშმაკთა, რაინდთა. გააგრძელებდა თავიდან.	დააკლდა სოფელს დიმილი, ხეებს ყვავილთა ფაფარი ზღაპარი იყო მოხუცი და გაქრა, როგორც ზღაპარი.
--	--

ჯ. ქათამაძის ლექსების წიგნში „მიწის სიმღერა“ ვკითხულობთ:

**„რატომ არ მოხველ პატარა სურით
წყაროსთან ისევ, მარტო?“**

თუ გსურს ბავშვობის სიზმარი ტკბილი
წყაროსთან მოდი სურით.

ქალიშვილი კოკით — ამ მეტად პოეტურ და ხალხურ მხატვრულ-პლასტიკურ სახეს პოეტი ვერც სხვაგან შეელია. მომდევნო ლექსების კრებულში „რაც მინატრო“ ვკითხულობთ:

წყაროსთან მოჩანს ლამაზი ქალი.	დიდი ხანია გაივსო კოკა,
ვარდის სინაზე უხდება ლოყას.	ღარიდან უხვად იღვრება წყალი.
ვიღაცას ეძებს ცისფერი თვალით.	ამბოჩი უნდა ყაყაჩოს ლოყას —
მხურვალე გული ტოკავს და ტოკავს.	არ გააწბილო, ვაჟაუ, ქალი.

ამ ლექსის მხატვრული დეტალები საინტერესოდ ესმინება ისეთ ხალხურ ლექსებსა და მის ვარიანტებს, როგორცაა „გოგო წყაროს მიდიოდა“, „ჩემო ხელის მომკვიდეო“, „საწყალზედარ“, „აი, თინაო, თინაო“. ჯ, ქათამაძის ზემოთ ციტირებული ლექსები ამ ხალხურ ლექსებთან ორგანულ კავშირშია და უმეტესწილად მათგან გამომდინარეობს, რაც საინტერესო შემოქმედებითი ფაქტია.

* * *

ზურაბ გორგილაძის მთელი რიგი ლექსები ორგანულად დაკავშირებულია აჭარის საწესჩვეულებო სიტყვიერებასთან. ამათგან განსაკუთრებით აღსანიშნავია „იქ, არჩვის ნახტომს“, „ხალხურ კილოზე“, „შენ ხარ ვენახი“, „მეთევზე ბიჟის ბაღადა“, „ჩაღმა ჩაყრილო ვენახო“, „ვაშლოვანში“, „პოიდა ნანა“ და სხვ. ამ ლექსების პოპულარობა ფოლკლორიდან, ხალხური პოეტური ძირებიდან იღებს სათავეს.

აი, როგორ აქვს დაღის პლასტიკური მხატვრული სახე წარმოდგენილი პლეტს ლექსში „იქ, არჩვის ნახტომს“:

წამოდი, მზისფერ ველის ორთქლში მოგნახავს დალი
და ნატიფ სულში აყვავებს იღუმალ ფერებს.
შენს სუსტ სხეულში განათდება პირველი ქალი.
წამოდი,
მაგრამ ჩემთან ერთად დაბრუნდი მერე.

ან კიდევ:

ქალას ჩაღმა ჩავუყევი ბამბუკით და ანკესით,
ბიჟი ვიყავ მზეპერანგა, მოხეთქილი, ანგეში,
და იქ, სადაც შრიალი და ბინდი იცის წნორებმა,
დავინახე, ქერა ქალი დალაღებს ისწორებდა.

აქ მითითებული ლექსები ნათლად მეტყველებენ იმაზე, თუ როგორ გავლენას ახდენს ხალხური სიტყვიერების ნიმუშები პოეტზე, როგორ შემოჰყავს ავტორს მისი პერსონაჟები და მათთან როგორ შემოქმედებით კონტაქტებს ამყარებს. ამას, როგორც ვხედავთ, დიდი ზნეობრივ-ესთეტიკური მნიშვნელობა აქვს.

აჭარის საწესჩვეულებო სიტყვიერებაში განსაკუთრებულ ადგილს იჭერს ვაზის ტრადიციული სიყვარული და მზრუნველობა. ამ მიმართებით ცნობილია ხალხური ლექს-სიმღერები „შენ ხარ ვენახი“ და „ჩაღმა ჩაყრილო ვენახო“.

ზ. გორგილაძემ ამავე სათაურზე შექმნა ლექსები და თავის წიგნს სათაურად მისცა ხალხური სტრიქონი „ჩაღმა ჩაყრილო ვენახო“, რაც ფოლკლორთან სიახლოვისა და სიყვარულის მაუწყებელია.

ხალხური პოეზია ზ. გორგილაძემ გამოიყენა შემოქმედებითად და შექმნა შესანიშნავი ლექსი, რომლის მთავარი პათოსია სეველა ეაზის „ზედისა“ თეორიის ანტიილუსტრირება ბატონობის დროს აჭარაში.

საწესჩვეულებო სიტყვიერებათაგან აღსანიშნავია აჭარული შაირები და სხვა ხასიათის ლექს-სიმღერები, ყველა მათგანისათვის დამახასიათებელია სტრიქონის სიმსუბუქე და სილამე, ბოლო სიტყვის გავრცობა ემეტიკური ხმოვნით, ხალხური კილო, გამოსახვის თავისებური საშუალებანი.

სწორედ ამ მხატვრული კომპონენტების განმეორებას წარმოადგენს ზ. გორგილაძის ლექსი „პოიდა ნანა“:

მთები ვისთვის თვალსეირი
ვისთვის ჭავრი შიგნიდანა.

ქვებში ჩუმაღ დაქვითინებს
ჩემი დიდი ნენეს ნანა.

დარდებს გულში ვიბექსნიდი
აჭარელი ვიყავ განა.

სწორედ ამ ლექსზე ითქმის შემდეგი: შეიძლება ამა თუ იმ ნაწარმოებში უშუალოდ არცერთი კონკრეტული ხალხური ნაწარმოების გავლენა არ იგრძნობოდეს, მაგრამ ემყარებოდეს ფოლკლორული ასოციაციების კრებითი სახის ფენომენს. ხალხურ კილოს, ტრადიციას და ხასიათს.

ასე საინტერესოა ტრადიციული ხალხური ძირების ზეგავლენით შექმნილი ნაწარმოებების თავისებურება და ხასიათი.

* * *

როდესაც შოთა ზოიძის ლექსებს „ქართულ ზღაპარსა“ და „უჩინ-მაჩინის ქუდს“ გავეცნობით, ფოლკლორული მომენტები მათში ისე ოსტატურად, სიყვარულითა და საქმის ცოდნით არის რეალიზებული, რომ ავტორს ამ კონკრეტულ მაგალითზე თამამად შეიძლება ვუწოდოთ ზღაპარზე შეყვარებული პოეტი, უფრო სწორად კი — ჯანსაღი ფოლკლორისტული შეხედულებების პოეტი.

ზღაპარს, როგორც დასაწყისს, ასევე დასასრულს გააჩნია ტიპური, ერთხელ და სამუდამოდ მტკიცედ ჩამოყალიბებული და თითქმის „გაქვავებული“ ფორმები, როგორცაა „იყო და არა იყო რა...“ ამ შემთხვევაში ჩვენ გვიინტერესებს ზღაპრის დასაწყისი და ყურადღებასაც მასზე გაფანახებულები. „ქართულ ზღაპარში“ ვკითხულობთ:

იყო და არა იყო რა — ასე იწყება ზღაპარი,
ასე იწყება სოფელი, ასე იწყება მთა-ბარი.
ასე იწყება სიცოცხლე, სიკვდილიც ასე იწყება,
ასე იწყება ქართული ლექსი და თავდავიწყება.
ასე იწყება ქვეყანა, ასე იწყება სამყარო
და შენაც ასე იწყები, ჩემო ქართულო ზღაპარო.
და მეც ვარ ზღაპრის ნიმუში.
ზღაპარში დამკრეს, კრილობებს
ისევ ზღაპარში ვიშუშებ.

როგორც ლექსი, სიმღერა, მუსიკა, ასევე ზღაპრის პერსონაჟები მუდამ თან ახლავს ადამიანს. ისინი განუყრელად ადამიანებთან არიან. უფრო მეტიც, ისინი ცხოვრებაში პასიურნი—განყენებულნი და უსიცოცხლონი კი არა, არამედ ქმედითნი არიან. ზღაპრისა

და მისი პერსონაჟების გარეშე არ არსებობს ასე თუ ისე მნიშვნელოვანი მომენტები ადამიანის ცხოვრებაში. დიდი სიყვარული ზღაპრებისადმი, მისი აქტიური და მარადიული მონაწილეობა ადამიანთა ცხოვრებაში ასე აქვს პოეტს გააზრებული:

ზღაპარი — ქართულ ქორწილში,
ქართულ ქელეხში — ზღაპარი...
ზღაპარში დაბერებულან
ეს ჩვენი მამა-პაპანი.
ზღაპარში დაბადებულან
ეს ჩვენი ჭინკა ბიჭები.
ღაღიან, კი არ ღაღიან,
ზღაპარში დაბიჭებენ.

ზღაპარში დაქალებულან
ჩვენი მშეთუნახავები:
ზღაპარში მოუპარიათ
ლამაზ-ლამაზი ხალგები.
მათი პატარა გულები.
ზღაპარმა გადაიყოლა.
ზღაპარმა გადაიყოლა,
იყო და არა იყო რა.

ზღაპრის ასეთი პოეტური შეფასება იმის გარანტიაა, რომ აქ ვილაპარაკოთ არა მარტო ფოლკლორთან შ. ზოიძის პოეტური ურთიერთობის საკითხზე, არამედ იმაზეც, რომ თუ რა შეხედულების არის პოეტი ფოლკლორის მიმართ. ამგვარი შეხედულების დასტურია სტრიქონები:

ზღაპარი იყო საგზალი,
როცა ქვეყანას უჭირდა.

აქ საინტერესოდ არის დანახული ზღაპრის როლი. შ. ზოიძე ყველაზე დიდ იმედად და სიამაყედ ზღაპარს მიიჩნევს, რადგან პიროვნების უკვდავება ხალხის გენიალური შემოქმედებით არის განპირობებული:

შენ რომ არ იყო, ზღაპარო,
დავიშრიტები, დავშრები.
დაყრუვდებიან მამები,
დაბრმავდებიან ბავშვები.
აკვანთან დედის ნამღერი
იავ-ნანა ხარ შენ ჩემი.
ვიცი შე მალე მოკვდები,
შენ კი ქვეყანას შერჩები.

ამ ლექსის შინაგანი პათოსი მისი ესთეტიკურ-აღმზრდელი ფუნქციაა, რადგან ზღაპრის გარეშე „დაყრუვდებიან მამები“, „დაბრმავდებიან ბავშვები“.

ასეთია ზღაპრის სოციალური, ზნეობრივი და ესთეტიკურ-აღმზრდელი ფუნქცია შოთა ზოიძის პოეტური გააზრებებით. ეს, ცხადია, მეტად საინტერესოა, მაგრამ კიდევ უფრო საინტერესოა ის, რომ ზემოთ განხილული ლექსი „ქართული ზღაპარი“ მთელი სისხვით ესადაგება ზღაპრის ხალხურ გაგებას და მის საწესჩვეულებო სიტყვიერებას.



მარტივი ტოპონიმები

მარტივი სახელების მეცნიერულ შესწავლას მრავალმხრივი მნიშვნელობა ენიჭება. მკვლევართა დაკვირვებით ამ რიგის გეოგრაფიული სახელები უფრო მყარია.⁵ გეოგრაფიულ სახელთა ნომენკლატურაში მარტივფუძიანი სახელები უძველეს ფორმებს ინარჩუნებენ და ნაკლებად განიცდიან ცვლილებებს. ამ სახის ტოპონიმები ენის ძირითად ლექსიკურ ფონდს განეკუთვნებიან და საინტერესო ინფორმაციას გვაწვდიან გეოგრაფიულ სახელთა უძველესი ისტორიის შესახებ.

ძველ წერილობით წყაროებში, ლიტერატურულ ძეგლებში ტოპონიმთა დიდი ნაწილი მარტივი ფუძითაა წარმოდგენილი, ასეთი ტოპონიმების სემანტიკური მხარე ზოგჯერ დაბნელებულია. ძნელი ხდება, ფუძეში მომხდარი ძირითადი ცვლილებები აიხსნას თანამედროვე ენის ნორმების მიხედვით. ხშირ შემთხვევაში უფრო ხელსაყრელია ძველი ქართული ენის თავისებურებათა მისადაგება და კონკრეტულ ისტორიულ ასპექტებში მათი განხილვა, მიუხედავად იმისა, რომ ამ რიგის სახელები მკვეთრ ფონეტიკურ ცვლილებებს არ განიცდიან, გვაქვს ისეთი შემთხვევებიც, როცა დიალექტის ზეგავლენით სახელის ფუძეში საკმაო ცვლილებებია მომხდარი, მაგრამ ლოკალური თავისებურებანი ცალკე გამოკვეთის შესაძლებლობებს არ იძლევა, ქრთული ენის საერთო კანონზომიერებათა ფონზე მიმდინარეობს.

მარტივფუძიან გეოგრაფიულ სახელთა ძირითადი თავისებურება ის არის, რომ მათი დიდი უმრავლესობა წარმოდგენილია სახელობითი ბრუნვის ფორმით. მარტივფუძიანი ტოპონიმები გამოხატულია უმთავრესად არსებითი სახელით (კონცხი, მერე, მამული), ხოლო იშვიათად ზედსართავი სახელით (ღრმა, ობოლი). ზედსადრთავი სახელით გადმოცემული მარტივი ტოპონიმები საზღვრულდაკარგული გაარსებითებული გეოგრაფიული სახელებია.

აკადემიკოსი ა. შანიძე მიუთითებს, რომ ყოველგვარი საზოგადო სახელი შეიძლება მიეკუთვნოს რომელსამე დასახლებულ პუნქტს ან ფიზიკურ-გეოგრაფიულ ობიექტს და იქცეს საკუთრად.⁴ ასეთი სახელები იშვიათია გა ძირითადად დაკავშირებულია პუნქტის ადგილმდებარეობასთან, რელიეფთან ან მეტურნეობასთან.⁵

ქვემო აჭარის ტოპონიმოლოგიურ მასალებში მარტივფუძიან სახელებს გარკვეული ადგილი უჭირავს: ა გ ა რ ა — სათესი (ზვარე), ა ვ ა ზ ა ნ ი — სათესი (კვაშტა), ა ხ ო — სოფელი (ქედის რ.) ა ბ ა ნ ო — სათესი (ვარჯანისი), ბ ა რ ი — სათესი (აქუცა), ბ ა ღ ი — ხეხილი (დოხოძეები), ბ ა გ ა — სათესი (ნამონასტრევი), ბ რ ა გ ა — სათესი (მახუნცეთი), ბ ე თ ლ ე მ ი — ტყე (გულეები), გ ო მ ი — ტყე (მადლაკონი), გ ვ ი რ ა ბ ი — საძოვარი (ნამონასტრევი), გ ო რ ი — სათესი (არსენაული), ლ ო დ ი — სათესი (ჩხუტუნეთი), დ ვ ი ბ ე — სათესი (ჩხუტუნეთი), ე წ ე რ ი — სათესი, ტყე (მარადიდი, საღორეთი), ვ ა კ ე — სათესი (მირვეთი, ჩიქუნეთი, კირნათი), ვ ე ნ ა ხ ი — ვენახის ბაღი (ტიბეთა, ვაიო), ვ ა ნ ი — სათესი (ვარჯანისი), ზ ე გ ა ნ ი — ტყე (კირნათი), ზ ვ ა რ ე — სოფელი (ქედის რ.), კ ო რ დ ი — სათესი (ინაშარიძეები, ჭალახმელა) კ ა ლ ო — საძოვარი (ტიბეთა), კ ო ნ ც ხ ი — ტყე (მახუნცეთი), კ ო ხ ი — ქვიანი ადგილი (ზუნდავა), კ ა პ ა ნ ი — უბანი (აღმართი), — ლ ა რ ი — საძოვარი, ტყე (გორგივლი).

ლიე — სათესი (გეგელიძეები), ლაშე — მთა, საძოვარი (ნამონასტრევი),
სათესი (კვაშტა, ტიბეთა, კოკოტაური, სულ 9 ტობ.), მამული —
ზოზოფელი, აბუქეთა), მარანი — სათესი (ზენდიდი, დვეთი), მოდული — ტყე,
სათიბი (გობრონეთი, ტაკიძეები), მინდორი — სათესი (ყურაულა, კვინჩხა, კოლოტა-
ური...), ოჯადი — ტყე (მირვეთი), ოფე — წყარო (დოხოძეები), ოროკი — ბუნ-
ქნარი, (მახუნცეთი), როხი — სათესი (ორცვა), ტბა — ტყე (კვინჩხა), უყვი —
ტყე (უჩხითი... სულ 14 ტობონიმი), ფერდი — სათესი (ჭანიერი), ფლატე — სა-
თესი (კაკაბაძეები, ჭანიერი), ფარეხი — ყანები (არძენაძეები), ქედი — შესასვე-
ნებელი ადგილი (ქედქედი), ქოხი — ქვიანი ადგილი (ბზუბზუ), ქაშანი — ტყე
(გოგინიძეები), ღორდი — სათესი (ვაიო), ქეტო — ტყე (ქედა), ყელი — უბანი
(აბუქეთა), ყორი — ტყე (ზუნდავა), შტვირი — ტყე, სათესი (ჩხუტუნეთი), შარა
— სათესი (აბუქეთა), ჩხერი — ღლე (ჩხუტუნეთი), ცარა — ტყე (მარადიდი, აჭუ-
ცა), წყარო — ტყე (კოკოტაური), ჭალა — სათესი (მერისი, კვაშტა).

ყურადღებას იწვევს უძველეს სამიწათმოქმედო კულტურასთან დაკავშირებული
მარტივფუძიანი ტობონიმი ახო. თითქმის აჭარის ყველა სოფელმა შემოინახა ახოს
სახელწოდებით სავარგული მიწები, ტყეები, ბუნქნარები და სხვა, რომელთაც ძველი
სახელი შერჩენიათ, ხოლო შინაარსით აღარ უპასუხებენ უძველეს ფორმას. ახოს სახე-
ლწოდებით არის ქედის რაიონში დიდი სოფელი. ახოზის ქვეშ იგულისხმება მიწათმო-
ქმედების გარკვეული სისტემა, რომელსაც საქართველოში დიდი წარსული აქვს. იგი
ითვისწინებდა, როგორც მუდმივად, ასევე პერიოდულად გამოყენებული სახნავ-სათესი
ფართობის შექმნას ტყის გაკაფვის ხარჯზე.⁸ აკადემიკოსი ივანე ჯავახიშვილი მიუთითებ-
და, რომ თუ მოსახნავად განკუთვნილი ტყე — ჯანარს წარმოდგენდა და ბუნქნარები-
საგან გაწმენდას საჭიროებდა, ასეთნაირად შემზადებულ სახნავს ან ნახნავს ძველად ახო
ეწოდებოდა.² საბას განმარტებით, ახო არის „საყანური გაკაფული“, ამ მიმართე-
ბით საინტერესო მონაცემებს შეიცავს ისტორიკოს დ. ბაქრაძის ცნობა, კინტრიშის ხეო-
ბის მოსახლეობის შესახებ. „საბრალო მცხოვრებლები სიმინდის სათესად დიდი შრომის
ფასად კაფავენ უღრან ტყეებს მთის კალთებზე“.³

აჭარის ბუნებრივ სამეურნეო გარემომ, სახნავ-სათესი მიწების სიმცირემ დიდად შე-
იწყობ ხელი ტრადიციული ახოზის უძველესი დროიდან დაწინაურებას. ამაზე ნათლად
მეტყველებს ტობონიმიკური მასალები და აჭარის მოსახლეობის ყოფაში დაცული მდი-
დარი მონაცემები.

მარტივფუძიან გეოგრაფიულ სახელებში გარკვეული ადგილი უჭირავს ჰიდრონი-
მებს ტბა, დილე, წყარო, ჭა, ჭაობი, ლია და სხვ. საინტერესოა
ტობონიმი ლიე||ლია — სათესი (გეგელიძეები). საბას მიხედვით ლია საფლობო ტალა-
ხის აღმნიშვნელია. გარკვეული ყურადღება მიუქცევია ამ სიტყვისათვის აკადემიკოს
ივ. ჯავახიშვილს, რომელსაც მოჰყავს სათანადო ადგილი ბერი ეგნატაშვილის ნაშრომი-
დან, როდესაც აღწერს სვიმონ მეფის ურუმთა ხელში ჩაყარდნის ამბავს: სვიმონს ფარც-
ხისზე „მომავალს დახუდა ლია და დაეფლა ცხენი ლიაში გან“. მკვლევარი
დაასკვნის, რომ ლია მართლაც საფლობი ადგილი ყოფილა.¹

აჭარის ტობონიმიკური და ეთნოგრაფიული მასალები, მეტყველების თავისებურებანი
მიუთითებენ, რომ ტობონიმი ლია თავდაპირველად წყლიანი ადგილის აღმნიშვნელი
ყოფილა. რომ ლია წყალთან დაკავშირებული სიტყვაა, ამის შესახებ აჭარულში შე-
მოგვენახა გამოთქმა „წყლის დალივანება“ სიტყვაც „დალია“ უნდა უთქავი-
რდებოდეს ლიას, რომლის მნიშვნელობაც დროთა განმავლობაში გაფართოებულა.

ამასთან დაკავშირებით სავარაუდოა, რომ საქართველოში ერთ-ერთი დიდი მდინარე

თედო სახოკიას უფრო ზუსტი ცნობით, პ. უეაროვას საციხურის ეკლესიიდან წაღობილია „მინის ჭურჭლის ნამტვრევები, ღვთისმშობლის ხატი თხელი ბრინჯაოს, რკინის, რგოლები, სულ პატარა და ტლანქად ნაჭედი ჯვარი რკინისა, ორი ექვანი თითბოსის რკინის გასაღები, რკინის დანა, რკინის და ბრინჯაოს ჩხირები, ვერცხლის ღილები, ნატეხი მინის ფიალასი, ნახატინი და ნატეხი ქვის ხატისა, ხელოვნურად ნაჩუქურთმე ქართულ-მხედრულწარწერიანი. ამ ქვის ხატზე გამოსახულია მაცხოვარი, ღვთისმშობელი და სხვა წმინდანები. იატაკზედ ნაპოვნია მრავალი ნატეხები თიხის ჭურჭლებისა. აგრეთვე უპოვნიათ რქები არჩვისა და წყვილი ირმის რქა, რომელსაც ორივე ბოლო განგვეწაწვეტებული ჰქონია“ („მოგზაურობანი“. თბილისი, 1950. გვ. 138).

6. კავკასიის არმიის კორპუსის მეთაური, გენერალ-ადიუტანტი ივანე გივის ძე ამილახვარი (1829-1905), ქართლის მსხვილ ფეოდალთა შთამომავალი, ცნობილი სამხედრო და საზოგადო მოღვაწე.

1897 წელს გორის მაზრაში მონაწილეობს შავი ჭირის წინააღმდეგ მებრძოლ კომისიაში, სოფელ ქვემო ჭალაში ხსნის სამედიცინო პუნქტს და მოსახლეობას უფასოდ ურიგებს წამლებს. აქვე გამართა საავარაკო ადგილი.

1898 წელს მასთან გორში სტუმრად ჩამოდიან ბარონი დე ბაი და გრაფტი. იმავე წელს შიმშილობის დროს სოფელ ალში გლეხებს ფქვილი დაურიგა. აღადგინა დანგრეული ხიდი გორში, პირველმა დადგა ელნათურა.

1899 წელს თავისი ხარჯით განიზრახა გორის ციხემდე წყლის გაყვანა და ბაღის გაშენება, გამოყო ფული ღარიბი ჯარისკაცებისათვის დასარიგებლად, ინიშნება სამრევლო სკოლების მზრუნველად; განაახლა გორის ციხე.

1901 წელს სტ. კრელაშვილთან ერთად მონაწილეობს რუსეთთან საქართველოს შეერთების საიუბილეო კომისიაში, ქაშვეთის ახალი ტაძრის აგებაში. ამავე წელს თავს ანებებს სამსახურს. 1902 წელს აღინიშნა ი. გ. ამილახვარის სამხედრო მოღვაწეობის 50 წლისთავი.

7. 1893 წელს ქუთაისის სამხედრო გუბერნატორი იყო. გენერალ-მაიორი ლეიტენანტი მიხეილ იაკობის ძე შალიკაშვილი.



გასულ ორ თვეში

საიუბილეო ქრონიკა

ქ. ბათუმის ცენტრალური საბიბლიოთეკო სისტემის, საქართველოს ალკ ბათუმის საქალაქო კომიტეტის, აჭარის სახელმწიფო მუზეუმისა და წიგნის მოყვარულთა საზოგადოების საქალაქო გამგეობის ინიციატივით ი. ჭავჭავაძის ძეგლთან გაიმართა დიდი პოეტის დაბადების 150 წლისთავისადმი მიძღვნილი ლიტერატურულ-მუსიკალური საღამო, რომელსაც ესწრებოდნენ ქალაქის საზოგადოებრიობის წარმომადგენლები, მუშა და სტუდენტი ახალგაზრდობა.

საღამო გახსნა ბათუმის ცენტრალიზებული საბიბლიოთეკო სისტემის დირექტორმა ნ. ჭყონიამ.

ილია ჭავჭავაძის ცხოვრებისა და მოღვაწეობის შესახებ ისაუბრეს დოცენტმა ე. ჭიჭიშვილმა, აჭარის სახელმწიფო მუზეუმის მეცნიერმა თანამშრომელმა ე. მუავიამ, ბათუმის სამუსიკო სასწავლებლის პედაგოგმა ლ. ხარებავამ. ილიას ლექსზე შექმნილი სიმღერა შეასრულა № 4 საშუალო სკოლის გოგონათა ანსამბლმა.

საღამოზე გამოვიდნენ პოეტები მ. ვარშანიძე, ლ. სულაბერიძე, ჯ. ქათამაძე, ლექსები წაიკითხეს ნორჩმა დეკლამატორებმა ლ. ბორჩხაძემ და თ. თედორაძემ.

ი. ჭავჭავაძის სახელობის ბათუმის № 4 საშუალო სკოლის ნორჩმა მომღერლებმა ც. მარდალეიშვილმა და თ. მაღაყმაძემ შეასრულეს სიმღერები საქართველოზე, ხოლო № 14 საშუალო სკოლის მესამეკლასელებმა ნ. ხიმშიაშვილმა და გ. ხანნელიძემ წარმოადგინეს ინსცენირება ი. ჭავჭავაძის „კაცია-ადამიანიდან“. ლიტერატურული მონათუი წარმოადგინეს № 2 სკოლა-ინტერნატის მოსწავლეებმა (პიონერხელმძღვანელი უ. ხალვაში). საღამოში მონაწილეობდნენ ბათუმის კულტურულ-საგანმანათლებლო სასწავლებლის მოცეკვავეთა ჯგუფი, პროფკავშირების კულტურის სახლის ბავშვთა ვოკალური ანსამბლის წევრები. № 32 საბავშვო ბაღის აღსაზრდელებმა წაიკითხეს ი. ჭავჭავაძისადმი მიძღვნილი ლექსები. ბიბლიოგრაფიული მიმოხილვა გააკეთა ე. ძიგუამ.

საღამოს უძღვებოდა ცენტრალიზებული საბიბლიოთეკო სისტემის № 16 საბავშვო ფილიალის გამგე რ. თალაკვაძე.

* * *

ხელვაჩაურის რაიონის სოფელ კირნათის სასოფლო კლუბში გამართულ საიუბილეო საღამოზე შეიკრიბნენ კოლმეურნეები, სკოლა-ინტერნატის მოსწავლეები, ახალგაზრდობა.

კირნათის სასოფლო ბიბლიოთეკის გამგემ ე. წითელაძემ ისაუბრა ილიას ცხოვრებასა და შემოქმედებაზე, აღნიშნა ერის მამის დიდი როლი, რომელიც მან ითამაშა დედანამშობლოსთან დაბრუნებული ჩვენი კუთხის კულტურული და ეკონომიკური აღმავლობისათვის.

დამსწრეთა წინაშე გამოვიდნენ პარტიის ხელვაჩაურის რაიკომის მდივანი რ. ფაღავა, მწერლები: ფრ. ხალვაში, ა. ჩხანიძე, ზ. გორგილაძე, ქს. მუავია, ჯ. ჭაყელი, ჯ. ქათამაძე.

სოფლის აქტივისტებმა და მოსწავლეებმა თ. შალიკაძემ, ხ. აბაშიძემ, ვ. შუშანიძემ, მ. ცინცაძემ, ნ. კახაბერიძემ, დეზმა კურცხალიძეებმა, დ. წითელაძემ, ლ. პატარიძემ და სხვებმა შეასრულეს სიმღერები ი. ჭავჭავაძის ლექსებზე, წარმოადგინეს სცენები მწერლის ნაწარმოებებიდან. დამსწრეთ თავიანთი ხელოვნება უჩვენეს ნორჩმა მოცეკვავეებმა და დეკლამატორებმა.

ორკმსტრი 10 წლისაა

10 წელი შეუსრულდა აჭარის სახელმწიფო სიმფონიურ ორკესტრს. ამ თარიღს კოლექტივმა საანგარიშო კონცერტი მიუძღვნა ბათუმის ი. ჭავჭავაძის სახელობის დრამატულ თეატრში. აუღერდა რ. ვაგნერის, დ. შოსტაკოვიჩის, ა. ვიფლინის, ი. შაიდინის, ო. თაქთაქიშვილის, ა. მაჭავარიანის საორკესტრო თუ საინსტრუმენტო ნაწარმოებები, არიები პ. ჩაიკოვსკის, ჯ. ვერდის, ჯ. პუჩინის, ზ. ფალიაშვილის ოპერებიდან „ევგენი ონეგინი“, „ტრუბადური“, „რიგოლეტო“, „ტოსკა“, „აბესალომ და ეთერი“. მსმენელები გულთბილად შეხვდნენ საქართველოს სსრ სახალხო არტისტების ა. ხომერკის, ჯ. მდივნის, საქართველოს სსრ დამსახურებული არტისტების ზ. ცისკარიძის, თ. გუგუშვილის, ლ. ჩივაძის გამოსვლებს, მევიოლინეთა ტრიოს მ. დუგლაძის, ი. დან. იაშვილის შემადგენლობით.

შემდეგ გაიმართა საზეიმო საღამო, რომელიც გახსნა აჭარის ასსრ კულტურის მინისტრმა ბ. მახარაძემ.

პარტიის აჭარის საოლქო კომიტეტის, აჭარის ასსრ უმაღლესი საბჭოს პრეზიდიუმისა და აჭარის ასსრ მინისტრთა საბჭოს სახელით ორკესტრს მიესალმა პარტიის აჭარის საოლქო კომიტეტის მდივანი ნ. დუმბაძე.

სიტყვით გამოვიდნენ საქართველოს სსრ კულტურის მინისტრის პირველი მოადგილე ი. გამრეკელი, ხელოვნებათმცოდნე მ. ახმეტელი, საქართველოს კომპოზიტორთა კავშირის პირველი მდივანი გ. ყაჩაღი, კომპოზიტორი შ. დავიდოვი.

აჭარის ასსრ ხელოვნების დამსახურებული მოღვაწემ, სიმფონიური ორკესტრის სამხატვრო ხელმძღვანელმა და მთავარმა დირიჟორმა ტ. დუგლაძემ მადლობა გადაიხადა როგორც თანადგომის, ისე კეთილი სურვილებისათვის, შეკრებილთ აღუთქვა, რომ კოლექტივის თითოეული

წევრი ყოველ დონეს იხმარს გაზღეს კლასიკური მუსიკალური მემკვიდრეობის მაღალკვალიფიციური პროპაგანდისტი, აქტიურად ემსახუროს ხალხს.

მამია მარშანიძის საიუბილეო საღამო

ბათუმის ი. ჭავჭავაძის სახელობის სახელმწიფო დრამატულ თეატრში გაიმართა ცნობილი ქართველი პოეტისა და საზოგადო მოღვაწის მამია ვარშანიძის დაბადების 70 წლისთავისადმი მიძღვნილი საიუბილეო საღამო.

ღარბაზში შეკრებილნი გულთბილად შეხვდნენ იუბილარი პოეტის სცენაზე გამოჩენას.

მწერლისადმი მიძღვნილი საქართველოს კომპარტიის აჭარის საოლქო კომიტეტის, აჭარის ასსრ უმაღლესი საბჭოს პრეზიდიუმისა და მინისტრთა საბჭოს მისალმება წაიკითხა საქართველოს კომპარტიის აჭარის საოლქო კომიტეტის მდივანი ნ. დუმბაძემ. მანვე გამოაქვეყნა ცნობა იმის შესახებ, რომ 70 წლისთავთან დაკავშირებით მ. ვარშანიძე დაჯილდოებულია საქართველოს სსრ უმაღლესი საბჭოს პრეზიდიუმის საპატიო სიგელით.

მ. ვარშანიძეს მიესალმნენ საქართველოს მწერალთა კავშირის სახელით — საქართველოს მწერალთა კავშირის გამგეობის მდივანი ხ. ბერულავა, რესპუბლიკის მწერალთა კავშირის აჭარის ორგანიზაციის სახელით — მწერალთა კავშირის აჭარის განყოფილების პასუხისმგებელი მდივანი ო. ხალვაში, პოეტის მშობლიური სოფლის ურეხის კოლმეურნეობის თავმჯდომარე თ. დიასამიძე, ბათუმის შ. რუსთაველის სახელობის სახელმწიფო პედაგოგიური ინსტიტუტის პროფესორი ნ. დუმბაძე, პარტიის ხულოს რაიკომის მდივანი ე. დეკანაძე, პარტიის შუახევის რაიკომის მეორე მდივანი ა. ჭიბლაძე, სახალხო დეპუტატთა ქედის რისაბჭოს აღმასკომის თავმჯდომარე თ. გოგიაშვი-

ლი, მწერლები ი: რურუა და ლ. სულაბე-
რიძე, საქართველოს კომკავშირის ქობუ-
ლეთის რაიკომის პირველი მდივანი გ.
მთავანაძე, საქართველოს სსრ სახალხო
არტიტი ნ. საკანდელიძე, საქართველოს
კომპარტიის საქართველოს საზღვაო სანა-
ოსნოს პარტიული კომიტეტის მდივ-
ნის მოადგილე ვ. ბაუნიოვი. პოეტები
ც. ანთაძე, ჯ. ქათამაძე, შ. როყვა, შ.
ზოიძე, აჭარის ასსრ განათლების მინის-
ტრი ა. ტაყიძე.

საიუბილეო საღამოზე გამოვიდნენ აჭა-
რის მუსიკალური საზოგადოების ანსამბ-
ლი „ხიხანი“, ბათუმის № 6 და შუახე-
ვის საშუალო სკოლების ანსამბლები, ბა-
თუმის პედინსტიტუტის ქალთა ტრიო,
ბათუმის ნავთობგადასამუშავებელი ქარ-
ხნის კულტურის ქალთა ანსამბლი და
მომღერალთა ჯგუფი ქობულეთის რაიო-
ნიდან.

საღამოს უძღვებოდნენ და მ. ვარშა-
ნიძის ლექსებს კითხულობდნენ აჭარის
ასსრ დამახაურებული არტიტები თ. მე-
იშვილი, მ. ხუხუნიანიშვილი, ა. ქარჩავა,
მსახიობი ნ. მშველიძე.

დასასრულ იუბილარმა გულითადი მა-
ღლობა გადაიხადა.

ბანკპირი „მხატვარი ფიროსმანაშვილი“

ბათუმის ნავსადგურში ღუზა ჩაუშვა
საქართველოს საზღვაო სანაოსნოს კიდევ
ერთმა გემმა — „მხატვარმა ფიროსმანა-
შვილმა“. მისი საერთო ტვირთამწეობა
22,6 ათასი ტონაა. ამასთან ტანკერი ისეა
მოწყობილი, რომ ოცამდე სხვადასხვა
სახის ტვირთის გადაზიდვა შეუძლია,
მათ შორის საკვები და მცენარეული ზე-
თების და ა. შ.

„მხატვარმა ფიროსმანაშვილმა“ ბათუ-
მის ნავსადგურში მიიღო ტვირთი და
პირველ რიგში გავიდა.

საიუბილეო ქრონიკა

ა. წერეთლის სახელობის აჭარის ასსრ
რესპუბლიკური ბიბლიოთეკის სამკითხ-
ველო დარბაზში გაიმართა მკითხველთა

კონფერენცია დევიზით „მარად და ყველ-
გან, საქართველოვ, მე ვარ შენთან“
მიმდენილი ილია ჭავჭავაძის დაბადების
150 წლისთავისადმი.

კონფერენცია შესავალი სიტყვით გახ-
სნა ბიბლიოთეკასთან არსებული წიგნის
მოყვარულთა კლუბის „ტალღის“ თავმ-
ჯდომარემ მ. ბოლქვაძემ, მოხსენება თე-
მაზე „ილია ჭავჭავაძის ცხოვრება და მო-
ღვაწეობა“ წაიკითხა მასწავლებელთა და
ხელოვნების ინსტიტუტის მეთოდისტმა
ჟ. ცირეკიძემ, თემაზე „ილია და აჭარა“
ისაუბრეს მწერალმა დ. ნაცვალაძემ, ხე-
ლოვნებათმცოდნე ლ. შარაშიძემ. ნაწყ-
ვეტი იაკო მანსვეტაშვილის წიგნიდან
წაიკითხა მ. ბოლქვაძემ.

მკითხველთა კონფერენცია შეაჯამა ბი-
ბლიოთეკის დირექტორმა ე. ცივაძემ.

* * *

ბათუმის № 24 რუსულ საშუალო სკო-
ლაში მოეწყო ლიტერატურულ-მუსიკა-
ლური კომპოზიცია, რომელიც მიმდენა
ილია ჭავჭავაძის დაბადების 150 წლის-
თავს. (ხელმძღვანელები პედაგოგები ნ.
გავაშელაშვილი და ნ. ცინცაძე).

მოსწავლეებმა წარმოადგინეს ინსცენი-
რება პოემიდან „რამდენიმე სურათი ანუ
ეპიზოდი ყაჩაღის ცხოვრებიდან“ — კა-
კოსა და ზაქროს შეხვედრა, ზაქროს მა-
მისა და ბაკონის საუბარი. ილიასა და
ეკატერინე ჭავჭავაძის შეხვედრა 1858
წელს პეტერბურგში და სხვ.

მოეწყო ვიქტორინა — ვინ მეტი იცის
ილიას შესახებ. გამარჯვებულებს საზეი-
მოდ გადაეცათ ილიას წიგნები.

* * *

სალიბაურის № 2 სკოლა-ინტერნატის
სააქტო დარბაზში დიდი ქართველი მწე-
რლის ილია ჭავჭავაძის დაბადების 150
წლისთავთან დაკავშირებით ი. გოგება-
შვილის სახელობის აჭარის რესპუბლი-
კურმა საბავშვო ბიბლიოთეკამ, წიგნის
მოყვარულთა საზოგადოების გამგეობამ,
საქართველოს საზღვაო სანაოსნოს მცუ-

რავთა კომიტეტის ბიბლიოთეკამ, სალი-
ბაურის № 2 სკოლა-ინტერნატის მოსწავ-
ლეებმა მოაწვევეს ლიტერატურული სა-
ღამო. ბავშვებმა წარმოადგინეს ლიტერა-
ტურულ-მუსიკალური კომპოზიცია.

ილია ქავჭავაძის ცხოვრებისა და შე-
მოქმედების შესახებ ისაუბრეს და ლექ-
სები წაიკითხეს მწერლებმა ფ. ხალვაშმა,
ქ. მუხავამ, ჯ. ჯაყელმა, ც. ანთაძემ, ზ.
გორგილაძემ, უ. ხაჩიშვილმა.

* * *

პიონერთა და მოსწავლეთა რესპუბ-
ლიკური სასახლის სააქტო დარბაზი ბა-
თუმის შოთა რუსთაველის სახელობის
№ 2 საშუალო სკოლის III-ბ კლასის
მოსწავლეებსა და სტუმრებს დავთმობთ,
წარმოადგინეს მონტაჟი „იკაშკაშე ჩირა-
ლდანი“. როგორც ცნობილია № 2 სკო-
ლა აქარაში პირველი ქართული სკოლაა,
რომელიც დიდი ილიას თაოსნობით და-
არსდა.

სცენაზეა მთელი კლასი. პატარებს
მწერლის მრავალი მოთხრობა თუ ლექსი
შეუსწავლიათ, და არა მარტო ილიას
ლექსები.

— ცოდნა სიმდიდრეა, იგი სანთელი-
ვით გინათებს გზას ბნელეთში,—იწყებს
პატარა ი. ქემხაძე და სცენაზე აცემიცი-
მებიან სანთლები. მოსწავლეები კითხუ-
ლობენ აკაკი წერეთლის, დავით გურა-
მიშვილისა და სხვა ქართველი პოეტების
ლექსებს სწავლაზე, შრომაზე.

მესამეკლასელებმა ხ. ქორიძემ, კ. მეგ-
რელიშვილმა, ბ. კაკაურძემ, ა. კეჭაყმა-
ძემ, ნ. ჯოსაძემ, თ. კერესელიძემ, მ. გუ-
ჩაბიძემ, ი. გოგეშვილმა და სხვებმა წარ-
მოადგინეს სცენები ილია ქავჭავაძის ნა-
წარმოებებიდან „ოთარაანთ ქვრივი“ და

„რამდენიმე სურათი ანუ უპიწოდო უაზ-
რის ცხოვრებიდან“. შეასრულეს სიმღე-
რები ილიას ლექსებზე.

„საბჭოთა ბაზარამ“ გამოსცა

გამოვიდა გიორგი ლორთქიფანიძის
ორნაწილიანი რომანი „აკაცი იმედით ცო-
ცხლობს“. იგი პირველად ორმოცდაათიან
წლებში დაიბეჭდა და იმთავითვე მიიქცია
ყურადღება თავისი აქტიური ცხოვრები-
სეული პოზიციით. მისი თემა სიკეთისა
და ბოროტების ბრძოლა და კონფლიქტია.

ერთ მხარეზე დგანან პატიოსანი მშრო-
მელი ადამიანები, რომლებსაც უპირის-
პირდებიან თადლითი მედროვეები, რომ-
ლებიც პირადი კეთილდღეობისათვის
არაფერს არ ერიდებიან.

წიგნის ანოტაცია გვაუწყებს, რომ „აკა-
ცი იმედით ცოცხლობს“ არის რომანი
ადამიანებზე, რომლებმაც ომისა და ცხო-
ვრების რთული და მძიმე გზა განვლეს,
იციან სიყვარულიცა და სიძულვილიც,
სწამთ, რომ ყველაზე დიდი ზანძი გუ-
ლის სითბო, პატიოსნება, მერმისისხათვის
ბრძოლა, თავდადება და შეუპოვრობაა“.

რომანი თავისი პრობლემებით ხაში
ათეული წლის შემდეგაც აქტუალურია
და მძლავრად ეხმიანება ჩვენი პარტიის
სიერ დასმულ გარდაქმნისა და დანქა-
რების სტრატეგიას, პატიოსანი მშრომე-
ლი ადამიანის ჯანსაღი ატმოსფეროს შე-
ქმნას.

რომანის სიუჟეტი ვითარდება დიდი
სამამულო ომის შემდგომი წლების ქარ-
თული სოფლის ფონზე და ყურადღებას
იქცევს რთული კომპოზიციით, მრავალ-
კვანძიანი ხასიათებით.

წიგნის რედაქტორია ლ. ბეჟანიძე, მხა-
ტვარი ა. გიორგაძე.

გარეკანის 1-ლ გვერდზე აღექსანდრე პუშკინის ძველი ბათუმის
ზღვისპირა პარკში.

ნომერი გააფორმა ა. ლომაძემ.

ტექნიკური ხელმძღვანელი შ. დარჩია.



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԱԽԱՐԱՐԱԿԱՆ ԳՐԱԴԱՐԱՆ

6 117/127
1927

3360 40 333.

ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

„ЧОРОХИ“

ОРГАН СОЮЗА ПИСАТЕЛЕЙ
ГРУЗИИ И АДЖАРСКОГО ОТДЕЛЕНИЯ
ИНДЕКС 78118